

ভয়হৃদয় ।

(গীতি-কাব্য)

শ্রীরবীন্দ্রনাথ ঠাকুর

প্রণীত ।

কলিকাতা

বা ন্মী কি য স্ত্রে

ঐকালিকিকর চক্রেবর্তী দ্বারা মুদ্রিত ও প্রকাশিত ।

সংস্করণ ১৮০৩ ।


NOT TO BE TAKEN OUT

Rare Book

B

891.441

T 979 bha



ভূমিকা ।

এই কাব্যটিকে কেহ যেন নাটক মনে না করেন ।
নাটক ফুলের গাছ । তাহাতে ফুল ফুটে বটে, কিন্তু সেই
সঙ্গে মূল, কাণ্ড, শাখা, পত্র, এমন কি কাঁটাটি পর্যন্ত
থাকা চাই । বর্তমান কাব্যটি ফুলের মালা, ইহাতে
কেবল ফুলগুলি মাত্র সংগ্রহ করা হইয়াছে । বলা
বাহুল্য, যে, দৃষ্টান্ত স্বরূপেই ফুলের উল্লেখ করা হইল ।

কাব্যের পাত্রগণ ।



কবি ।

অনিল ।

মুরলা ।

ললিতা ।

নলিনী ।

অনিলের ভগ্নী ও কবির বাল্য-সহচরী ।

অনিলের প্রণয়িনী ।

এক চপল-স্বভাবা কুমারী ।

চপলা ।

মুরলার সখী ।

লীলা

স্বরূতি

মাধবী প্রভৃতি

} নলিনীর সখীগণ ।

অরেশ

বিজয়

বিনোদ প্রভৃতি

} নলিনীর বিবাহ বা প্রণয়কালী ।

উপহার ।

শ্রীমতী হে— — — — —

১

হৃদয়ের বনে বনে সূর্য্যমুখী শত শত
ওই মুখ পানে চেয়ে ফুটিয়া উঠেছে যত ।
বৈঁচে থাকে বৈঁচে থাক্, শুকাষ শুকায়ে যাক্,
ওই মুখ পানে তারা চাহিয়া থাকিতে চায়,
বেলা অবসান হবে, মুদিয়া আসিবে যবে
ওই মুখ চেয়ে যেন নীববে ঝরিয়া যাব '

২

জীবন-সমুদ্রে তব জীবন তটিনী মোব
মিশ্রিয়েছি একেবাবে আনন্দে হইয়ে ভাব
সন্ধ্যাব বাতাস লাগি উন্মি যত উঠে জাগি,
অথবা তবঙ্গ উঠে ঝড়ি বাথ আকুলিয়া,
জানে বা না জানে কেউ, জীবনের প্রান্তে ঢেউ
মিশিবে—বিরাম গাবে—তোমার চরণে গিয়া ।

৩

হয়ত জ্ঞান না, দেবি, অদৃশ্য বীধন দিয়া
নিয়মিত পথে এক ফিরাইছ মোব হিয়া ।
গেছি দূরে, গেছি কাছে, সেই আকর্ষণ আছে,
পথভ্রষ্ট হইনাক' তাহারি অটল বলে,
নহিলে জদয় মম ছিন্ন ধূমকেতু সম
দিশাহারা হইত সে অনন্ত আকাশ তলে !

আজ সাগরের তীরে দাঁড়ারে তোমার কাছে ;
 পর পারে মেঘাচ্ছন্ন অন্ধকার দেশ আছে ;
 দিবস ফুরাবে হবে সে দেশে বাইতে হবে,
 এ পারে ফেলিয়া যাব আমার তপন শশি,
 ফুরাইবে গীত গান, অবসাদে ত্রিস্ত্রয়মান,
 সুখ শান্তি অবসান কাঁদিব অঁধারে বসি !

স্নেহের অরুণালোকে খুলিয়া হৃদয় প্রাণ,
 এ পারে দাঁড়ারে, দেবি, গাহিছ বে শেষ গান,
 তোমারি মনের ছায় সে গান আশ্রয় চায়,
 একটি নয়ন জল তাহারে করিও দান ।
 আজিকে বিদায় তবে, আবার কি দেখা হবে,
 পাইয়া স্নেহের আলো হৃদয় গাহিবে গান ?

ভগ্নহৃদয় ।

প্রথম সর্গ ।

দৃশ্য—বন । চপলা ও মুরলা ।

চপলা ।—সখি, তুই হলি কি আপনা-হাবা ?
এ ভীষণ বনে পশি, একেলা আছি বসি
খুঁজে খুঁজে ছোঁয়েছি যে সারা !
এমন আঁধার ঠাই—জনপ্রাণী কেহ নাই,
জটিল মস্তক বট চারিদিকে ঝুঁকি !
ছয়েকটি ববি-কর সাহসে কবিষা ভব
অতি সস্তর্পণে যেন মাঝিতেছে উঁকি ।
অন্ধকার, চারিদিক হ'তে, মুখ পানে
এমন তাকায়ে বয়, বুকে বড় লাগে ভয়,
কি সাহসে রোয়েছিস বসিয়া এখানে ?
মুরলা ।—সখি, বড় ভালবাসি এই ঠাই !
বায়ু বহে ছড় করি, পাতা কাঁপে ঝর ঝরি,

শ্রোতস্বিনী কুল কুল করিছে সদাঈ!
 বিছায়ে শুকানো পাতা, বট-মূলে রাখি মাথা,
 দিনরাত্রি পারি সখি শুনিতে ও ধ্বনি ।
 বৃকের ভিতরে গিয়া কি যে উঠে উথলিয়া
 বুঝিয়ে বলিতে তাহা পারিনা স্বজনী !
 বা সখি, একটু মোরে রেখে দে একেলা,
 এ বন আঁধার ঘোর, ভাল লাগিবেনা তোর,
 তুই কুঞ্জ-বনে সখি কর গিয়ে খেলা !

চপলা ।—মনে আছে, অনিলের ফুল-শব্দা আজ ?

তুই হেথা বোসে র'বি, কত আছে কাজ !

কত ভোরে উঠে বনে গেছি ছুটে,

মাধবীরে লোরে ডাকি,

ডালে ডালে বত ফুল ছিল ফুটে

একটি রাখিনি বাকি !

শিশিরে ভিজিয়ে গিয়েছে আঁচল,

কুম্ভ-রেণুতে মাথা,

কাঁটা বিধে সুখি হোয়েছিল সারা

নোয়াতে গোলাপ-শাখা !

তুলেছি করবী, গোলাপ গরবী,

তুলেছি টগর গুলি,

যুঁই কুঁড়ি বত বিকেলে ফুটিবে

তখন আনিব তুলি ।

আয়, সখি, আয়, ঘরে ফিরে আয়,

অনিলে দেখুসে আজ ;

হরষের হাসি অধরে ধরেনা,

কিছু যদি আছে লাজ !

মুরলা ।—আহা সখি, বড় তারী ভালবাসে দুইজনে !

চপলা ।—হ্যাঁ সখি, এমন আর দেখিনি বর-কোমে !

জানিস্ত সখি, ললিতার মত

অমন লাজুক মেয়ে,

অনিলের সাথে দেখা করিবারে

প্রতি দিন যায় বিপাশার ধারে,

সরমের মাথা খেয়ে !

কবরীতে বাঁধি কুসুমের মালা,

নয়নে কাজল রেখা ;

চুপি চুপি যায়, ফিরে ফিরে চায়,

বন-পথ দিয়ে একা !

দূব হোতে দেখি অনিলে, অমনি

সরমে চরণ সরে না যেন !

ফিরিবে ফিরিবে মনে মনে করি

চরণ ফিরিতে পারেনা যেন !

অনিল অমনি দূর হোতে আগি

ধরি তার হাত থানি,

কহে যে কত কি হৃদয়-গলানো

সোহাগে মাখানো বাণী

আমি ছিঁই সখি লুকিয়ে তখন

স্নানোঁছর আড়ালে আসি,

লুকিয়ে লুকিয়ে দেখিতে ছিলেম

রাখিতে পারিনে হাসি !
 কত কথা ক'য়ে, কত হাত ধরি,
 কত শত বার সাধালামি করি,
 বসাইল যুবা ললিতা বালাকে
 বকুল গাছের ছায়,
 মাথার উপরে ঝরে শত ফুল ;
 যেন গো করুণ তরুণ বকুল,—
 ফুল চাপা দিয়ে লাজুক মেয়েকে
 ঢাকিয়া ফেলিতে চায় !
 ললিতার হাত কাঁপে থর থর,
 আঁখি ছুটি নত মাটির উপর,
 ভূমি হোতে এক কুসুম তুলিয়া
 ছিড়িতেছে শত ভাগে ।
 লাজ-নত মুখ ধরিয়৷ তাহার
 অনিল রাখিল বুকের মাঝার,
 অনিমিষ আঁখি মেলিয়া যুবক
 চাহি থাকে মুখ বাগে !
 আদরে-ভাসিয়া ললিতার চোখে
 বাহিরে সলিল-ধার,
 সোহাগে, সরমে, প্রণয়ে গলিয়া
 আঁখি ছুটি তার পড়িল ঢলিয়া,
 হাসি ও নয়ন-সলিলে মিলিয়া
 কি শোভা ধরিল মুখানি তার ?
 আমি সখি আর নারিনু থাকিতে

স্বখে পড়িছ আসি,
 করতালি দিয়ে উপহাস কত
 করিলাম হাসি হাসি ।
 ললিতা অমনি চমকি উঠিল,
 মুখেতে একটি কথা না ফুটিল,
 আকুল ব্যাকুল হইয়া সরমে
 লুকাতে ঠাই না পায়,
 ছুটিয়ে পলায়ে এলেম অমনি
 হেসে হেসে আর বাঁচিনে সজনি,
 সে দিন হইতে আমারে হেরিলে
 ললিতা সরমে সরিয়া যায় !

মুবলা ।—আহা, কেন বাধা দিতে গেলি তাহাদের কাছে ?

চপলা ।—বাধা না পাইলে সখি স্বখেতে কি স্বখ আছে ?

মুবলা ।—স্বখ্যমুখী ফুল সখি আমি ভালবাসি বড়,
 দু চারিটি তুলে এনে আজিকে করিস জড় !
 মনে বড় সাধ তার দেখে রবি-মুখ পানে,
 রবি যেথা, সাধা তার লোয়ে যায় সেইখানে ;
 তবু মনোআশা হায়, মনেই স্মিথ্যায় যায়,
 মুখানি তুলিতে নারে সরমেতে জড়সড় !
 সে ফুলে সাজাবি দেহ লাজময়ী ললিতার,
 লজ্জাবতী পাতা দিয়ে ঢাকিবি শয়ন তার ;
 কমল আনিয়া তুলি, লাজে-রাজ্যে পাণ্ডি গুলি
 পাখি পাখি নিরমিয়া দিবি বোমটার ধার ।
 পাতা ঢাকা আধ-ফুটে লাজুক গোলাপ দুটো

আনিস, ছুলায়ে দিবি সুচারু অলকে তার ?
 সহসা বজ্রনী-পক্ষা প্রভাতের আলোকে দেখে
 ভাবিয়া না পার ঠাই কোথা মুখ রাখে ঢেকে,
 আকুল সে ফুল গুলি যতনে আনিস তুলি,
 তাই দিয়ে গঁথে গঁথে বিরচিবি কর্ণহার ।

চপলা ।—তুই সখি আয়, একেলা আমার

ভাল নাহি লাগে বালা !

ছুটি সখি মিলি হাসিতে হাসিতে,

গুণ গুণ গান গাহিতে গাহিতে

মনেব মতন গাঁথিব মালা !

বল্ দেখি সখি হ'ল কি তোর ?

হাসিয়া খেলিয়া কুসুম তুলিয়া

করিবি কোথায় ভাবনা ভুলিয়া

কুমারী-জীবন তোরে—

তা না, একি জালা ? মরমে মিশিয়া

আপনার মনে আপনি বসিয়া,

সাধ কোরে এত ভাল লাগে সখি

বিজুনে ভাবনা-ঘোর !

তা' হবেনা সখি, না যদি আসিস

এই কহিলাম তোরে—

যত ফুল আমি আনিয়াছি তুলি

আঁচল তরিয়া ল'ব সব গুলি,

বিপাশার স্রোতে দিবলো ভাসিয়ে

একটি একটি কোরে !

মুরলা ।—মাথা খা, চপলা, মোরে জালাসনে আর !

চপলা ।—ভাল সহি, জ্বালাবনা চলিহু এবার !

(গমনোদ্যম ; পুনর্বার ফিরিয়া আসিয়া)

না না সখি, এই আঁধার কাননে

একেলা রাখিয়া তোরে

কোথায় যাইব বল্দিখি তুই,

যাইব কেমন কোরে ?

তোরে ছেড়ে আমি পারি কি থাকিতে ?

ভালবাসি তোরে কত !

আমি যদি সখি, হোতেম তোমার

পুরুষ মনের মত,

সারাদিন তোরে রাখিতাম ধোরে,

বঁধে রাখিতাম হিয়ে,

একটুকু হাসি কিনিতাম তোর

শতেক চুস্বন দিয়ে !

অমিয়া-মাথানো মুখানি তোমার

দেখে দেখে সাধ মিটিতনা আর,

ও মুখানি লোয়ে কি যে করিতাম,

বুকের কোথায় ঢেকে রাখিতাম,

ভাবিয়া পেতাম তা'কি ?

সখি, কার তুমি ভালবাসা তরে

ভাবিছ অমন দিনরাত ধোরে,

পায়ে পড়ি, তব খুলে বল তাহা

কি হবে রাখিয়া ঢাকি ?

মুরলা ।—কমা কর মোরে সখি, শুধায়োন! আর !

মরমে লুকানো থাক্ মরমের ভার!

বে গোপন কথা সখি, সতত লুকায়ে রাখি,

ঈষ্ট-দেব-মন্ত্র সম পূজি অনিবার,

তাহা মানুষের কানে ঢালিতে যে লাগে প্রাণে,

লুকানো থাক্ তা সখি হৃদয়ে আমার !

ভালবাসি, শুধায়োন! কারে ভালবাসি !

সে নাম কেমনে সখি कहিব প্রকাশি !

আমি তুচ্ছ হোতে তুচ্ছ, সে নাম যে অতি উচ্ছ,

সে নাম যে নহে যোগ্য এই রসনার !

ক্ষুদ্র ওই কুসুমটি পৃথিবী-কাননে,

আকাশেব তারকারে পূজে মনে মনে—

দিন দিন পূজা করি শুকায়ে পড়ে সে ঝরি,

আজন্ম নীরব প্রেমে যায় প্রাণ তার—

তেমনি পূজিয়া তারে, এ প্রাণ যাইবে হা-রে

তবুও লুকানো রবে একথা আমার !

চপলা ।—কে জানে সজনি, বুঝিতে না পারি

এ ভোর কেমন কথা !

আজিও ত সখি না পেছু ভাবিয়া

এ কি প্রণয়ের প্রথা !

প্রণয়ীর নাম রসনার, সখি,

সাধের খেলেনা মত,

উলটি পালটি সে নাম লইয়া

রসনা খেলায় কত !

নাম যদি তার বলিস্, তা'হলে
 তোরে আমি অবিরাম
 শুনাও' তাহাবি নাম—
 গানের মাঝাবে সে নাম গাঁথিয়া
 সদা গাব সেই গান !
 রজনী হইলে সেই গান গেয়ে
 ঘুম পাড়াইব তো'ব,
 প্রভাত হইলে সেই গান তুই
 শুনিবি ঘুমের ঘোরে !
 ফুলের মালায় কুসুম আখবে
 লিখি দিব সেই নাম ;
 গলায় পবিবি—মাথায পবিবি,
 তাহাবি বলয়, কঁাকন কবিবি—
 হৃদয় উপবে যতনে ধরিবি
 নামের কুসুম দাম !
 যখনি গাহিবি তাহাব গান,
 যখনি কহিবি তাহার নাম,
 সাথে সাথে সখি আমিও গাঁহিব,
 সাথে সাথে সখি আমিও কহিব,
 দিবারাতি অবিরাম—
 সারা জগতের বিশাল আশ্বরে
 পড়ি'বি তাহারি নাম !
 যখনি বলি'বি তোর পাশে তাক্রে
 ধরিয়া আনিয়া দিব—

হৃদয় হইতে পলাইয়া গিয়া
 আড়ালেতে লুকাইব ।
 দেখিব কেমন দুখ না ছুটে,
 ওই মুখে তোর হাসি না ফুটে,—
 ভুলিবি এ বন, ভুলিবি বেদন,
 সখীরেও বুঝি ভুলিয়া যাবি !
 বল্ সখি, প্রেমে পড়েছিচ্ছ কাল,
 বল্ সখি বল্ কি নাম তাহার,
 বলিবি নি কিলো ? না যদি বলিস্
 চপলার মাথা খাবি !

মুরলা ।—(নেপথ্যে চাহিয়া) জীবন্ত স্বপ্নেব মত, ওই দেখ, কবি
 একা একা ভ্রমিছেন আঁধার অটবী ।
 ওই যেন মূর্তিমান ভাবনার মত,
 নত করি হৃদয়ন শুনিছেন একমনি
 স্তম্ভতার মুখ হোতে কথা কত শত !

(কবির প্রবেশ)

কবি ।—বন-দেবীটির মত এইযে মুরলা,
 প্রভাতে কাননে বসি ভাবনা বিফলা !
 প্রকৃতি আপনি আসি লুকায়ে লুকায়ে,
 আপনার ভাষা তোরে দেছে কি শিখায়ে ?
 দিনরাত কলশকে তটিনী কি গান করে
 তাহা কি বুঝিতে তুই পেরেছিস্ বালা ?
 তাই হেতা প্রতিদিন আসিস্ একালা !
 মুরলা ! আজিকে তোরে বনবালা মত কোরে

চপলা সাজীয়ে দিক্ দেখি একবার।
 এলোথেলো কেশপাশে লতা দে বাঁধিয়া
 অলক সাজায়ে দেহো তৃণফুল দিয়া—
 ফুলসাথে পাতা গুলি, একটী একটী তুলি
 অযতনে দেলো তাহা আঁচলে গাঁথিয়া !
 চরিত্র শাবক যত তুলিবে তবু স,
 পদতলে বসি তোব চিবাইবে ঘাস।
 ছিঁড়ি ছিঁড়ি পাতাগুলি মুখে তাব দিবি তুলি,
 সবিস্ময়ে স্নকুমার গ্রীবাটী বাঁকায়ে
 অবাক্ নয়নে তাবা বহিবে তাকায়ে।
 আমি হোয়ে ভাবে ভোব দেখিব মুখানি তোর,
 কল্পনার ঘুমঘোব পশিবে পবাণে !
 ভাবিব, সতাই হুবে, বনদেবী আসি তবে
 অধিষ্ঠান হইলেন কবির নয়ানে।

চপলা।—বল দেখি মোবে কবিগো, হ'ল কি

তোমাদের হুজুনাব ?

সখিবে আমাব কি গুণ কঁবেছ'

বল দেখি একবার।

সখিব আমাব খেলাধুলা নেই

সাবাদিন বসি থাকে বিজনেই,

জানিনা ত কবি এত দিন আছি

কিসের ভাবনা তাব !

ছেলেবেলা হোতে তোমরা হুজনে

বাড়িলাছ এক সাথে,

আপনার মনে ভ্রমিতে ছুজনে
 ধরি ধরি হাতে হাতে !
 তখন না জানি কি মন্ত্র, কবি গো,
 দিলে মুরলার কানে !
 কি মায়া না জানি দিয়েছিলে পড়ি
 সখীর তরুণ প্রাণে !
 বেলা হোয়ে এল সজনি এখন,
 করিয়াছে পান প্রভাত-কিরণ
 ফুল-বধূটির অধর হইতে
 প্রতি শিশিরের কণা ।
 তুই থাক হেথা আমি যাই ফিবে,
 অমনি ডাকিয়া লব মালতীবে,
 একেলা ত বালা, অত ফুলমালা
 গাঁথিবারে পারিবনা !

প্রস্থান ।

কবি .—সুবলা, তোমার কেন, ভাবনার ভাব হেন ?

কতবার শুধিয়েছি বলনি আমারে !
 লুকায়োনা কোন কথা, যদি কোন থাকে ব্যথা
 রুখিয়া রেখোনা তাহা হৃদয় মাঝারে !
 হয়ত হৃদয়ে তব কিসের যাতনা
 আপনি মুরলা তাহা জানিতে পারনা !
 হয়ত গো যৌবনের বসন্ত সন্ধ্যা
 মানস-কুসুম তব ফুটেছে স্তব্ধীরে,
 প্রণয় বারির তরে তুষার আকুল

শ্রিয়মান হুয়ে বুঝি পোড়েছে সে ফুল ?

পেয়েছ কি যুবা কোন মনের মতন ?

ভালবাসো, ভালবাসা করহ গ্রহণ ;

তা'হ'লে হৃদয় তব পাইবে জীবন নব,

উচ্ছ্বাসে উচ্ছ্বাসময় হেরিবে ভুবন।

মুরলা।—(স্বগত) বুঝিলেনা—বুঝিলেনা,—কবিগো এখনো

বুঝিলেনা এ প্রাণের কথা !

দেবতা গো বল দাও, এ হৃদয়ে বল দাও,

পারি যেন লুকাতে এ ব্যথা।

জানি, কবি, ভাল তুমি বাস'নাক মোরে,

তা' হ'লে এ মন তুমি চিনিবে কি কোরে ?

একটুকু ভাল যদি বাসিতে আমায়ে,

তা' হ'লে কি কোন কথা, এ মনের কোন ব্যথা

তোমার কাছেতে কবি লুকায়ে থাকিতে পারে ?

তাহা হ'লে প্রতি ভাবে, প্রতি ব্যবহারে,

মুখ দেখে, আঁখি দেখে, প্রত্যেক নিশ্বাস থেকে

বুঝিতে যা' গুপ্ত আছে বুকের মাঝারে।

প্রেমের নয়ন থেকে প্রেম কি লুকানো থাকে ?

তবে থাক্, থাক্ সব, বুকে থাক্ গাঁথা—

বুক যদি ফেটে যায়—ভেঙ্গে যায়—চূরে যায়—

তবু রবে লুকানো এ কথা,

দেবতাগো বল দাও—এ হৃদয়ে বল দাও

পারি যেন লুকাতে এ ব্যথা !

কবি।—বহুদিন হ'তে, সখি, আমার হৃদয়

হোয়েছে কেমন যেম অশান্তি-আলস্য ।
 চরাচর-ব্যাপী এই ঘোম-পারাবার
 সহসা হারায় যদি আলোক তাহার,
 আলোকের পিপাসায় আকুল হইয়া
 কি দারুণ বিশৃঙ্খল হয় তা'র হিয়া !
 তেমনি বিপ্লব ঘোর হৃদয় ভিতরে ,
 হ'তেছে দিবস নিশা, জানিনা কি তরে !

নব-জাত উকা-নেত্র মহাপক্ষ গরুড় যেমন
 বসিতে না পায় ঠাঁই চরাচর করিয়া ভ্রমণ,
 উচ্চতম মহীকূহ পদভরে ভূমিতলে লুটে,
 ভূধরের শিলাময় ভিত্তিমূল বিদারিয়া উঠে,
 অবশেষে শূন্নে শূন্নে দিবারাত্রি ভ্রমিয়া বেড়ায়,
 চক্স সূর্য্য গ্রহ তারা ঢাকি ঘোর পাঁথার ছায়ায় ;
 তেমনি এ ক্লান্ত-হৃদি বিশ্রামের নাহি পায় ঠাঁই,
 সমস্ত ধরায় তা'র বসিবার স্থান যেন নাই ;
 ভাই এই মহারণ্যে আমরাতে আসিগো একাকী,
 মহান্-ভাবের ভারে হ্রস্ব এ ভাবনারে
 কিছুক্ষণ তরে তবু দমন করিয়া যেন রাখি ।
 চক্সশূন্য আঁধারের নিস্তরঙ্গ সমুদ্রে মাঝারে
 সমস্ত জগৎ যবে মগ্ন হ'য়ে গেছে একেবারে,
 অসহায় ধরা এক মহামন্ত্রে হোয়ে অচেতন
 নিশীথের পদতলে করিয়াছে আত্ম-সমর্পণ,
 তখন অধীর হৃদি অভিভূত হোয়ে যেন পড়ে,

অতি ধীরে বহে শ্বাস, নয়নেতে পলক না নড়ে ।

* * * *

প্রাণের সমুদ্র এক আঁইছ যেন এ দেহ মাঝারে,
মহা উচ্ছ্বাসের সিদ্ধ রুদ্ধ এই ক্ষুদ্র কারাগারে ;
মনের এ রুদ্ধশ্রোত দেহ খানা করি বিদারিত
সমস্ত জগৎ যেন চাহে সখি করিতে প্রাবিত !
অনন্ত আকাশ যদি হ'ত এ মনের ক্রীড়া-স্থল,
অগণ্য তারাকারাদি হ'ত তার খেলনা কেবল,
চৌদিকে দিগন্ত আসি রুদ্ধিত না অনন্ত আকাশ,
প্রকৃতি জননী নিজে পড়াত কালের ইতিহাস,
দূরন্ত এ মন-শিশু প্রকৃতির স্তম্ভ-পান করি
আনন্দ-সঙ্গীত শ্রোতে ফেলিত গো শূন্যতল ভরি,
উষার কনক-শ্রোতে প্রতিদিন করিত সে স্নান,
জ্যোৎস্না-মদিরা ধারা পূর্ণিমা করিত সে পান,
ঘূর্ণ্যমান ঝটিকার মেঘমাঝে বসিয়া একেলা
কোতুকে দেখিত যত বিছাত-বালিকাদের খেলা,
দূরন্ত ঝটিকা ছোখা এলোচুলে বেড়াত নাচিয়া •
তরঙ্গের শিরে শিরে অধীর চরণ বিক্লেপিয়া ।
হরষে বসিত গিয়া ধূমকেতু পাখার উপরে
তপনের চারিদিকে ভ্রমিত সে বর্ষ বর্ষ ধোরে ।
চরাচর মুক্ত তার অবারিত স্বাসনার কাছে,
প্রকৃতি দেখাত তারে যেথা তার যত ধন আছে ;
কুসুমের রেণুমাখা বসন্তের পাখায় চড়িয়া
পৃথিবীর ফুলবনে ভ্রমিত সে উড়িয়া উড়িয়া ;

সমীরণ, কুসুমের লঘু পরিমল-তার বহি
 পথশ্রমে প্রাপ্ত হোয়ে বিশ্রাম লভিছে রহি রহি,
 সেই পরিমল সাথে অমনি সে বাইত মিলায়ে,
 ভ্রমি কত বনে বনে, পরিমল রাশি সনে
 অতি দূর দিগন্তের ক্ষুদ্রেরেতে বাইত মিশারে ।
 তটিনীর কলস্বর, পল্লবের মরমর,
 শত শত বিহগের ক্ষুদ্রের আনন্দ উচ্ছ্বাস,
 সমস্ত বনের স্বর মিশে হ'ত একতর,
 একপ্রাণ হোয়ে তারা পরশিত উন্নত আকাশ,
 ভখন সে সঙ্গীতের তরঙ্গে করিয়া আরোহন,
 মেঘের সোপান দিয়া অতি উচ্চ শৃংগে গিয়া
 উষার আরক্ত-ভাস পারিত গো করিতে চূষন !
 কলনা, খাম গো খাম, কোথায়—কোথায় বাঙ নিয়ে ?
 ক্ষুদ্র এ পৃথিবী, দেবী, কোন্ খেনে রেখেছি ফেলিয়ে,
 মাটির শৃঙ্খল দিয়ে বাঁধা যে গো রোয়েছে চরণ,
 স্বত উচ্ছে আরোহিব, তত হবে দারুণ পতন !
 •কলনার প্রলোভনে নিরাশার বিষ ঢাকা,
 শূন্য অন্ধকার মেঘে সন্ধ্যার কিরণ মাথা ;
 সেই বিষ প্রাণ ভোরে সখিলো করিহু পান,
 মন হ'য়ে গেল, সখি, অবসন্ন—ম্রিয়মান ।
 মুরলা ।—কবিগো, ও সব কথা ভেবোনাকো আর,
 শ্রান্ত মাথা রাখ' এই কোলেতে আমার ।
 কবি ।—সখি, আর কত দিন সুখ হীন, শান্তি-হীন,
 হাহা কোয়ে বেড়াইব, নিরাশ্রয় মন লোয়ে ।

পারিনে, পারিনে আর—পাষণ মনের ভার
 বহিয়া, পঁড়েছি সখি, অতি শ্রান্ত ক্লান্ত হোয়ে ।
 সম্মুখে জীবন মম ছেরি মরুভূমি সম,
 নিরাশা বৃকেতে বসি ফেলিতেছে বিশ্বাস ।
 উঠিতে শক্তি নাই, যদিকে ফিরিয়া চাই
 শূন্য—শূন্য—মহাশূন্য নয়নেতে পরকাশ ।
 কে আছে, কে আছে, সখি, এ শ্রান্ত মস্তক মম
 বৃকেতে রাখিবে ঢাকি যতনে জননী সম ।
 কে আছে, অজস্র স্রোতে প্রণয় অমৃত ভরি
 অবসন্ন এ হৃদয় তুলিবে সজীব কবি ।
 মন, যতদিন যায়, মুদিয়া আসিছে হায়,
 শুকায়ে শুকায়ে শেষে মাটীতে পড়িবে বরি ।

মুরলা ।—(স্বগত) হা কবি, ও হৃদয়ের শূন্য পূরাইতে
 অভাগিনী শ্রুবলাগো কি না পারে দিতে !
 কি সুখী হোতেম, যদি মোর ভালবাসা
 পূবাতে পাবিত তব হৃদয় পিপাসা ।
 শৈশবে ফুটেনি যবে আমার এ মন,
 তরুণ প্রভাত সম, কর্বিগো, তখন
 প্রতিদিন ঢালি ঢালি দিবেছ শিশিবে,
 প্রতিদিন যোগায়েছ শীতল সমীবে,
 তোমারি চোখের পবে কল্পণ কিরণে
 এ হৃদি উঠেছে ফুটি তোমারি যতনে ;
 তোমারি চরণে কবি দেছি উপহার,
 যা কিছু সৌরভ এর তোমারি—তোমার ।

(প্রকাশ্যে) তোলা কবি, মাথা তোলা, ভেবোনা এমন,
 ছুজনে সরসী তীরে করিগে ভ্রমণ'।
 ওঁই চেয়ে দেখ, কবি তটিনীর ধারে
 মধ্যাহ্ন কিরণ লোয়ে, বন-দেবী স্তব্ব হোয়ে
 দিতেছে বিবাহ দিয়া আলোকে অঁধারে ।
 সাধের সে গান তব গুনিবে এখন ?
 তবে গাই, মাথা তোলা, শোন দিয়ে মন ।

গান ।

কত দিন একসাথে ছিলাম ঘুম ঘোরে,
 তবু জানিতাম নাকো ভালবাসি তোরে ।
 মনে আছে ছেলেবেলা কত খেলিয়াছি খেলা,
 ফুল তুলিয়াছি কত ছুইটি আঁচল ভোরে !
 ছিলাম সুখে যত দিন ছুজনে স্নিগ্ধ হীন
 তখন এক জানিতাম ভালবাসি তোরে ?
 অবশেষে এ কপাল ভাঙিল যখন,
 ছেলেবেলাকার যত ফুরাল' স্বপন,
 লইয়া দলিত মন 'ইইমু প্রবাসী,
 তখন জানিলাম, সখি, কত ভালবাসি ।

দ্বিতীয় সর্গ ।



ক্রীড়া কানন । নলিনী ও সখীগণ ।

নলিনী ।—সখি ! অলক-চিকুরে কিশলয় সাথে

একটি গোলাপ পরায়ে দে ।

চারু ! দেখি ও আরণী খানি ;

বালা ! সিঁথিটি দে ত লো আনি ;

লীলা ! শিথিল কুন্তল দেখ্ বার বার

কপোলে ছলিয়া পড়িছে আমাব

একটু এপাশে সরায়ে দে ।

সুৰুচি ।—মাধবী ! বলত মোরে একবার

আজিকে হোল কি তোর !

কতখণ ধ'রে গাঁথিছিস্ মালা

এখনো কি শেষ হোল না তা' বালা ?

এক মালা গেঁথে করিবি না কি লো

সারাটি রজনী ভোর ?

অনিলের হবে ফুলশয্যা আজ,

সাঁঝের আগেই শেষ করি সাজ

সব সখী মিলি যেতে হবে সুখা

তা কি মনে আছে তোর ?

অলকা ।—মরি মরি কিবা সাজাবার ছিри,

চেয়ে দেখ্ একবার !

Bare Book সখীর অমন ক্রীণ দেহ মাঝে
কমল ফুলের মালা কিলো সাজে ?
বিনোদিনী দেখে গাঁথিছে বসিয়া

কমলের ফুল হার !

নলিনী ।—ওই দেখে সখি, দাঁড়ের উপরে,
মাথাটি গুঁজিয়া পাখার ভিতরে
শ্যামাটি আমার—সাধের শ্যামাটি
কেমন ঘুমায়ে আছে !

আনু সখি ওরে কাছে !

গান গেয়ে গেয়ে, তালি দিয়ে দিয়ে,
ঘিরে বসি ওরে সকলে মিলিয়ে,
দেখিব কেমন ফিরে ফিরে ফিরে
তালে তালে তালে নাচে ।

(শ্যামার প্রতি গান)

নাচ শ্যামা, তালে তালে ।
বাঁকায়ে গ্রীবাটি, তুলি পাখা ছুটি,
এপাশে ওপাশে করি ছুটাছুটি

নাচ শ্যামা, তালে তালে ।
কণ্ঠ কণ্ঠ বুঝ বাজিছে হৃপ্পর,
মৃহ মৃহ মধু উঠে গীত স্রব,
বলয়ে বলয়ে বাজে ঝিনি ঝিনি,

তালে তালে উঠে করতালি ধ্বনি,
নাচ শ্যামা, নাচ তবে !

নিরালয় তোর বনের মাঝে
সেখা কি এমন নুপুর বাজে ?
বনে তোর পাখী আছিল যত
গাহিত কি তারা মোদের মত
এমন মধুর গান ?
এমন মধুর তান ?
কমল-করের করতালি হেন
দেখিতে পেতিস্ কবে ?
নাচ শ্যামা নাচ তবে !

বন্দী বোলে তোর কিসের ছুখ ?
বনে বন্ তোর কি ছিল সুখ ?
বনের বিহগ কি বুঝিবি তুই,
আছে লোক কত শত,
যারা শ্যামা তোর মত
এমনি সোনার শিকলি পরিয়া
সাধের বন্দী হইতে চান্ন !
এই গীত-রবে হোয়ে ভরপুর,
শুনি শুনি এই চরণ-নুপুর
জনম জনম নাচিতে চান্ন !

সাধ কোরে ধরা দেয় গো তারা,
 সাথে সাথে ভ্রমি হয় গো সারা,
 ফিবেও দেখিনে—ফিরেও চাহিনে—
 বড় জ্বালাতন করগে যখন
 অশরীরী বাজ করি ববিমণ—
 উপেখা বাণেব ধাবা !
 তবে দেগ্, পাখী তোব
 কেমন ভাগ্যের জোর !
 বড় পুণ্য ফলে মিলেছে বিহগ
 এমন স্নেহের কারা !

আয় পাখী, আয় বৃকে !
 কপোলে আমাব মিশায়ে কপোল
 নাচ্ নাচ্ নাচ্ স্নেহে !
 বড় হুখ মনে, বনের বিহগ্,
 কিছু তুই বুঝিলি না !
 এমন কপোল অমিয়-মাখা
 চুমিলি, তবুও ঝাপটি পাখা
 উড়িতে চাহিস্ কি না !
 প্রতি পাখা তোর উঠেনি শিহরি ?
 পুলকে হরষে মরমেতে মরি
 ঘুরিয়া ঘুরিয়া চেতনা হারায়ে
 পদতলে পড়িলি না ?

নাচ নচ তালে তালে !
 বাঁকায়ে ঐঁবাটি তুলি পাখা ছুটি
 এ পাশে ও পাশে করি ছুটাছুটি
 নাচ শ্যামা তালে তালে !

দামিনী ।—ওনেছিস্ সখি, বিবাহ-সভায়
 বিনোদ আসিবে আজ ।
 ভালো কোরে কর্ সাজ !
 নলিনী ।—আহা মোরে যাই কি কথা বলিলি !
 শুনিয়া যে হয় লাজ !
 বিনোদ আসিবে আজ ?
 এ বারতা দিয়ে কেন লো স্বজনি,
 মাথায় হানিলি বাজ ?
 সারাধন মোর সাথে সাথে ফিরে
 ক্ষান্ত নহে একটুক,
 মুখখানা তার দেখিবারে পুই
 যে দিকে ফিরাই মুখ ।
 এক-দৃষ্টে হেন বহে সে তাকাষে
 থেকে থেকে ফেলে স্বাস,
 মুখেতে আঁচল চাপিয়া চাপিয়া
 রাখিতে পারিনে হাস ।
 লীলা ।—ওনেছি প্রমোদ আসিবে, বাহারে
 ভ্রমর বলিয়া ডাকি,

যাহারে হেরিলে হরষে তোমার*

উজলিয়া উঠে আঁখি ।

নলিনী ।—গা ছুঁয়ে আমার বল্লো স্বজনি,

সত্য সে আসিবে নাকি ?

দেখ দেখি সখি, অভাগীর তরে

কোথাও নিস্তার নাই,

মরি মরি কিবা ভ্রমর আমার !

ভ্রমরের মুখে ছাই !

সে ছাড়া ভ্রমর আর কি নাই ?

তা হোলে এখনি—সখিরে, এখনি

নলিনি-জনম ঘুচাতে চাই !

চাক্ষুণী ।—লুকাস্নে মোরে, আমি জানি সখি,

কে তোমার মনোচোবু।

বলিব ? বলিব ? হেথা আয় তবে,

বলি কানে কানে তোর !

*(কানে কানে কথা)

নলিনী ।—জালাসুনে চাকু, জালাসুনে মোবে

করিস্নে নাম তার !

স্বরেশ ?—তাহার জালায় স্বজনী,

বেঁচে থাকি হোল ভার !

কে জানিত আগে বলত সখিহ্নো,

রূপের যাতনা অতি ?

সাধ যায় বড় কুৎসা হইয়া

লভি শাস্তি এক রতি !

(লীলার প্রতি জনান্তিকে)

মাধবী।—শোন্ বলি লীলা, জানি কারে সখি

মনে মনে ভাল বাসে।

দেখিছু সে দিন বিজয়ের সাথে

বসি আছে পাশে পাশে।

মুহু হাসি, হাসি কত কহে কথা,

কভু লাজে শির নত,

কভু ল'য়ে কেশ বেণী ফেলি খুলে,

জড়ায় জড়ায় মৃণাল আঙ্গুলে

অনি-মনে খেলে কত !

কখন বা শুনে অতি এক মনে

বিজয়ের কথাগুলি,

শুনিতে শুনিতে শির নত করি

তুলি কুঁড়ি এক, কতখন ধরি

খুলি খুলি দেয় মুদিত পাপড়ি,

ফুটাইয়া তারে তুলি।

কভু বা সহসা উঠিয়া যায়—

কভু বা আবার ফিরিয়া চায়—

মুহু মুহু স্ববে গুন্ গুন্ কোরে

উঠে এক গান গেয়ে ;

এমন মধুর অধীরতা তার !

এমন মোহিনী মেয়ে !

বিনো।—সখীলো, তা' নয়, কতবার আমি

দেখিয়াছি লুকাইয়া,

অশোকের সাথে বসি আছে এক,
 প্রমোদ-কাননে গিয়া !
 জানি আমি তারে হেরিলে সখীর
 স্মৃথে নেচে উঠে হিয়া ।
 নলিনী ।—হেথা আর তোরা, দে দেখি সাজারে
 শ্যামা পাখীটির মোর !
 ছুটি ফুল বসা দুইটি ডানায় ;
 বেল-কুঁড়ি মালা কেমন মানায়
 সুরগোল গলায় ওর !
 ওই দেখ্‌ সখি ! দেখিনি কখনে,
 এমন দুঃস্বপ্ন পাখী !
 বত গুলি ফুল দিলেম পরায়ে
 সব গুলি দেখ্‌ ফেলেছে ছড়ারে,
 শত শত ভাগে ছিড়িয়া ছিঁড়িয়া
 একটি রাখেনি বাকী !
 ভাল, পাখী যদি না চায় সাজিতে
 আমারে সাজুলো তবে ।
 চাকু ।—তোর সাজ ফুরাইবে কবে ?
 লীলা ।—সখি, আবার কিসের সাজ !
 সুরুচি ।—দেখ, এসেছে হইয়া সাজ ।
 নলিনী ।—দেখলো সুরুচি; লীলা ভাল কোরে
 বাধিতে পারেনি চুল ;
 এই দেখ্‌, হেথা পরায়ে দিয়াছে
 অলকে শুকানো ফুল ;

বেণী খুলে চুল বেঁধে দে আবার
কানে দে পরায়ৈ হুল ।
স্বকৃতি ।—না লো সখী, দেখ, আঁধার হোতেছে
দেরি হোয়ে যার ঢের—
চল ত্বরী কোরে, যাই দেখিবারে
ফুল-শয্যা অনিলের ।
অলকা ।—এত খণে সখি, এসেছে সৈন্য
যতেক গ্রামেব লোক ।
দামিনী ।—(হাসিয়া) এসেছে বিনোদ !
লীলা ।—(হাসিয়া) এসেছে প্রমোদ !
বিনো ।—(হাসিয়া) এসেছে সেখা অশোক !
মাধবী ।—(হাসিয়া) এসেছে বিজয় !
চারু ।—(চিবুক ধরিয়া) স্তব্ধ রয়েছে
পথ চেয়ে তোর তরে !
অলকা ।—আয় তবে ত্বরী কোবে !
দামিনী ।—ভাল, সখি, ভাল, চল তবে চল
আলাস্নে আব মোড়ে !

তৃতীয় সর্গ ।



মুরলী ও অনিল ।

অনিল ।—ও হাসি কোথায় তুই শিখেছিলি বোন ?
বিশ্ব অধর দুটি অতি ধীরে ধীরে টুটি
অতি ধীরে ধীরে ফুটে হাসির কিরণ ।
অতি ঘন মেঘমালা ভেদি স্তরে স্তরে, বালা,
সারাক্ষণ জলদপ্রাণ্ডে দেয় যথা দেখা
স্নান তপনের মূহু কিরণেব বেধা ।
কত ভাবনার স্তর ভেদ করি পর পর
ওই হাসি টুকু আসি পঁছছে অধবে !
ও হাসি কি অশ্রুজলে সিক্ত থরে থরে ?
ও হাসি কি বিষাদের গোধূলির হাস ?
ও হাসি কি বরষার স্নুকুমারী লতিকার
ধোতরেণু ফুলটির অতি মূহু বাস ?
মুরলারে, কেন আঁহা, এমন তু' হলি !
এত ভালবাসা কারে দিলি জগাঞ্জলি ?
যে জন রেখেছে মন শূন্যের উপরে,
আপনারি ভাব নিয়া উলটিয়া পালটিয়া
দিনরাত যেই জন শূন্যে খেলা করে,

শুভ্র বাতাসের পটে শত শত ছবি
 যুক্তিতেছে, আঁকিতেছে—শতবার দেখিতেছে,
 সেই এক মোহময় স্বপ্নময় কবি—
 সদা যে বিহ্বল প্রাণে চাহিয়া আকাশ পানে,
 আঁখি যার অনিমিষ আকাশের প্রায়,
 মাটিতে চরণ তবু মাটিতে না চায়—
 ভাবের আলোকে অন্ধ তারি পদতলে
 অভাগিনী, লুটাইয়া পড়িলি কি বোলে ?
 সেকিরে, অবোধ মেয়ে, বারেক দেখিবে চেয়ে ?
 জানিতেও পারিবে না যাইবে সে চোলে,
 যুঁথিকা-হৃদয় তোর ধূলি সাথে দোলে ।
 এত ভালবাসা তারে কেন দিলি হায় ?
 সাগর-উদ্দেশ্যবামী তটিনীর পাশ
 না ভাবিয়া না চিন্তিয়া যথা অবহেলে,
 ক্ষুদ্র নির্ঝরিনী দেয় আপনারে ঢেলে ।
 নিনীথের উদাসীন পথিক সমীর
 শুভ্র হৃদয়ের তাপে হইয়া অধীর,
 কুসুম-কানন দিয়া যায় যবে বোরে,
 আকুলা রজনীগন্ধা কথাটি না কোয়ে,
 প্রাণের সুরভি সব দিয়া তার পায়,
 পর দিন বৃষ্টিহোতে ঝোরে পোড়ে যায় ।
 মেঘের হৃৎস্পর্শে মগ্ন দিনের মতন
 কাঁদিয়া কাটিবে কিরে সারাটি যৌবন ?
 কেঁদে কেঁদে শ্রান্ত হোয়ে দীন অতিথ্য—

আপনার পাশে তবে চাহিয়া দেখিবি যবে
 দেখিবি জীবন দিন সন্ধ্যা হয় হয় !
 যে মেঘ মাঝারে থাকি উদিলি প্রভাতে
 সেই মেঘ মাঝে থাকি অন্ত গেলি রাতে ।

মুরলী।—কি জানি কেমন !

মুরলীর স্নেহের কি হৃৎথের জীবন !
 স্নেহ হৃৎথ দিনরাত মিলিয়া উভয়ে
 রেখেছে সায়াহ্ন করি এ শান্ত হৃদয়ে ।
 হেন আলিঙ্গনে তারা রয়েছে সদাই
 যেন তারা দুটি সখা, যেন দুটি ভাই ।
 জোছনা ও যামিনীতে প্রণয় যেমন
 তেমনি মিলিয়া তারা রয়েছে দুজন ।
 স্নেহের মুখেতে থাকে হৃৎথের কালিমা,
 হৃৎথের হৃদয়ে জাগে স্নেহের প্রতিমা ।
 একা যবে বোসে থাকি স্তব্ধ জোছনায়,
 বহে বাতায়ন পানে নিশীথের বার,
 বড় সাধ যায় মনে যারে ভালবাসি
 একবার মুহূর্ত সে বসে কাছে আসি,
 দুটি শুধু কথা কহে—একটু আদর—
 সেই স্তব্ধ জোছনায় কঁদিয়া কঁদিয়া হায়
 মরিয়া যাইগো তারি বুকের উপর ।
 যখন কবিরে দেখি সব যাই ভুলে,
 কিছুই চাহিনা আর—কিছুই ভাবি না আর—
 শুধু সেই মুখে চাই দুটি আঁখি ভুলে ।

দেখি দেখি—কি যে দেখি, কি বলিব কি সে !
 হৃদয় গলিয়া যায় জোছনায় মিশে ।
 জোছনার মত, সেই বিগলিত হিয়া
 প্রাণের ভিতরে ধরি একবারে মগ্ন করি
 কবিরে চৌদিকে যেন থাকে আবরিয়া ।
 মনে মনে মন যেন কাঁদিয়া, ছ'করে
 কবির চরণ ছুটি জড়াইয়া ধরে ;
 আঁখি মুদি “কবি—কবি” বলে শতবার,
 শতবার কেঁদে বলে “আমার—আমার ;”
 “আমার আমার” যেন বলিতে বলিতে
 চাহে মন একেবারে জীবন ত্যজিতে ;
 অথেকে কি ছুখে যেন ফেটে যায় বুক,
 অথ বলে ছুখ'আমি, ছুখ বলে অথ ।
 কোথা কবি কোথা আমি, সে যোগে দেবতা,
 তারে কি কহিতে পারি প্রণয়ের কথা ?
 কবি যদি ভুলে কভু মোবে ভালবাসে
 তা' হোলে যে ম'বে যাব সঙ্কোচে উন্নাসে ।
 চাইনা, চাইনা আমি প্রণয় তাঁহার,
 বাহা পাই তাই ভাল স্নেহ স্বধা ধার ।
 শুকতারি স্নেহ-মাথা করণ নয়ানে
 চেয়ে থাকে অন্তর্যামিনীর পানে,
 তেমনি চাহেন যদি কবি স্নেহ ভরে
 মুরলার ক্ষুদ্র এই হৃদয়েব পরে,
 তাহা হোলে নয়নের সামনে তাঁহার

হাসিয়ে ফুরিয়ে যাবে জীবন আমার ।

অনিল ।—স্বার্থপর, আপনারি ভাষভরে তোর,

আজিও সে দেখিল না হৃদয়টি তোর ?

সর্বস্ব তাহারি পদে দিয়া বিসর্জন

কাদিয়া মরিছে এক দীন-হীন মন,

ইহাও কি পড়িল না নয়নে তাহার ?

আপনারে ছাড়া কেহ নাহি দেখিবার ?

নিশ্চয় দেখেছে, তবু দেখেও দেখেনি,

দেখেছে সে—নিরুপায়, নিতান্তই অসহায়

ভালবাসিয়াছে এক অভাগা রমণী,

দেখেছে—হৃদয় এক ফাটিয়া নীরবে,

একান্ত মরিবে তবু কথা নাহি কবে ;

দেখেও দেখেনি তবু, পশু সে নির্দয় !

ভাস্কিয়া দেখিতে চাহে রমণী হৃদয় ।

শতধা করিতে চায় মন রমণীর,

দেখিবারে হৃদয়ের শির উপশির ।

এমন হৃন্দের মন মুরলা তোমার,

এমন কোমল, শান্ত, গভীর, উদার ;

ও মহান হৃদয়েতে প্রেম জলধির

নাইরে দিগন্ত বুঝি, নাই তার তীর ।

করিস্নেহে, করিস্নেহে ও ছদি বিনাশ,

ধৌবনেই প্রণয়েতে হোস্নে উর্দাস !

কহিগে প্রণয় তোর কবির সকাশে,

গুধাইগে ভাল তোরে বাসে কি না বাসে ।

ভাল যদি ভাই বাসে কেন সেই জন
মিছা স্নেহ দেখাইয়া বেঁধে রাখে মন ?
না যদি করিতে পারে তোরে আপনার,
আপনার মত কেন করে ব্যবহার ?
কথা নাহি কহে যেন, না করে আদব,
পবের মতন থাকে, দেখে তোরে পর !
নিরদয়-দয়া তোরে নাইবা*করিল !
শত্রুতার ভালবাসা নাইবা বাসিল ।
মুহূর্ত স্নেহের তোরে দিয়া প্রলোভন
অমুখী করিবে কেন সারাটি জীবন ?
হৃদয়েব আদবেতে কভু ভুলিস্না !
আধেক স্নেহেতে কভু পূবে না বাসনা ।
এখন চলিছ তবে তার কাছে যাই,
ভাল বাসে কি না বাসে শুধাইতে চাই ।

মুবলা ।—মনে কোবেছিছ, ভাই, এ প্রাণেব কথা
কাহারেও বলিব না যত পাই ব্যথা ।
সেদিন সায়াহ্ন কালে উচ্ছসি উঠিয়া
বড নাকি কেঁদে মোব উঠেছিল হিয়া,
তাই আমি পাগলের মত একেবারে
ছুটিয়া তোমারি কাছে গেছু কাঁদিবারে ।
উচ্ছসি বলিছু যত কাহিনী আমাব !
কেন রে বলিলি ছা-বে, দুর্বল, অসার ?
ভালবাসিতেই যদি করিলি সাহস,
লুকাতে নাহিস্ তাহা হা হৃদি অবশ ?

পরের চোখের কাছে না ফেলিলে তুল
 আশ কি মেটেনা তোর রে আঁধি দুর্কল ?
 মুরলারে, অভাগীরে,—কেন ভাল বাসিলিরে ?
 যদি বা বাসিলি ভাল কেন তোর মন
 হোল হেন নীচ হীন, দুর্কল এমন ?
 একটি মিনিতি আজি রাখ গো আমার !
 সহস্র যাতনা পাই আর কখনত ভাই
 ফেলিব না তব কাছে অশ্রুবারি-ধার ;
 যেওনা কবির কাছে ধরি তব পায়,
 ভুলে যাও যত কথা কহেছি তোমায় ।
 দয়া কোরে আরেকটি কথা মোর রাখ,'
 যদি গো কবির পরে রোষ কোরে থাক'
 মোর কাছে কভু আর কোরনাক' নাম তাঁর
 সে নাম স্থগার স্বরে কভু সহিব না,
 জানালেম এই মোর প্রাণের প্রার্থনা !
 অনিল ।—তবে কি এমনি শুধু মিছে ভালবেসে
 শূন্য এ জীবন তোব ফুবাইবে শেষে !
 মুরলা ।—যায় যদি যাক্ ভাই, ফুরায় ফুবাক্,
 প্রভাতে তারাব মত মিশায় মিশাক্ ;
 মুরলার মত ছায়া কত আসে কত যায়,
 কি হ'য়েছে তায় !
 অবোধ বালিকা আমি, মিছে কষ্ট পাই,
 এ জীবনে মুরলার কোন কষ্ট নাই ।
 মেহের সমুদ্র সেই কবি গো আমার,—

অনন্ত স্নেহের ছায়ে আমারে রেখেছে পারে,
তাই যেন চিরকাল থাকে মুরলার !
সে স্নেহের কোলে শুয়ে কাটায় জীবন !
সে স্নেহের কোলে প্রাণ করে বিসর্জন !
কুসুমিত সে অনন্ত স্নেহ-রাজ্য পরে
তিল স্থান থাকে যেন মুরলার তরে !
যত দিন থাকে প্রাণ—ব্যাপি সেই টুকু স্থান
মাটিতে মিশারে রবে হৃদয় আমার ।
কোন—কোন—কোন স্থখ নাহি চাহি আর ।

চতুর্থ সর্গ ।



কবি ।

(প্রথম গান ।)

বিপাশার তীরে ভ্রমিবারে যাই,
প্রতিদিন প্রাতে দেখিবারে পাই
লতা-পাতা-ঘেরা জানালা মাঝারে

একটি মধুর মুখ ।

চারিদিকে তার ফুটে আছে ফুল,
কেহবা হেলিয়া পরশিছে চুল,
হুয়েকটি শব্দে কপাল ছুঁইয়া,

ছয়েকটি আছে কপোলে মুইরা,
 কেহবা এলায়ে চেতনা হারায়ে
 চুমিয়া আছে চিবুক ।
 বসন্ত প্রভাতে লতার মাঝারে
 মুখানি মধুর অতি !
 অধর ছটির শাসন টুটিয়া
 রাশি রাশি হাসি পড়িছে ফুটিয়া,
 ছটি অঁখি পরে মেলিছে মিশিছে
 তরল চপল জ্যোতি ।

—
 (দ্বিতীয় গান ।)

প্রতিদিন বাই সেই পথ দিয়া,
 দেখি সেই মুখ খান্দি ;
 কুসুম মাঝারে রোয়েছে ফুটিয়া
 কুসুমগুলির রাণী ।
 আপনাআপনি উঠে অঁখি মোর
 সেই জানালার পানে,
 আন-মন হোয়ে রহি দাঁড়াইয়া
 কিছু খণ সেই খানে ।
 আর কিছু নহে, এ ভাব আমার
 কবির সৌন্দর্য্য-তৃষ্ণা,
 কলপনা-সুধা-বিভল কবির
 মনের মধুর নেষা ।
 গোলাপের রূপ, বকুলের বাস,

পাণ্ডিয়ার বন-গান,
সৌন্দর্য্য-মদ্রিরা দিবস রজনী
করিয়া করিয়া গান,
শিথিল হইয়া পোড়েছে হৃদয়,
নয়নে লেগেছে ঘোর,
বিকশিত রূপ বড় ভাল লাগে
মুগ্ধ নয়নে মোর !

(তৃতীয় গান ।)

প্রতিদিন দেখি তারে, কেন না দেখিছু আজি ?
আলিঙ্গিতে গ্রীবা তার লতাগুলি চারিধার
আছে শত বাহু তুলি শত ফুল-হারে সাজি ।
দূর-বন হোতে ছুঁটি আসিয়া প্রভাত-বায়
সে বয়ান না দেখিয়া, শূন্য বাতায়ন দিয়া
প্রবেশি আঁধার গৃহে করিতেছে হায় হায় !
কতখণ—কতখণ—কতখণ ভ্রমি একা,
গনিছ ফুলের দল, মাটিতে কাটিছ রেখা,
কতখণ—কতখণ—গেল চলি কতখণ
থণে থণে দেখি চাহি তবু না পাইছ দেখা !
ফিরিছ আলয় মুখে, চলিছ আপন মনে,
চলিতে চলিতে ধীরে ভুলে ভুলে ফিরে ফিরে
বার বার এসে পড়ি সেই—সেই বাতায়নে !
নিরাশ-আশার মোহে চেয়ে দেখি বাববার,

শূন্য—শূন্য—শূন্য সব বাতায়ন লক্ষকার,
 ফুলময় বাহু দিয়া আঁধারকে বুকে নিয়া,
 আঁধারকে আলিঙ্গিয়া রোয়েছে সে লতাগুলি,
 তবু ফিরি ফিরি সেথা আসিলাম ভুলি ভুলি !
 তেমনি সকলি আছে, বাতায়ন ফুলে সাজি,
 ছলিছে তেমনি কবি বাতাসে কুসুম-রাজি ;
 শুধু এ মনে আমার, এক কথা বার বার
 এক সুরে মাঝে মাঝে উঠিতেছে বাজি বাজি—
 “প্রতিদিন দেখি তারে কেননা দেখিছু আজি ?”
 “কেননা দেখিছু তারে কেননা দেখিছু আজি ?”
 অতিদীর্ঘ পদক্ষেপে আলয়ে আসিছু ফিরি,
 শতবার আন-মনে বলিলাম ধীরি ধীরি—
 “প্রতিদিন দেখি তারে কেননা দেখিছু আজি ?”

(চতুর্থ গান ।)

কাল যবে দেখা হোল পথে যেতে যেতে চলি
 মোরে হেরে আঁখি তার কেননো পড়িল ঢলি ?
 অজানা পথিকে হেরি এত কি সরম হবে ?
 কি যেন গো কথা আছে, আটকিয়া রহিয়াছে,
 আধ-মুদা দুটি আঁখি কি যেন রেখেছে ঢাকি,
 খুলিলে আঁখির পাতা প্রকাশ তা হয় পাছে !
 সরম না হয় যদি, এ ভাব কিসের তবে ?
 কাল তাই বোসে বোসে ভাবিয়াছি সারাক্ষণ,

স্বপনে দেখেছি তার ঢোলে-পড়া হুন্নয়ন !
 প্রভাতে বসিয়া আজ ভাবিতেছি নিরিবিলি—
 “মোরে হেরে আঁখি তার কেন গো পড়িল চলি ?”

(পঞ্চম গান ।)

সত্য কি তাহারে ভালবাসি ?
 ভুলিছ কি শুধু তার দেখে রূপরশি ?
 স্বপনে জানি না তার হৃদয় কেমন,
 সহসা আপনা ভুলে—শুধু কি রূপসী বোলে
 জীবন্ত পুতুলী পদে বিসর্জিছ মন ?

(ষষ্ঠ গান ।)

মোর এ যে ভালবাসা রূপ-মোহ এ কি ?
 ভাল কি বেসেছি শুধু তাব মুখ দেখি ?
 মুখেতে সৌন্দর্য্য তার হেরিছ যখনি
 তখনি কি মন তার দেখিতে পাইনি ?
 মধুর মুখেতে তার আঁখি-দরপণে
 মনচ্ছায়া হেরিয়াছি কল্পনা-নয়নে !
 সেই সে মুখানি তার মধুব আকার
 বেড়াতেছে খেলাইয়া হৃদয়ে আমার !
 কত কথা কহিতেছে হবষে বিভোর,
 কত হাসি হাসিতেছে গলা ধোরে মোর !
 কি করিয়া হাসে আর কি কোরে সে কয়,

কি কোরে আদর করে ভালবাসাময়,
 মুখানি কেমন হয় মৃহু অভিমানে,
 সকলি হৃদয় মোর না জানিয়া জানে !
 যেন তারে জানি কত বর্ষ অগণন,
 এ হৃদয়ে কিছু তার নহে গো নূতন !
 মুখ দেখে শুধু ভাল বেসেছি কি তারে ?
 মন তার দেখিনি কি মুখের মাঝারে ?

(সপ্তম গান ।)

হু জনে মিলিয়া যদি ভ্রমিগো বিপাশা-পারে !
 কবিতা আমাব যত সুধীরে শুনাই তারে !
 দৌহে মিলি এক প্রাণ গাহিতেছি এক গান,
 হু জনের ভাবে ভাবে একেবারে গেছে মিশে,
 হু জনে হুজন পানে চেয়ে থাকি অনিমিষে,
 হু জনের আঁখি হোতে হু জনে মদিরা পিয়া
 আসিবে অবশ হোয়ে দৌহার বিভল হিয়া !
 মুখে কথা ফুটবে না, আঁখি পাতা উঠিবে না,
 আমার কাঁধের পরে নোয়াবে মাথাটি তার,
 হু জনে মিলিয়া যদি ভ্রমি গো বিপাশা-পার !

(অষ্টম গান ।)

শুনেছি—শুনেছি কি নাম তগর—
 শুনেছি—শুনেছি তাহা !

নলিনী—নলিনী—নলিনী—নলিনী—

কৈমন মধুর আঁহা !

নলিনী—নলিনী—বাজিছে শ্রবণে

বাজিছে প্রাণের গভীর ধাম,

কতু আন-মনে উঠিতেছে মুখে

নলিনী—নলিনী—নলিনী নাম !

বালার ঝেলার সখীরা তাহারে

নলিনী বলিয়া ডাকে,

স্বজনেরা তার, নলিনী—নলিনী—

নলিনী বলে গো তাকে !

নামেতে কি যায় আসে ?

রূপেতে কি যায় আসে ?

হৃদয় হৃদয় দেখিবারে চায়

যে যাহারে ভালবাসে !

নলিনীর মত হৃদয় তাহার,

নলিনী যাহার নাম ;

কোমল—কোমল—কোমল অতি

যেমন কোমল নাম !

যেমন কোমল, তেমনি বিমল

তেমনি সুরভ ধাম !

নলিনীর মত হৃদয় তাহার

নলিনী যাহার নাম !



পঞ্চম সর্গ ।



কানন ।

রাত্রি ।

অনিল, ললিতা ; নলিনী সখীগণ ; বিজয়, সুরেশ, বিনোদ,
প্রমোদ, অশোক, নীরদ ।

(কাননের একপাশে ললিতার প্রতি অনিলের গান)

বউ ! কথা কও !

সারাদিন বনে বনে ভ্রমিছি আপন মনে,
সন্ধ্যাকালে শ্রান্ত বড়—বউ, কথা কও !
শুনলো, বকুল ডালে লুকায়ে পল্লব জালে
পিক সহ পিক-বধু মুখে মুখ মিলায়ে
ছুজনেতে এক প্রাণ গাহিতেছে এক গান,
রাশি রাশি স্বর-সুধা বাতাসেরে বিলায়ে ।
সারাদিন তপনের কিরণেতে তাপিয়া
সন্ধ্যাকালে নীড়ে ফিরে আসিয়াছে পাপিয়া ।
প্রিয়ারে না দেখি তার চালিতেছে স্বর-ধার,
অধীর বিলাপ তার লতাপাতা ভিতরে,
গলি সে আকুল ডাকে বসি অতি দূর-শাখে
প্রাণের বিহগী তার “যাই যাই” উতরে ।

অতি উচ্চ শাখে উঠি দেখলো কপোত দুটি
 মুখে মুখে কানে কানে কত কথা বলিছে,
 বৃকে বৃক মিলাইয়া—চঞ্চুপুট ব্লাইয়া,
 কপোতী সে কপোতের আদরেতে গলিছে ।
 এস প্রিয়ে, এস তবে, মধুর—মধুব রবে
 ছুঁড়াও শ্রবণ মের—বউ ! কথা কও !
 যদি বড় হয় লাজ, আমার বৃকের মাঝ
 পাখার ভিতবে মুখ লুকাও তোমার !
 অতি ধীরে মৃদু-মধু বৃকের কাছেতে, বধু,
 ছচারিটি কথা শুধু বল একবার ।

(কিছুক্ষণ ধামিয়া) তবে কি কবেনা কথা পূর্বাবেনা আশা ?
 ভাল ভাল, কোয়োনাকো, মুখ ফিরাইয়া থাকো,
 বুঝি আমার পরে নাই ভালবাসা ।
 নলিতা ।—(স্বগত) কি কহিব কথা সখা ? কহিতে না জানি ।
 বুদ্ধি নাই—ক্ষুদ্র নারী—ফুটোনাকো বাণী ।
 মনে কত ভাব যুঝে, হৃদয় নিজে না বুঝে,
 প্রকাশ করিতে গিয়া কথা না, যোগায় ।
 হৃদয়ে যে ভাব উঠে হৃদয়ে মিলায় ।
 তবে কি কহিব কথা—ভেবে নাহি পাই—
 কথা কহিবার, সখা, ক্ষমতা যে নাই ।
 কি এমন কথা কব, ভাল যা' লাগিবে তব ?
 তুমি গো, শুনাও মোবে কাহিনী বিরলে,
 একমনে শুনি আমি বসি পদতলে ।

মাথার উপর দিয়া তারাগুলি বত
একটি একটি করি হবে অর্ন্তগত ।
প্রান্তি তৃপ্তি নাহি জানি ও মুখের প্রতি বাণী
তুষিত শ্রবণে মোর শুনিতে শুনিতে
কখন প্রভাত হোল নারিব জানিতে ।

অনিল ।—জানত—জানত সখি, মাহুকের মন ?

যে কথা সে ভালবাসে শত শতবার তা'সে
ঘুরে ফিরে শুনবারে চায় প্রতিফল ।
জানি, ভালবাস' তুমি, ললিতা, আমারে,
তবু সখি প্রতিফলে বড় সাধ যায় মনে
বাহিরে সে প্রেমের প্রকাশ দেখিবারে ।
হৃদয়ে নীরব-প্রেম হয় পুরাতন ।
বিচিত্রতা নাহি তায়, শাস্ত হয় মন ।
আদর তরঙ্গ-মালা নিরন্তর, যে করে খেলা,
তাইতে দেখায় প্রেম নিয়ত-নূতন ।
নিত্য নব নব উষ্ণি আদরের নাম
নিয়ত নবীন রাখে প্রণয়ের ধাম ।
আদর প্রেমের, সখি, বরবার জল—
না পেলে আদর-ধারা হয় সে যে বলহারা,
ভূমে হুয়াইয়া পড়ে মুমূর্ষু বিকল ।
ওকি বালা, কেন হেন কাতর নয়ানে
এক দৃষ্টে চেয়ে আছ ভূমি-তল পানে !
হাসিতে হাসিতে, সখি, ছুটা ক্ষুদ্র কথা
কহিলু, তা'তেই মনে পেয়েছ কি ব্যথা ?

ললিতা । (স্বগত) একা বোসে ভাবিয়াছি কত—কতবার,
 কোম গুণ নাই মোর, কি হবে আমার ?
 হা ললিতা ! কি করিস্—দেখিস্ না চেয়ে ?
 শুধু ছটা কথা হা—রে—পারিস্ না কহিবারে ?
 ছটা আদরের কথা—বুদ্ধিহীন মেয়ে !
 দেখিস্ না—ছটা কথা কহিলি না বোলে,
 আদরের ধন তোর—প্রাণের সর্বস্ব তোর
 হারায়—হারায় বুঝি—যায বুঝি চোলে !
 শুধু ছটা কথা তুই কহিলি না বোলে !
 কি কহিবি ? হা অবোধ ! ভাবনা কি তার ?
 মুক্তকণ্ঠে বল—মন যা' বলিতে চায় ?
 মনের গোপন ধামে ডাকিস্ যে শত নামে
 সেই নামে মুখ ফুটে ডাক্বে তাহার !
 একবার প্রাণ খুলে বল প্রাণেশ্বরে—
 “মোর প্রেম, চিন্তা, আশা সব তোমা পরে ;
 নিরোধ—নিগুণ বোলে—নাথ—স্বামী—প্রভু,
 অসহায় অবলারে তাজিওনা কতু !”
 দ্বিবস রজনী ভুলি বৃকে তাবৈ রাধ্ তুলি,
 “ভালবাসি” “ভালবাসি” বল শতবাব,
 আলিঙ্গনে বেঁধে বেঁধে হৃদয় তাহার !
 কিন্তু লজ্জা ?—দূর হ'বে—লজ্জা, দূর হ'বে—
 বিষময় বাহ তোব বাঁধি বাঁধি শত ডোর
 জীর্ণ করিয়াছে মোর মন স্তরে স্তরে ।
 আর না—আর না লজ্জা—দূর হ' এখন !

চূর্ণ চূর্ণ ভেঙ্গে আর ফেলিস্ না মন !
 শিথিল কোরে দে তোর শতক বন্ধন ডোর,
 মুহূর্তের তরে মুখ তুলি একবার ;
 বন্ধন-জর্জর মন শুধুবে মুহূর্ত ক্ষণ
 বাহিরে বাতাসে গিয়া বাঁচুক আবার !
 অনিল ।—আজি শুভদিনে ওকি অশ্রুবারি পাত ?
 অশ্রুজলে কাটাবে কি ফুলশয্যা রাত ?

(কাননের অপর পাশে' অভিমান করিয়া বিজয়ের প্রতি)
 নলিনী ।—মিছে বোলোনাকো মোরে ভালবাস' ভালবাস' !

নয়নেতে ঝরে বারি ছদয়ে ছদয়ে হাস' !
 সারহীন—ভাবহীন ছুটা লঘু কথা বোলে,
 হেসে ছুটা মিষ্টহাসি, ছুই কোঁটা অশ্রু ফেলে,
 শূন্য রসিকতা করি ছুই দণ্ড কাঁল হরি,
 সরল-হৃদয় চাহ' লভিবারে অবহেলে !
 অবশেষে আড়ালেতে কহ হাসি হাসি কত
 রমণীর ক্ষুদ্র মন লঘু তৃণটির মত !
 ভালবাসা' খেলা নয়, খেলনা নহেগো ছদি,
 নারী বোলে, মন তার দলিতে স্বজেনি বিধি !
 ভাল যদি বাস', তবে ভালবাস' প্রাণপণে—
 ক্ষুদ্র মনে কোরে খেলা করিওনা মোর সনে !
 ছদয়ের অশ্রু ফেল' দিবানিশি পদতলে,
 মিছা হাসিওনা হাসি—কথা কহিওনা ছলে !
 বিজয় ।—কেন বালা, আমিত লো দিনরাত্রি তুলে

অশ্রু ঢুলিয়াছি তব প্রেমতরু মূলে,
 আজিও ত কিছু তার হয়নিকো ফল,
 ব্যর্থ হইয়াছে মোর এত অশ্রুজল !
 নলিনী ।—ওই যে স্মৃতি হোথায় আছে,
 যাই একবাব তাহার কাছে !
 (দূরে গিয়া ফিরিয়া আসিয়া) দেখিনি এমন জালা !
 হাত হাতে খসি পোড়েছে কোথায়
 বেল ফুলে গাঁথা বালা !
 (সহসা উপরে চাহিয়া) ওই দেখ হোথা কামিনী-শাখায়
 ফুটেছে কামিনীগুলি—
 পাতাগুলি সাথে জুচারিটি, সখা,
 দাওনা আমারে তুলি !
 বিজয় ।—কি পাইব পুস্কার ?
 নলিনী ।—পুস্কার ?—মরি লাজে !
 একটি কুসুম যদি ঠাই পায়
 আমার অলক মাঝে,—
 একটি কুসুম জুয়ে পড়ে যদি
 এ মোব কপোল পরে,
 একটি পাপড়ি ছিঁড়ে পড়ে পারবে
 শুধু মুহূর্তের তবে,
 ভুলে যদি বাপি একটি কুসুম
 রচিতে এ কষ্টহার—
 তার চেয়ে বল আছে ভাগ্যে তব
 আমার কিবা পুস্কার !

(বিজয়ের ফুল তুলিয়া দেওন ও তাহা চরণে দলিয়া)

নলিনী ।—এই তব পুরস্কার !

অমুগ্রহ করি এ চরণ দিয়া

ফুলগুলি তব দিলাম দলিয়া,

এই তব পুরস্কার !

বিজয় ।—আহা ! আমি যদি হোতাম সজনি

একটি কুসুম ওর,—

ওই পদতলে দলিত হইয়া

তাজিতাম দেহ মোর !

(গাছের দিকে চাহিয়া নলিনীর মৃদুস্বরে গান)

খেলা কর—খেলা কর—

(তোরা) কামিনী-কুসুম গুলি,

দেখ, সমীরণ লতাকুঞ্জে গিয়া

কুসুম গুলির চিবুক ধরিয়া

ফিরায়ে এ ধার—ফিরায়ে ও ধার

ছইটি কপোল চুমে বার বার

মুখনি উঠায়ে তুলি !

তোরা খেলা কর—তোরা খেলা কর

কামিনী কুসুম গুলি !

কভু পাতা মাঝে লুকারে মুখ,

কভু বায়ু কাছে খুলেদে বুক—

স্বাধা নাড়ি নাড়ি নাচ কভু নাচ

বায়ু কোলে ছলি ছলি !

ছদও বাঁচিবি—খেলা' তবে খেলা,
ঐতি নিমেষেই ফুরাইছে বেলা,
বসন্তের কোলে খেলা-শ্রান্ত প্রাণ
ভোজিবি তাবনা ভুলি !

অশোক ।—(দূর হইতে দেখিয়া) ওই যে হোথায় নলিনী রোয়েছে
বসি বিজয়ের সাথে !

কত কাঁছাকাছি !—কত পাশাপাশি !
হাত রাখি তার হাতে !

অসার-হৃদয়, লঘু, হীন-মন
কোন গুণ নাই যা'র—
কত ধন দেখে বিকারি, নলিনী,
তারে দেহ আপনার ?

কতবার প্রেম ! যাস্ পলাইয়া
ভয়ে ফুল ডোর দেখি,
ধনের সোণার শিকল হেরিয়া
আজ ধরা দিলি একি ?

ভুবন ।—খুঁজিয়া খুঁজিয়া পাইনা দেখিতে
নলিনী কোথায় আছে ।*

ওই যে হোথায় লতা-কুঞ্জ ভলে
বসিয়া বিজয় কাছে !

কি ভয় হৃদয় ! জানি গো নিশ্চয়
স্নেহ আমারে ভালবাসে,
মন তার আছে আমারি কাছেতে
থাকুক সে যার পাশে !

বিনোদ ।—কথা শুনে তার—ভাব দেখে তার

কতবার ভাবি মনে—

নলিনী আমার—আমাবেই বৃদ্ধি

ভালবাসে সজোপনে !

সত্য হয় যদি আহা !

সে আশ্বাস বাণী, সে হাসি মধুব

সত্য যদি হয় তাহা !

নীরদ ।—কে আমাব সংশয় মিটায় ?

কে বলি দিবে সে ভালবাসে কি আমার ?

তার প্রতি দৃষ্টি হাসি তুলিছে তরঙ্গ রাশি

এক মুহূর্তের শান্তি কে দিবে গো ছায়া !

পারিনে পারিনে আর বহিতে সংশয় তার,

চরণে ধরিয়া তব শুধাইব গিয়া,

হৃদয়ের এ সংশয় দিব মিটুইয়া !

কিন্তু এ সংশয়ো ভাল, পাছে গো সত্যের আলো

ভাঙ্গে এ সাধের স্বপ্ন বড় ভয় গনি ;

হানে এ আশার শিরে দারুণ অশনি !

(নলিনীব নিকট হইতে বিজয়ের দূবে গমন, ও নলিনীর নিকটে

গিয়া প্রেমোদের গান)

আঁধার শাখা উজল কবি,

হরিত পাতা ঘোমটা পরি'

বিজন বনে, মালতী বাল্য,

আঁহিস্ কেন ফুটিয়া ?

জ্বনাতে তোহর মনের ব্যথা,

শুনিতে তোর মনের কথা,
 পাগল হোয়ে মধুপু কভু
 আসেনা হেথা ছুটিয়া ;
 মলয় তব প্রণয় আশে
 ভ্রমেনা হেথা আকুল স্বাসে,
 পায়না চাঁদ দেখিতে তোর
 সরমে-মাথা মুখানি ;
 শিয়রে তোর বসিয়া থাকি
 মধুর স্বরে বনের পাখী
 লভিয়া তোর সুরভি-স্বাস
 যায় না তোরে বাথানি !

নলিনী ।—(হাসিয়া) শুনিয়া ধীরে মালতী বাল্য
 কহিল কণ্ঠা সুরভি-ঢালা,—
 “আধার বনে আছিগো ভাল
 অধিক আশা রাখি না !
 তোদের চিনি চতুর অলি,
 মনো-ভুলানো বচন কলি
 ফুলের মন হরিয়া লোরে
 রাখিয়া বাস্ যাতনা !
 অবলা মোরা কুসুম-বালা
 সহিব মিছা মনের জ্বালা
 চিরটি কান্ন তাহার চেয়ে
 রহিব হেথা লুকায়ে !
 আঁধার বনে রূপের হাসি

চালিব সন্ধ্যা স্মৃতি রাশি,
 আঁধার এই বনের কোলে
 মবিব শেষে গুকায়ে !

নলিনী ।—(অশোকের নিকটে গিয়া) অশোক, হোঁথার দূরে কেন তুমি

দাঁড়াইয়া এক ধার ?
 কত দিন হোল আমার কাছেতে
 আস'নিত একবার !
 ভুলেছ যে প্রেম, ভুলেছ যে মোরে
 তোমার কি দোষ আছে ?
 এ মুখ আমার এ রূপ আমার
 পুরাতন হইয়াছে ?
 ভাল, সখা, ভাল, প্রেম না থাকিলে
 আসিতে নাই কি কাছে ?
 যেচে প্রেম কভু পাওয়া নাহি যায়
 বন্ধুত্ব কি দোষ আছে ?
 যদি সারাদিন রুহিয়া তোমার
 প্রাণের রূপসী সাধে
 কোন সন্ধ্যাবেলা মুহূর্তের তরে
 অবকাশ পাও হাতে,
 আমাদের যেন পড়ে গো স্বরণে
 এসো একবার তবে !,
 ছ চারিটা গান গাব' সবে মিলি
 ছ চারিটা কথা হবে !

অশোক ।—(স্বগত) পাষণে বীথিয়া মন মনে করি যতবার
 কাছে তার যাবনাকোঁ মুখ দেখিব না আর,
 তার মুখ হোতে তিল অঁখি ফিরায়েছি যবে—
 দূরে যেতে এক পদ শুধু বাড়ায়েছি সবে,
 অমনি সে কাছে ঢোলে হু একটি কথা বোলে
 পাষণ প্রতিজ্ঞা মোর ধূলিগাং করিয়াছে ;
 শুধু ছুটি কথা বোলে, একবার এসে কাছে !
 জানিনা কি শুধু সেগো মন ভোলাবার কথা ?
 সে হাসি—সে মিষ্টহাসি—নিদারুণ কপটতা !
 জানে জানে সব জানে—তবু মন নাহি মানে,
 প্রতিবার ঘুরে ফিরে তবুও সে যায় তথা ;
 কেনে শুনে তবু তার ভাল লাগে কপটতা,
 সেই মিষ্ট হাসি, সেই মন ভূলাবার কথা !
 যবে ভূলাবার তরে কপট আদর করে,
 মোর মুখ পানে চেয়ে গাহে প্রণয়ের গীত,
 সাধ কোরে মন যেন হোতে চায় প্রতারিত !
 হা হৃদয় ! লঘু, নীচ, হীন—হীন অতি—
 খেলেনার পরে তোর এতই আরতি ?
 কখনো না—কখনো না—হোক্ যা হবার,
 এই যে ফিরায়ে মুখ ফিরিব না আর !
 ধিক্—ধিক্—শিশু হৃদি ! ধিক্ ধিক্ তোরে—
 লজ্জার পাণ্ডারে আর ডুবাসনে মোরে !
 কপট রমণী এক, অধম, চপল,
 নির্দয়, হৃদয় হীন, অসার, দুর্বল—

হৃর্ল হাতে সে তার যেথা ইচ্ছা সেই ধার
 টলাইবে ছুয়াইবে এ মোর হৃদয় ?
 তৃণ—শুষ্ক পত্র এক, হৃর্লতা-ময় ?
 কাদাইবে, হাসাইবে—দূরে যেতে নাহি দিবে—
 নিশ্বাসে উড়ানে দেবে প্রতিজ্ঞা আমার !
 ইচ্ছা, সাধ, চিন্তা, আশা—হুঃখ, সুখ, ভালবাসা
 সমস্ত রাখিবে চাপি পদতলে তার—
 শিকলি, পশুর সম—বাঁধিবে গলায় মম
 মুহূর্ত নহিবে শক্তি মাথা তুলিবার,
 ধূলিতে পড়িবে স্রুটি এ মাথা আমার !
 হা হৃদয়, কি করিলি ? তুই কি উন্মাদ হলি ?
 সমস্ত সংসার তুই দিলি বিসর্জন,
 ধন, মান, যশ, আশা—সর্থাঁদের ভালবাসা,
 লুটিতে শুধু কি এক নারীর চরণ ?
 নিশ্বাসে প্রাণাসে তার উর্ঠিতে পড়িতে ?
 কাদিতে হাসিতে তার কটাক্ষে ইঙ্গিতে ?
 খেলেনা হইতে তার ক্রকুটি হাসির ?
 কেন এত গেলি গোলে ! শুধু রূপ আছে বোলে ?
 ক্ষণ-স্থায়ী অড়রূপ গঠিত মাটির !
 কুঞ্চিত-কুন্তল তার, আরক্ত-কপোল,
 সুদীর্ঘ নয়ন তার কটাক্ষ-বিলাল,
 তাই কি ভাজিলি তুই সমস্ত সংসার ?
 জীবনের উদ্দেশ্য করিলি হারবার ?
 সমস্ত জগৎ হাসে থিক্ থিক্ বলি—

প্রতি কণে আশ্রয়ানি উঠে জলি জলি—
 ভবু তার পদতলে লুটাইবি গিয়া
 শুধু তার আঁখি দুটি স্বর্ধ বগিয়া ?
 কি মদিরা আছে বালা নয়নে তোমার !
 ফেলেছ বিহ্বল করি হৃদয় আমার !
 ফিরাও—ফিরাও আঁখি—পাতা দিয়া ফেল ঢাকি—
 হৃদয়ের দূরে যেতে দাও একবার !—
 কোরেছি দাক্ষণ পণ করিবারে পলায়ন,
 নিষ্ঠুর মধুর বাক্যে ফিরায়েনা আর !
 ও অনল হোতে সাধ দূরে থাকিবার—
 ফিরায়েনা মোরে সখি ফিরায়েনা আব !

ষষ্ঠ সর্গ ।



কবি ও মুরলা ।

কবি ।—উন্মাদিনী, কল্লোলিনী—ক্ষুদ্র এক নির্ঝরিনী
শিলা হোতে শিলান্তরে লুটিয়া লুটিয়া,
নেচে নেচে, অট্ট হেসে, ফেনময় মুক্তকেশে
প্রশান্ত হ্রদের কোলে পড়ে ঝাঁপাইয়া ;
শুধু মুহূর্তের তরে তিল বিচলিত করে
সে প্রশান্ত সলিলের শুধু এক পাশ,
উনমত্ত কোলাহল—অধীর তবঙ্গদল
মুহূর্তের মাঝে সব পায় গো বিনাশ ।
দেখ স্বখি গৃহ মাঝে দেখগো চাহিয়া,
নাচ, গান, বাদ্য, হাসি—আমোদ কল্লোলরাশি
নিশীথ-প্রশান্তি মাঝে পড়িছে ঝাঁপিয়া !
আলোকে আলোকে গৃহ উঠেছে মাতিয়া,
ক্ষটিকে ক্ষটিকে আলো ন'চে বিহ্বাতিয়া,
শত রঙ্গীর পদ পড়ে তালে তালে ;
চরণের আভরণ নেচে নেচে প্রতিফল
শত আলোকের বাণ হাণে এককালে ;
মুচ্ছিয়া পড়িছে আলো হীবকে হীবকে ;
শতকৃষ্ণ আঁখিতারা তানিছে আলোকধারা—
শত হৃদে পড়ে গিয়া বলকে বলকে !

চারি দিকে ছুটিতেছে আলোকের বাণ,
চারিদিকে উঠিতেছে হাসি বাদ্য গান।
কিন্তু হেথা চেয়ে দেখ কি শাস্ত যামিনী !
কি শুভ জোছনা ভায় ! কি শাস্ত বহিছে বার !
কেমন ঘুমন্ত আছে প্রশান্ত তটিনী !
বল সখি, পূর্ণিমা কি আমোদের রাত ?
এস তবে হুই জনে বসি হেথা এক সনে,
করি আপনার মনে রজনী প্রভাত !

(গান)

নীরব রজনী দেখ মগ্ন জোছনার।
ধীরে ধীরে অতিধীরে—অতিধীরে গাও গো !
ঘুম-ঘোরময় গান বিভাববী গায়,
রজনীর কণ্ঠ সাথে সুরকণ্ঠ মিলাও গো !
নিশীথের স্নানীরব শিশিরের সম,
নিশীথের স্নানীরব সমীরের সম,
নিশীথের স্নানীরব জোছনা সমান
অতি—অতি—অতিধীরে কর সখি গান !
নিশার কুহক বলে নীরবতা-সিদ্ধান্তলে
মগ্ন হোয়ে ঘুমাইছে বিখ চরাচর ;
প্রশান্ত সাগবে ছেন, তরঙ্গ না তুলে যেন
অধীর—উচ্ছ্বাসময় সঙ্গীতের স্বর !
তটিনী কি শান্ত আছে ! ঘুমাইয়া পড়িয়াছে
বাতাসের মৃদু হস্ত পরশে এমনি,
ভুলে যদি ঘুমে ঘুমে তটের চরণ চুমে

সে চুষন ধ্বনি শুনে চমকে আশ্রমি !
 তাই বলি অতি ধীরে—অতিধীরে গাও গো,
 রজনীর কণ্ঠ সাথে "সুকণ্ঠ মিলাও গো !

(মুরলার প্রতি) কেনলো মলিন সখি, মুখানি তোমার ?

কাছে এস, মোর পাশে বোস' একবার !
 কেন সখি, বল্ মোরে, যখন দেখেছি তোরে
 মাটি পানে নত ছুটি বিষম নয়ান !
 আননের দুই পাশ অবদ্ধ কুস্তল রাশ,
 করুণ ও মুখ থানি বড় সখি স্নান !

মুবলা ।—সত্য স্নান কিগে' কবি এ মুখ আমার ?

নিশীথ বাতাস লাগি মনে কত উঠে জাগি
 নিস্তরু জোছনা রাতে ভাবনার ভাব !

(স্বগত) আঁহা কি করুণ সখা, হৃদয় তোমার !

কবি গো ! বুক বে যায়—ভেঙ্গে যায়, ফেটে যায়,
 অশ্রুজল ক্রধিবারে পারিনাক আর !
 পারিনে—পারিনে সখা—পারিনে গো আর !
 ভেঙ্গে বুঝি ফেলে তারা মর্ম্ম—কারাগার !
 একবার পায়ে ধোরে কেঁদে নিই প্রাণ ভোরে,
 একবার শুধু কবি, শুধু একবার !
 যুঝিছে বুকের মাঝে শত অশ্রুধার !

কবি ।—একটি প্রাণের কথা বোয়েছে গোপনে

বলিব বলিব তোরে করিতেছি মনে !
 আঁজ জোছনার রাতে বিপাশুর তীরে

কাছে আর, সে কথাটি বলি ধীরে ধীরে !
 মুরলা ।—কি কথা সে ? বল কবি ! করহ প্রকাশ !
 কবি ।—কে জানে উঠেছে হৃদয় কিসের উচ্ছ্বাস !
 খেলিছে মর্শ্বের মাঝে অধীর উদ্ভাস ।
 অথচ, উদ্ভাস সেই স্নকুমার হেন,
 শিশিরের বাষ্প দিয়ে গঠিত সে যেন !
 হৃদয়ে উঠেছে যেন বজ্রা হ্রোছনার,
 মধুর অশান্তিময় হৃদয় আমার ।
 স্তম্ভ আবরণ, গাঁথা সন্ধ্যা মেঘ স্তরে,
 পড়িয়াছে যেন মোব নয়নের পরে !
 কিছু যেন দেখেও দেখেনা আঁখিস্বর,
 সকলি অন্ধুট, যেন সন্ধ্যাবর্ণময় !
 শোন্ বলি, মুরলা লো, আরো আর কাছে,
 শূন্ত এ হৃদয়'মোর ভাল বাসিয়াছে !
 মুরলা ।—ভালবাসে ? কাবে কবি ? কারে সখা ? কারে ?
 কবি ।—মধুর নলিনী সম নলিনী বালারে !
 মুরলা ।—নলিনী ? নলিনী সখা ! নলিনী বালারে ?
 কবি মোর ! সখা মোর 'ভালবাস' তারে ?
 কবি ।—হাঁ মুরলা, সেই নলিনী বালারে,
 তারে তুমি জান না কি ?
 এমন মধুর মুখ ভাব ভার !
 এমন 'মধুর আঁখি !
 এত রাশি রাশি খেলাইছে হাসি
 হৃদয়ের নিরালায়—

নয়ন অধর ডালিইয়া দিয়া
 উথলি পড়িয়া যায় !
 যে দিকে সে চায়, হাসিময় চোখে—
 হাসি উঠে চারি ধার,
 যে দিকে সে যায়—আঁধার মুছিয়া
 চলে জ্যোতিছায়া তার !
 স্তার সে নয়ন-নিঝর হইতে
 হাসি সুধারাশি ঝরি,
 এই হৃদয়ের আকাশ পাতাল
 রেখেছে জোছনা করি !

মুৎলা ।—(স্বগত) দেবি গো করুণাময়ী
 কোথা পাই ঠাঁই মাগে—কোথা গিয়ে কঁাদি !
 ছুঁকল এ মন দে মা পাশাগেতে বাঁধি !
 (প্রকাশ্যে) আহা কবি তাই হোক—‘তুখে তুমি থাক ।
 এ নব অগ্নয়ে মন পূর্ণ কোরে রাখ’ !
 নয়নের জল তব কিছুতে মোছে নি,
 হৃদয়-অভাব তব কিছুতে ঘোচে নি—
 আজ, কবি, জীলবেসে সুখী যদি হও শেষে,
 আজ যদি থামে তব নয়নের ধার,
 দেবতা গো, তাই কর ! চিরজন্ম সুখী কর
 কবিরে আমার, বাণ্য-সথারে আমার !
 কবি ।—মুছ’ অশ্রুজল সখি কৈদোনাঁ অমন ;—
 যে হাসির কিরণেতে পূর্ণ হ’ল মন
 প্রকোলা বিজনে বসি কবিরে তোমার

কাদিতে দেখিতে, সখি, হবেনাক আর !
আজ হোতে মিলাবে না হাসি এ অধরে,
বিবর হবেনা মুখ মুহুর্তের তরে ।
আর সখি, আর তবে, কাছে আর মোর,
মুছাইয়া দিই আঁহা অশ্রুজল তোর !

মুরলী।—অশ্রু মুছায়েনা আর—বহুক বা' বহিবার,
এখনি আপনা হোতে ধার্মিবে উচ্ছ্বাস ;
এ অশ্রু মুছাতে কবি কিসের প্রয়াস !
কুদ্র হৃদয়ের কত কুদ্র অর্থ হুথ
আপনি সে জাগি উঠে—আপনি শুকায় কুটে,
চেয়েও দেখেনা কেহ উঠুক পড়ুক !
এস সখা, ওই কাঁধে রাখি এই মুখ ;
একে একে সুব কথা कहগো আমারে—
বড় ভাল বাস' কি সে নলিনী বাগারে ?

কবি।—শুধু যদি বলি সখি ভাল বাসি তার
এ মনের কথা কেন তাহে না ফুরায়।—
ভালবাসা ভালবাসা সবাইত কর,
ভালবাসা কথা যেন ছেলেখেলাময়;
প্রতি কাজে প্রতি পলে সবাই যে কথা বলে
তাহে যেন মোর প্রেম প্রকাশ না হয় !
মনে হয় যেন সখি, এত ভালবাসা
কেহ পারে বাসে নাই, কারো মনে আসে নাই,
প্রকাশিতে নারে তাহা মানুষের ভাষা !

মুরলী।—তাই হোক, ভাল তারে বাস' প্রাণপণে !

তারে ছাড়া আর কিছু না থাকুক মনে !
 কবি ।—সে আমার ভালবাসা না যদি পুরায় !
 বেই প্রেম আশা লোয়ে রয়েছি উন্মত্ত হোয়ে,
 বিশ্ব দেখি হাস্যময় বাহার মায়ায়,
 যদি সখি ফিরে নাহি পাই ভালবাসা—
 ত্রিয়মান হোয়ে পড়ে সেই প্রেম-আশা,
 মুমূর্ষু আশার সেই গুরু দেহ-ভার
 সমস্ত জগৎ-ময় বহিয়া বেড়াতে হয়—
 শ্রান্ত হৃদি দিবানিশি কবে হাহাকার !
 অসুস্থ আশাব সেই মুমূর্ষু-নিশ্বাসে
 যদি এ হৃদয় হয় শূন্য মরুভূমি ময়,
 হৃদয়ের সব বৃত্তি শুকাইয়া আসে,
 দিনরাত্রি মৃত ভাব করিয়া বহন
 ত্রিয়মাণ হোয়ে যদি পড়ে এই মন !

মুয়লা ।—ওকথা বোলোনা, কবি, ভেবোনাক আর ;
 নিশ্চয় হইবে পূর্ণ প্রণয়-তোমার !
 কি-জ্ঞানি-কি-ভাবময় ওই তব মুখ—
 ওই তব স্খাময়—প্রেমময়—স্নেহময়
 স্নকুমাব—স্নকোমল—করুণ ও মুখ—
 হাসি আর অশ্রুজলে মাখান' ও মুখ
 রাখিতে প্রাণের কাছে—এমন কে নারী আছে
 পেতে না দিবেক তার প্রেমময় বুক !
 শত ভাব উথলিছে ওই আঁখি দিয়া—
 শত চাঁদ ওই খানে আছে ঘুমাইয়া—

মুছাইতে ॥ মধুর নয়নের ধার
কোন্ নারী দিবেনাক' আঁচল তাহার !
মধুময় তব গাম দিবারাত করি পান
ঘুমাইয়া পড়িবে সে হৃদয়ে তোমার ;
বসি ওই পদমূলে মুগ্ধ আঁখি-পাতা তুলে
দিন রাত্রি চেয়ে রবে ওই মুখ পানে
স্বর্গমুখী ফুল সম অবাক্ নরানে !
হেন ভাগ্যবতী নারী কে আছে ধরায়—
যেজন কবির প্রেম না চাহিয়া পায় !

(স্বগত) মুরলারে—কোন আশা পুরিল না তোর—

কীদু তুই অভাগিনী এ জীবন ভোর !
এ জনমে তোর অশ্রু মুছাবেনা কেহ,
এ জনমে ফুটিবে না তোর প্রেম স্নেহ
কেহ শুনিবেনা আর তোর মর্শ্ব ব্যথা,
ভালবেসে তোর বৃকে রাখিবেনা মাথা !
বড় যদি শ্রান্ত হোয়ে পড়ে তোর মন
কেহ নাহি কহিবারে আশ্বাস-বচন ;
মাতৃহারা শিশু মত কেঁদে কেঁদে অবিরত
পথের ধূলার পরে পড়িবি ঘুমায়ে,
একটি স্নেহের নেত্র দেখিবেনা চরে !

(নলিনীর প্রবেশ)

কবি ।—(দূর হইতে) পূর্ণিমা-রূপিণী বালা ! কোথা যাও, কোথা যাও !

একবার ঐই দিকে মুখানি তুলিয়া চাও !

কি আনন্দ চলেছে যে, কি তরঙ্গ তুলেছে যে

আমার হৃদয় মাঝে, একবার দেখে বাও !
 দিবা নিশি চার, বালা, অধীর ব্যাকুল মন
 ও হাসি-সমুদ্র মাঝে করে আশ্রয় বিসর্জন !
 হেরি ওই হাসিময়, মধুময় মুখপানে
 উন্মত্ত অধীর-হৃদি তিল দূর নাহি মানে ;—
 চার, অতি কাছে গিয়া ওই-হাত ছুটি বরি,
 অচেতনে কাটাইয়া দেয় দিবা বিভাবরী ;
 একটি চেতনা শুধু জাগি রবে অনিবার—
 সে চেতনা তুমি-ময়—ওই মিষ্ট হাসিময়—
 ওই স্বপ্ন মুখ-ময়—কিছু—কিছু নহে আর !
 আমার এ লঘু-পাখা কল্পনার মেঘগুলি
 তোমার প্রতিমা, বালা, মাথায় লয়েছে তুলি ;
 তোমার চরণ-জ্যোতি পড়িয়া সে মেঘ পরে
 শত শত ইন্দ্রধনু রচিয়াছে ধরে ধরে !
 তোমার প্রতিমা লোয়ে কিরণে কিরণে ভরা
 উড়েছে কল্পনা—কোথা কেলিয়ে রেখেছে ধরা !
 হরিত-আসন পরে নন্দন-বনের কাছে,
 ফুল-বাস পান করি বসন্ত ঘূমায়ে আছে,
 ঘুমন্ত সে বসন্তের কুসুমিত কোল পরে
 তোমারে কল্পনা-রাণী বসায়েরে সমাদরে,
 চারি দিকে জুঁই ফুল—চারি দিকে বেল ফুল,
 ঘিরে ঘিরে রহিয়াছে অজস্র কুসুম কুল ;
 পাখা হোতে তুরে পোড়ে পরশিয়া এলো চুল
 শতেক মালতী কলি হেসে হেসে ঢলাঢলি,

কপালে আরিছে উঁকি, কপোলে পড়িছে ঝুঁকি,
 ওই মুখ দেখিবারে কৌতূহলে সমাকুল ;
 অজস্র গোলাপ রাশি পড়িয়া চরণ তলে
 না জানি কি মনোহুখে আকুল শিশির জলে !
 তোমার প্রতিমা লোরে কল্পনা এমনি করি
 খেলাইয়া বেড়াইছে নাহি দিবা বিভাবরী ;
 কভু বা তারার মাঝে, কভু বা ফুলের পরে,
 কভু বা উষার কোলে, কভু সন্ধ্যা-মেঘ স্তরে ;
 কত ভাবে দেখিতেছে—কত ছবি আঁকিতেছে ;
 প্রফুল্ল-আনন কভু হরষের হাসি-মাথা,
 অভিমান-নত আঁখি কভু অশ্রুজলে ঢাকা ।
 কাছে এস', কাছে এস', একবার মুখ দেখি,
 তোলা গো, নলিনী বালা, হাসি ভারে নত আঁখি !
 মর্শ্বেভেদী আশা এক লুকানো হৃদয় তলে,
 ওই হাতে হাত দিয়ে—প্রাণে প্রাণে মিশাইয়ে
 বসন্তের বায়ু গৈবি, কুসুমের পরিমলে,
 নীরব জোছনা রাতে, বিপাশা তটিনী তীরে,
 ফুল-পথ মাড়াইয়া দৌছে বেড়াইব ধীরে ;
 আকাশে হাসিবে চাঁদ, নয়নে লাগিবে ঘোর,
 ঘুমময় জাগরণে করিব রজনী ভোর !
 আহা সে কি হয় সুখ ! কল্পনায় ভাবি মনে
 বিহ্বল আঁখির পাতা মুদে আসে ছ-নয়নে !
 সুবলা ।—(স্বগত) হৃদয় রে—

এ সংসারে আর কেন রয়েছে আমরা ?

তুচ্ছ হোতে তুচ্ছ আমাদেরো গিরে আজ

তিল মাত্র স্থান কি রে রাখিয়াছে ধরা !

এখনো কি আমাদের ফুরায় নি কাজ ?

হৃদয় রে ! হৃদয় রে ! ওরে দগ্ধ মন !

আমাদের তরে ধরা হয় নি স্বজন !

কবি ।—মুরলা লো ! চেয়ে দেখ—চেয়ে দেখ হোথা !

বল্ দেখি এত হাসি—এত মিষ্ট স্মৃধারানি,

হেন মুখ, হেন আঁখি দেখেছিস্ কোথা ?

মুরলা ।—এমন স্নানরী আঁহা কত দেখি নাই—

কবির প্রেমের যোগ্য আর কিবা চাই !

কবিতার উৎস সম ও নয়ন হোতে

ঝরিবে কবিতা তব হৃদে শত-স্রোতে !

হাসিময় সৌন্দর্যের কিরণ পরশে

বিহঙ্গম-হৃদি তব গাহিবে হরষে ;

মধুর সঙ্গীতে বিশ্ব করিবে প্লাবন ;

সুখে থাক পূর্ণ মনে, ভালবাস' প্রাণপণে

প্রেম-যোগ্য নারী হবে পেয়েছ এমন !

(স্বগত) কেন এত অশ্রু আজি করি বরিষণ ?

কেনরে কিসের দুখ ? কেন এত ফাটে বুক ?

কিসের যন্ত্রণা মর্শ্ব করিছে দংশন ?

কখনো ত কবির অমূল্য ভালবাসা

অভাগিনী মনে মনে করি নাই আশা !

জানিতাম চির দিন, রূপহীন, গুণহীন,

তুচ্ছ মুরলার এই ক্ষুদ্র ভালবাসা

পূরাতে নন্দিবে তাঁর প্রণয় পিণাসা ;
 মোরে ভালবেসে কবি স্মৃতি হইবে না ;
 তবু আজ কিসের গোঁ—কিসের যাতনা !
 আজ কবি মুচুছেন অশ্রুবারিধার,
 বহুদিনকার আশা পূরেছে তাঁহার !
 আহা কবি, স্মৃতি থাক'—আর কিছু চাইনাকো,
 এই মুছলাম অশ্রু, আর কঁদিব না,
 কিসের যাতনা মোর, কিসের ভাবনা !

কবি ।—ওই দেখ, ফুল তুলে আঁচলটি ভরি,
 কামিনীর শাখা লোয়ে ওই দেখ ভয়ে ভয়ে
 অতি যত্নে রাখিয়াছে মুয়াইয়া ধরি,
 পাছে কুসুমের দল ভুঁয়ে পড়ে বরি !
 ওই দেখ—উচ্চ শাখে ফুটিয়াছে ফুল,
 তুলিবার তরে আহা কতই আকুল !
 কিছুতে তুলিতে নারে কত চেষ্টা করি,
 শাখাটি ধরিয়া শেষে নাড়িছে মধুর রোষে,
 কুসুম শতধা হোয়ে পড়িতেছে বরি ;
 বিফল হইয়া শেষে সখীদের কোলে
 ওই দেখ হেসে হেসে পড়িতেছে ঢোলে !

মুরলী ।—(স্বগত)

আমি যদি হইতাম হাস্যোন্মাসময় !
 নিরীহারী, বরষার নবোচ্ছ্বাস ময় !
 হরষেতে হেসে হেসে কবির কাছেতে এসে
 ডুবাতেম ভালবেসে আদরে আদরে !

যদি কতু দেখিতাম মুহূর্তের তুরে
 বিবাদ হাইছে পাখা কবির অধরে,
 হাসিয়া কত না হাসি—চালিয়া সঙ্গীত রাশি,
 মুহু অভিমান করি, মুহু রোষ ভরে—
 মুহু হেসে, মুহু কঁদে—বাহতে বাহতে বেঁধে
 দিতেম বিবাদ-ভার সব দূর কোরে !
 কিন্তু আমি কভাগিনী ছেলেবেলা হোতে
 এ গম্ভীর মুখে মম অঙ্ককার ছায়া সম
 রহিয়াছি সতত কবির সাথে সাথে !
 আমি লতা গুরু-ভার মেলি শাখা অঙ্ককার
 হেন ঘন আলিঙ্গনে কোরেছি বেঁঠন,
 উন্নত মাথার তাঁর পড়িতে দিই না আর
 চাঁদের হাসির আলো, রবির কিরণ !
 হা মুরলা, মুরলারে—এমনি কোরেই হা রে
 হারালি—হারালি বুঝি ভালবাসা ধন !
 বুক, ফেটে যা'রে, অশ্রু ক্রুর বরিষণ,
 কবি তোর অশ্রু-ধার দেখিতে পাবেনা আর,
 যে কিরণে আছে ডুবি তাঁহার নয়ন !
 দুর্বল—দুর্বল-হৃদি ! আবার ! আবার !
 আবার ফেলিস্ তুই অশ্রু বারি-ধার ?
 আবার আবার কেন হৃদয় ছুঁয়াই হেন
 পাষাণে পাষাণে গাঁথা—কে যেন হানিছে মাথা,
 কে যেন উন্মাদ সম করে হাহাকার—
 সমস্ত হৃদয়ময় ছুটিয়া আমার !

থাম্ থাম্, থাম্ যদি, মোহে অশ্রুধার !
 কবি যদি স্মৃতি হয় কি ভাবনা আর !
 আহা কবি, স্মৃতি হও ! তুমি কবি স্মৃতি হও !
 আমি কে সামান্য নারী ?—কি হুঃখ আমার !
 তুমি যদি স্মৃতি হও কি হুঃখ আমার !
 ও চাঁদের কলঙ্কও হোতে নাহি পারি
 এত ক্ষুদ্র হোতে ক্ষুদ্র, তুচ্ছ আমি নারী !

(চপলার প্রবেশ ও গান)

সখি, ভাবনা কাহারে বলে ?
 সখি, যাতনা কাহারে বলে ?
 তোমরা যে বল' দিবস রজনী
 ভালবাসা ভালবাসা,
 সখি ভালবাসা কারে কর ?
 সে কি কেবলি যাতনা মর ?
 তাহে কেবলি চোখের জল ?
 তাহে কেবলি হৃথের শ্বাস ?
 লোকে তবে করে কি স্মৃথের ভঁরে
 এমন হৃথের আশ ?
 জীবনের খেলা খেলিছে বিধাতা,
 আমরা তাহার খেলনা,
 আমাদের কিবা স্মৃথ !
 সখি, আমাদের কিবা হৃথ !
 সখি, আমাদের কিবা যাতনা !

তোমাদের চোখে হেরিলে সলিল
 ব্যথা বড় বাজে বুকে,
 ভবুত সজ্জনি বুঝি তৈ পারিনে
 কঁাদ যে কিসের হুখে !
 আমার চোখেতে সকলি শোভন,
 সকলি নবীন, সকলি বিমল,
 অনীল আকাশ, শ্যামল কানন,
 বিশদ জোছনা, কুসুম কোমল,
 সকলি আমারি মত !
 কেবলি হাসে, কেবলি গায়,
 হাসিয়া খেলিয়া মরিতে চায়,
 না জানে বেদন, না জানে বোদন,
 না জানে সাধেব যাতনা যত ।
 ফুল সে হাসিতে হাসিতে ঝরে,
 জোছনা হাসিয়া মিলাবে যায়,
 হাসিতে হাসিতে আলোক-সাগরে
 আকাশেব তাবা তেয়াগে কায় !
 আমার মতন সুখী কে আছে !
 আগ্ন সখি, আগ্ন আমার কাছে,
 সুখী হৃদয়ের সুখের গান
 শুনিয়া তোদের জুড়াবে গাণ,
 প্রতিদিন যদি কাঁদিবি কেবল
 একদিন নয় হাসিবি তৌরা,
 একদিন নয় বিবাদ তুলিয়া

সকলে মিলিয়া গাহিব মোরা ।

(মুরলীর প্রতি) এই যে আমার সখীর অধরে
 ফুটেছে মৃদু হাসি,
 আয় সখি, মোরা ছুজনে মিলিয়া
 ললিতারে দেখে আসি ।
 মালতী সেথায়—মাধবী সেথায়,
 সখীরা এসেছে সব,
 এতখনে সেথা ফাটিছে আকাশ
 কমলার হাসি-রবে ।

মুরলী ।—চল্ সখি, চল্ তবে ।

সপ্তম সর্গ ।



অনিল, ললিতা ।

অনিল ।—(গাহিতে গাহিতে)

কাছে তার যাই যদি কত যেন পায় নিধি,
তবু হরষের হাসি ফুটে ফুটে ফুটেনা !
কখনো বা মৃদু হেসে আদর করিতে এসে
সহসা সরমে বাধে মন উঠে উঠে না !
রোষের ছলনা করি দূরে যাই, চাই ফিরি,
চরণ বারণ তরে উঠে উঠে উঠে না ;
কাতর নিশ্বাস ফেলি, আকুল নয়ন মেলি
চাহি থাকে, লাজ বোধ তবু টুটে টুটে না !
যখন ঘুমায়ে থাকি মুখ পানে মেলি আঁখি
চাহি থাকে, দেখি দেখি সাধ যেন মিটেনা,
সহসা উঠিলে জাগি, তখন কিসের লাগি
সরমেতে ম'রে গিয়ে কথা যেন ফুটে না !
লাজময়ি ! তোরে চেয়ে দেখিনি লাজুক মেয়ে,
প্রেম বরিষার স্রোতে লাজ তরু টুটেনা !

ললিতা ।—(স্বগত)

পাষাণে বাঁধিয়া মন আজ ক্লোরেছিহু পণ

কাছে বাব—কথা কব—যাচিব আদর আজ !
ওরে মন, ওরে মন, কর কাছে তোর লাজ ?
আপনার চেয়ে যারে কোরেছিস্ আপনার
তার কাছে বন্ দেখি কিসের সরম আর ?

অনিলা ।—ফুল তুলিবার ছলে ওই যে ললিতা আসে,
মনে মনে জানা আছে এলেই আমার কাছে
অমনি হাতটি ধবি বসাব' আমার পাশে ।
অগ্র দিক পানে আমি চাহিয়া রহিব আজ,
দেখিব কেমন করি কোথা তার থাকে লাজ ?

ললিতা ।—(ফুল তুলিতে তুলিতে)

না-হয় বসিছু কাছে—কি তাহাতে দোষ আছে ?
বসিব নাথৈব পাশে তাহাতে কি আসে যায় ?
আর, লজ্জা—লজ্জা নয়—লজ্জারে করিব জয়—
না হয় বসিছু কাছে কিসের সরম তার ?
কোথা লজ্জা—লজ্জা কোথা ? এইত বসিছু হেথা—
এইত করিছু জয়, এইত বসিছু কাছে—
বসিব নাথৈব পাশে কি তাহাতে দোষ আছে ?
এখনো—এখনো মোরে দেখিতে পান নি তবে—
তবে কিগো আরো কাছে—আরো কাছে যেতে হবে ?
আর নয়—আরো কাছে বাইব কেমন কোরে ?
হেথা তবে বসে থাকি, মালা গুলি গাঁথে রাখি
এখনি ভাবনা ভাঙ্গি দেখিতে পাইবে মোরে !
যদিবা দেখিতে পায় কি তবে করিবে মনে ?
যদিগো বুঝিতে পারে দেখিতে এসেছি তারে,

মিছে মালা গাঁথা ঢলে বোঁসে আছি এই থানে ?
 অনিল ।—এই যে ললিতা হোথা—ফুরালো কি মালা গাঁথা ?
 আরেকটু কাছে এসে না হয় গাঁথিতে মালা !
 এই হেথা কাছে আস—কিসের সরম তার ?
 কেমন গাঁথিল কুল একবার দেখি বালা !
 আদরিণী—আদরিণী—দেখি হাতখানি তোর,
 এমনি করিয়া সখি বাধ্‌লা হৃদয় মোর !
 একবার দেখি সখি, কাছে আন মুখখানি,
 এমনি করিয়া রাখ্‌ বকের মাঝারে আনি !
 কেন, লাজ এত কেন—অঁখি ত্রুটি নত কেন ?
 কি কোরেছি ? একটি শুধু চুখন বইত নয় !
 আরেকটি এই লও—আরেকটি এট লও—
 আর নয় করিব না বড় যদি লাজ হবে !
 না হয় কুন্তল দিয়ে ঢেকে দিই মুখখানি !
 দেখিতে আনন তোর ওই চক্রে ভাবে—ভোর
 এক দৃষ্টে চেরে, সখি, রোয়েছে অবাক্‌ মানি !
 ওই দেখ্‌ ডারা গুলি সশ্রম নয়ন খুলি
 ওই মুখটির তরে খুঁজিছে সমস্ত ধরা,
 উচিত কি হয় সখি তাদের নিরাশ করা ?
 নয়নে নয়ন রাখি একবার মেল অঁখি,
 মিশাও কপোলে মোর ললিত কপোল তব ;
 কথা কও কানে কানে—সুহৃৎ প্রণয়ের গানে
 জাগাও যুমন্ত হৃদে সুখ—স্বপ্ন নব নব !
 মনে আছে সেই রাতে কত সাধনার পরে

একটি সঙ্কীর্ণ, সখি, গিয়াছিলে গাহিবারে,
 আরস্ত কোরেই সবে অমনি থামালে গীত,
 নিজের কণ্ঠেব স্বরে নিজে হোয়ে সচকিত !
 সেই আরস্তের কথা এখনো বোয়েছে কানে,
 সেই আরস্তের সুব এখনো বাজিছে প্রাণে !
 সে আরস্ত শেষ, বালা, আজিকে করিতে চাই !
 বড় কি হোতেছে লাল ? ভ্রল সখি কাজ নাই !

ললিতা ।—(স্বগত)

কি কহিব ? বড়, সখা, মনে মনে পাই ব্যথা,
 না জানি গাহিতে গান, না জানি কহিতে কথা !
 কত আজ বেছে বেছে তুলেছি কুসুম-ভার,
 কতখণ হোতে আজ ভেবেছি ভুলিয়া লাজ
 নিশ্চয় এ ফুল গুলি দিব তাঁরে উপহার !
 হাতটি এগিয়ে আজ গিয়েছিছু কতবার,
 অমনি পিছায়ে হাত লইয়াছি শতবার !
 সহস্র হউক লাক্ষ, এ কুসুম গুলি আজ
 নিশ্চয় দিবগো তাঁরে না হবে অন্তথা তার !
 কিন্তু কি বলিয়া দিব ?—কি কথা বলিতে হবে ?
 বলিব কি—“ফুল গুলি যতনে এনেছি তুলি
 যদি গো গলায় পর’ মালা গাঁথে দিই তবে” ?
 ছি ছি গো বলি কি কোবে—সরমে যে যাব’ মোরে !
 নাইবা বলিছু কিছু, শুধু দিই উপহার,—
 দিই তবে ? দিই তবে ?—দিই তবে এইবার ?
 দূর চোক—কি করিব ?—বড় যোগো লজ্জা করে !

ধাক্কাগো এখন ঠাক্—দিব জ্বারেকটু পরে !

অনিল ।—কি ছোয়েছে ? দিতে কি লো চাস্ ফুল-উপহার ?

দে না লো গলার গের্গে, কিসের সরম তার ?

একটি দাওত সখি, পরাই তোমার চুলে,

আর ছুটি দাও সখি পরাইব কর্ণ-মূলে ।

মোরে দাও সব গুলি গাঁথিব ফুলের বালা,

গলায় ছায়ায় দিব গাঁথিয়া চাঁপার মালা ;

আসন রচিয়া দিব দিয়ে শত শতদল,

তা' হোলে কি দিবি মোরে—বল্ সখি, বল্ বল্—

যত গুলি ফুল গাঁথি যত তার দল আছে

ততেক চুখন আমি লইব তোমার কাছে ;

যত দিন না পারিবি শুধিতে চুখন—থার

এ ভুজে রহিবি বন্ধ এই বন্ধ কারাগার !

দিবানিশি সজনি লো রেখে দেব চোখে চোখে,

কল্ তবে—ফুলসাজে সাজায় দেব কি তোকে ?

বলিবি না ? ভাল সখি ছুটি চুখন দাও—

না হয় একটি দিও, মহার্ঘ হোল কি তাও ?

ললিতা ।—(স্বপ্নত)

আরেকটি বার সখা করগো চুখন মোরে,

আরেকটি বার সখা, রাখগো বুকেতে ধোরে !

জান' আমি মুখ ফুটে সরমে বলিতে নারি,

তাই কি সহিতে হবে ? এত শাস্তি সখা তারি ?

আদরে হৃদয়ে যদি রাখ' এ মাথাটি মোর,

আদরে চুম' গো যদি আশ্বির পাতাটি মোর,

তাহান্তে আমার, সখা, অসাধ কি হোতে পারে !
 তবে কেন ব্যথা দিতে শুধাইছ বারে বারে ?
 আকুল ব্যাকুল হৃদি মিলিবারে তব পাশে
 শতবার ধায়, সখা, শতবার ফিরে আসে !
 দীন আপনারে হেরে এমন সে লাজ পার
 তোমার কাছেতে সখা সঙ্কোচে না যেতে চায়,
 সখা তারে ডেকে নাও—তুমি তারে ডেকে নাও,
 তোমারি সে মুখ চেয়ে দাঁড়াইয়া একধার,
 একটু আদর পেলে স্বর্গ হাতে পাবে তার !

অনিল ।—ডুবিছে চতুর্থী চাঁদ বিপাশার নীয়ে,
 আয় সখি, আয় মোরা ঘরে যাই ফিরে ।
 আঁধারে কানন-পথ দেখা নাহি যায়,
 আয় তরে আঁবো কাছে—আরো কাছে আয় ।
 হাত খানি রাখ্ মোর হাতের উপর,
 শ্রান্ত যদি হোস্ মোর কাঁধে দিস্ ভর ।
 দেখিস্, বাধ না যেন চরণ লতায়—
 আঁচল না ছিঁড়ে বায়ু গাছের কঁাটায় !
 চমকি উঠিলি কেন ? কিছু নাই ভয়—
 বাতাসের শব্দ শুধু, আর কিছু নয় !
 এই দিকে পথ, বালা, এই দিকে আয়,
 বাম পাশে বিপাশার স্রোত ব'হে যায় ।
 শ্রান্তি কি হতেছে বোধ ? লজ্জা কেন গ্রিহে ?
 বেঠন করনা মোর স্বপ্ন বাহু দিয়ে !
 কিসের তরাস এত—ওকি বালা ওকি ?

করিয়া পড়েছে শুধু শুধু পত্র নথি !
 ওই গেল গেল চাঁদ ওই ডোবে ডোবে—
 একটু জোছনা-রেখা এখনো বেতেছে দেখা,
 আর নাই—আর নাই—ওই গেল ডুবে !

অষ্টম সর্গ ।



মুরলী ও চপলা ।

চপলা ।— দেখ, সখি মোর, সত্য কহি তোঁয়ে,

প্রাণে বড় ব্যথা বাজে,

চপলার কেহ সখী নাই হেথা

এত বালিকার মাঝে !

তোদের ও মুখ হেরিলে মলিন

হৃদয় কাঁদিয়া উঠে,

আকুল হইয়া শুধাবার তরে

তাড়াতাড়ি আগি ছুটে ;

শতবার কোরে শুধাই তোদের

কথা না কহিস্ তবু,

ভাবিস্, চপলা অবোধ বালিকা

কিছু সে বুঝেনা কভু !

চোখের জলের কাহিনী বুঝেনা,

বুঝেনা সে ভালবাসা,

পড়িতে পারেনা প্রাণের লিখন

হৃথের হৃথের ভাষা !

ভাল, সখি, ভাল, নাইবা বুঝিল,

তাহাতে ক্লি যায় আসে ?

চপলা কি শুধু হাসিতেই জানে;

কাঁদিতে কি জানে না সে ?

সুরলা আমার, তোরে আমি এত

ভাল বাসি প্রাণ ভোরে,

তবু একদিন তোর তরে, সখি,

কাঁদিতে দিবি নে মোরে ?

সুরলা ।—চপলাটি মোর, হাসি-রাশি মোর,

আমার প্রাণের সখি !

নিজের হৃদয় নিজেই বুঝি না

অপরে তা' বুঝাব' কি ?

বাহাদের স্মৃথে আমি স্মৃথে র'ই

সকলেই সুখী তারা ;

তবে কেন আমি একেলা বসিয়া

ফেলি এ নয়ন ধারা ?

সকলেই যদি স্মৃথে থাকে সখি,

আমি থাকিব না কেন ?

ঐমোদ তেঁয়াগি বিজনে আসিয়া

কেনবা কাঁদিব হেন ?

নিজের মনেরে বুঝাহু কতই

কিছুই না পেহু সাদা ;

সুরলার কথা শুধাস্নে আর,

সুরলা জগত-ছাড়া !

চপলা ।—এত দিনে দেখি কবির অথরে

হৃদয় কিরণ জ্বলে,—

যেন অঁধি তার ডুবিয়া গিয়াছে
 সুখের স্বপ্না তলে !
 জোছনা উদিলে কুসুম-কাননে,
 একেলা ভ্রমিয়া কিরে,
 ভাবে মাতোয়ারা, আপনার মনে
 গান গাহে ধীরে ধীরে ;
 নয়নে অধরে মলয়-আকুল,
 বসন্ত বিরাজ করে,
 মধুর অথচ উদাস হরষ
 ঘুমায় মুখের পরে !
 হেন ভাব কেন ছেরিলো তাহার
 শুধাইব তোর কাছে !
 বড়ই সে সুখে আছে !
 সুরলা ।—চপলা, সখিলো, দেখেছিস্ তারে ?
 বড় কি সে সুখে আছে ?
 কেমনে বুঝিলি, বল্ তাহা বল্,
 বল্ সখি মোব কাছে !
 বড় কি সে সুখে আছে ?
 চপলা ।—হাঁলো সখি হাঁলো ;—শোন্ বলি তোরে,
 আর, সখি, মোর পাশে,
 কবি আনাদের, নলিনী বালায়ে
 মনে মনে ভালবাসে ।
 সত্য কহি তোঁরে, নলিনীয়ে বড়
 ভাল নাহি লাগে মোর,

তনিয়াছি নাকি পাষণ হ'তে
 মন তার সুকঠোর !
 মুরলা ।—সে কি কথ' বালা ! 'মুখ খানি তার
 নহে কি মধুর অতি ?
 নয়নে কি তার দিবস রজনী
 খেলে না মধুব জ্যোতি ?
 চপলা ।—তুনেছি সে জ্যোতি আলোর চেষ্টে
 কপট, চপল না কি,
 পথিকের পথ ভূলাবারি তরে
 অলি উঠে পাকি থাকি !
 তুনেছি সে বালা, সারাটি জীবন
 চড়িয়া পাষণ-রণে,
 চাকার দলিয়া চলিবারে চারু
 হৃদয়-বিজানো পথে !
 তুনেছি সে নাকি একটি একটি
 হৃদয় গণিয়া রাখে,
 কি কুঞ্জে আহা, কবি আমাদের
 ভাল বাসিয়াছে তাকে !
 মুরলা ।—চপলা, চপলা, পায়ে ধরি তোমার,
 ক'সনে অমন কোরে ।
 তুই লো বালিকা, হৃদয় তাহার
 চিনিবি কেমন কোরে ?
 চপলা ।—কে জানে সজনি, বুঝিতে পারিনে
 কেন যে হইল হেন।

তাহারে হেরিলে মুখ ফিরাইতে
 সাধ বার মোরু যেন ?
 সেদিন যখন দেখিছু নলিনী
 বসিয়া কবির সাথে,
 সরসের বেশে লাজহীন হাসি
 খেলিছে আঁখির পাতে ;
 দেখিছু কপোল ঢাকিয়া তাহার
 অলক প'ড়েছে ঝুলি,
 আঁচলেতে গাঁঠ বাধি শতবার
 শতবার ফেলে খুলি ;
 কে জানে আমার ভাল না লাগিল
 চোলে এমু ত্বরা কোরে,
 কপট সরস দেখিলে সজনি
 সরমেতে বাই মেরে !
 মুরলা আমার, অগন করিয়া
 কেন লো রহিলি বসি,
 দেখিতে দেখিতে মলিন হইয়া
 এসেছে ও মুখ-শশি !
 ভাবিসনে সখি, কমলা ক'য়েছে
 কাল মোর কাছে এসে,
 পাশাপাশি নলিনীও নাকি
 জ্বালবাসে কবিরে সে ।
 ভনেছি নলিনী কবিরে দেখিতে
 নদীতীরে বায় নাকি !

কবিরে দেখিলে চ'লে পড়ে তার
 অহুরাগ-নতু আঁধি !
 সুবলা ।—নলিনী-বাঁগারে ভালবেসে যদি
 কবি মোর স্মৃথে থাকে,
 তাহা হ'লে, সখি, বল্ দেখি মোরে,
 কেন না বাসিবে তাকে ?
 মোরা তাহা ল'য়ে ভাবি কেন এত ?
 চপলা লো আমরা কে ?

চপলার গান ।

যে ভাল বাসুক—সে ভাল বাসুক,
 সজনি লো আমরা কে !
 হীনহীন এই হৃদয় মোদের *
 কাছেও কি কেই ডাকে ?
 তবে কেন বল ভেবে মরি মোরা
 কে কাহারে ভাল বাসে,
 আমাদের কিবা আসে যায় বল'
 কেবা কঁাদে, কেবা হাসে !
 আমাদের মন কেহই চাহে না,
 তবে মন থানি লুকান' থাক',
 প্রাণের ভিতরে ঢাকিয়া রাখ'
 যদি, সখি, কেহ ভুলে'
 মন থানি লয় ভুলে,
 উলটি পালটি হৃদয় ধরিয়া •

পত্থ করিয়া দেখিতে চার,
তখনি ধূলিতে ছুঁড়িয়া কেলিবে
নিদারুণ উপেক্ষায়।
কাজ কি লো, মন লুকান' থাক্,
প্রাণের তিতরে ঢাকিয়া রাখ্।
হাসিয়া খেলিয়া ভাবনা জুলিয়া
হরবে প্রমোদে মাতিয়া থাক্ !

নবম সর্গ ।



নলিনী ও সাখীগণ ।

নলিনী ।—(গাহিতে গাহিতে)

কি গোল আমার ? বুঝিবা সজনি
হৃদয় হারিয়েছি !

প্রভাত-কিবনে সকাল বেলাতে
মন লোয়ে সখি গেছিছু খেলাতে,
মন কুড়াইতে, মন চড়াইতে,
মনের ম'ঝারে খেলি বেড়াইতে,
মন-ফুল দলি চলি বেড়াই ক,
সহসা সজনি, চেতনা পাঠিয়া
সহসা সজনি দেখিছু চাহিয়া,
রাশি রাশি ভাঙ্গা হৃদয় ম'ঝারে
হৃদয় হারিয়েছি !

পথের মাঝেতে খেলাতে খেলাতে
হৃদয় হারিয়েছি !

ছবি কেহ, সখি দলিবা যায় !
ভার পর দিয়া চলিয়া যাই !
ভায়ে পড়িবে, হিঁড়িয়া পড়িবে,

দৃষ্টি তার ক'বিয়া পড়ি'ব,
 যদি কেহ সখি-দ'লিয়া যায় !
 আমার কুসুম-কোমল হৃদয়
 কখনো সতেনি রবির কর,
 আমার মনের কা মনী-পাপড়ি
 সইেনি ঈশ্বর চরণ-ধর !
 চিরদিন সখি বাত'সে খেলত,
 জোছনা আলোকে নব্বন মেলিত,
 হাসি পবিত্র অধর উরিয়া,
 লোহিত রেণু বর্ষি'ব পরিয়া,
 জন্মবে ভা'কিত হাসিতে হাসিতে
 কাছে এলে তারে দিতনা বসিতে,
 সহসা আজ'সে হৃদয় আমার
 কোপায় হাবিয়েছি !
 এখনো যদি গো খুঁজিয়া পাই
 এখনো তাহারে কুড়িয়ে আনি ।
 এখনো তাহারে দলে নাঠি কেহ,
 আমার সাপের কুসুম খানি ;
 এখনো, সজনি, একটি পাপড়ি
 ঝরেনি তাহার, জানিলো জানি ।
 শুধু হারারেছে,—খুঁজিয়া পাইলে
 এখনি তাহারে কুড়িয়ে আনি ।
 দ্বরা কন্ তবে, শুবা কর তোরা,
 হৃদয় খুঁজিতে যাই ;

জ্বালাবার আগে—ছিঁড়িবার আগে
হৃদয় আমার চাই !

(সখীদের প্রতি) বিশাশা-তীরের পথে সখি আর,

আর, ত্বরা কোরে আর !

জানিস্ কি সখি, নদীতীরে কবি
কখন বেড়াতে যায় ?

জানিস্ সখি, পথের ধারেতে
একটি অশোক আছে,

বনলতা কত ফুলে ফুলে তরা

উঠিয়াছে সেই গাছে—

সেই ঋনে সখি—সেই পাছ তলে

বসিয়া থাকিতে হইবে ;

সেই পথ দিয়া বাইবে ত কবি ?

আর ত্বরা কোরে তবে ।

বল দিখি তোরা, হোল কি আমার !

কখন কবির স্রুগুণে থাকি—

একটিও কথা পারিনে বলিতে

পারিনে তুলিতে আনত আঁখি

কতবার, সখি, করিয়াছি মনে

পরিহাস করি কহিব কথা—

নিলাকণ হাসি হাসিয়া হাসিরা

হৃদয়ে হৃদয়ে দিব গো ব্যথা ;—

কৃষ্ণ-হীরা সম কৃষ্ণ আঁখি-তারা

আঁধার আগার হোতে আলো-ধারি
হানিবে ছোয়ায়, হানিবে ছোয়ায়
আকুলিয়া দশ 'দশ' ;

মুছিয়া তার পড়িবেক মন,
মুদিয়া আদিবে অবশ নরন,
বতই ঢা লব এ অধব হোতে
'মটে সুদাময় বিষ !

কিন্তু কি কোরে সে চেয়ে থাকে, সখি,
না জানি নয়নে কি আছে জ্যোতি !

এমন সে গান গায় ধীরে ধীরে,
কথা কয় সখি মুহূর্ত অতি ;
বুধেতে আমার কথা নাহি কুটে,
চাহিতে পারিনে আঁধির পানে,
হাসির লহরী খেলেনা অধরে
নয়নে তড়িৎ নাহিক হানে !

আমি ঘুরা কোরে—বেলা হোরে এল
অস্তাচলে বায় রকি,
পথের ধারেতে বসি রব' মোরা
সেই পথে যাবে কবি !

দশম সর্গ ।



মুরলা ।

বার কোন রূপ নাই, বার কোন গুণ নাই,
তবুও যে হতভাগা ভালবাসে মনে,
ছুই দিন বেঁচে থাকে, কেহ নাহি জানে তাকে,
ভাল বাসে, হৃৎসহে, মরেগো বিজনে ।
কুত্র তৃণ-ফুল এক জন্মে অন্ধকারে,
ছুই দণ্ড বেঁচে থাকে কীটের আগাব ;
জ্বলারে পড়ে সে নিজ কাঁটার মাঝারে,
নিজের কাঁটার মাঝে সমাধি তাহার ।
কি কথা কোস্রে তুই অকৃতজ্ঞ মন !
স্নেহময় নয়াময় কবি সে আমার,
এই তৃণ ফুলেরে কি করেনি যতন ?
এরেও কি রাখে নাই স্নদরে তাহার ?
ছেলেবেলা হোতে মোরে রেখেছেন পাশে ।
যখন পূরিত মন নব গীতোচ্ছাসে
আমারেই তাড়াতাড়ি শুনাতে ন'তিনি,
এত তাঁর ছিল সঙ্গী আছিল বন্ধিনী !
এত যে পাইছু, তাঁরে কি পারিছু দিতে ?
মুরলার বাহা কিছু ছিল, —ভালবাসা—

কুহু এই হৃদয়ের মুখ দুঃখ আশা !
 একটু পারিনি তাঁরে সাক্ষ্য করিতে,
 সুছাইনি এক বিপ্লু নয়নের ধার—
 বাহা কিছু সাধ্য ছিল কোরেছি আমার !
 আমি যদি না হুতম বালা-সখী তাঁর,
 নলিনী বালারে যদি পেতেন সুজিনী,
 করিতে হোতনা তাঁরে এত হাহাকার—
 কতইনা পৃথী আহা হতেন গো তিনি !
 বিধাতা ! বিধাতা ! যদি তাই গো করিতে !
 মুরলা জন্মিল কেম নলিনী থাকিতে !
 এখনো কেন গো তার হয়না মরণ ?
 এসংসারে মুরলারে কার প্রয়োজন ?
 ওই আসিছেন কবি !—এস কবি !—এস কবি !
 একবার অতি কাছে এস মুরলার !
 তুমি হবে কাছে থাক কবি গো আমার—
 আপনারে ভুলে বাই—ওই মুখ পানে চাই
 তোমা ছাড়া কিছু মনে নাহি থাকে আর !
 তুমি হবে দূরে থাক' কবিগো, তখন—
 আপনারি কুহু দুঃখে থাকি অচেতন !
 বড় যে দুর্কল-দীন মুরলা তোমার !
 সুখিতে মনের সাথে পারে না সে আর !
 থেকোনা, থেকোনা হুঁরে থেকোনা গো এতু,
 মুরলারে ত্যাগ কোরে যেওনা গো কতু !
 আন্ত ক্লান্ত অতি দীন—বলহীন রক্তহীন

ধূলান্ন লুষ্ঠিত এই অতি ক্ষুদ্র প্রাণ,
 তোমার মনের দ্বারে দেহ' এরে স্থান !
 আমারে লুকায়ে রাখ' প্রসারিত পাখা,
 তোমাঝি বুকের কাছে রব' আমি ঢাকা !
 ন'হলে গুহ্মণ এট দীন অসহায়
 পথ হাওয়ায় কোথা ভ্রমিয়া বেড়ায় ?
 তুমি কবি ছিলেনাকো, একেলা বিজমে
 নিজ হাতে—বসি চেপে—চুঃখের কণ্টকলতা
 যো পড়েছিলাম, কবি, আপনারি মনে,
 তাই নিরে গুহ্মণ—বন আদরের বন—
 আত্মদাতী করনাম খেলায়েছি কত,
 বতনে ঢেলেছি তার অশ্রুদারা শত,
 এবে প্রতি মূল তার হৃদয়ের চারিদিক
 স্রংশে শত বাহু খেলি বৃশ্চকের মত !
 তুমি সখা এস কাছে, মরিতেছি অলি,
 ও চরণ দিয়ে কবি ফেল সব দলি !
 প্রতি শাখা—প্রতি পত্র—প্রতি মূল তার !
 এস' কবি বল দাও—এ হৃদয়ে বল দাও—
 আর কতু বর্ষিব না অশ্রুবারি ধার !

কবির প্রবেশ ।

কবি ।—সকাল হইতে, সুদীর্ঘা সখিলো,
 খুঁজিয়া বেড়াই' তোরে,
 বড়ই অধীর—হরবে আমার
 হৃদয় গিরেছে জেতের

পারিনে রাখিতে প্রাণের উচ্ছ্বাস,
আকুল ব্যাকুল করিতে প্রকাশ,
অধীর হইরা সকাল হইতে

খুঁজিয়া বেড়াই তোরে ।
তোরে না कहিলে হৃদয়ের কথা

মন'শক্তি নাহি মানে ;
কেম, সখি, তুই ব'সে র'য়েছিস্
একা একা এই খানে ?

দেখ, সখি, আজ গিয়েছিহু আমি
প্রমোদ-কাননে তার,

গাছের ছায়াতে আপনার মনে
ব'সেছিহু একধার ।

মুরলা, হেথাক অন্ধকার ঘোর,
দেখিতে পাইনে মুখ খানি তোর
এত অন্ধকার ভাল নাহি লাগে
এই খানে যাই উঠে ।

এখানে প'ড়েছে রবির কিরণ,
সমুখে লরসী হাসিছে কেমন,
গাছের উপরে শাখা শাখা ভোবে
বকুল র'য়েছে ফুটে ।

এই খানে অগ্নি, এই খানে বোস্,
শোন্, সখি তার পরে ;—

গাছের তলায় ছিলাম বসিয়া
মগন, ভাবনা করে ।

স্বিতস্বর শুনি চমকি উঠিছ,
 শুনিছ মধুব বঁধবী বাঁধে,
 স্নেহের প্লাবনে আকাশ পাতাল
 ডুবে গেল গো নিমেষ মাঝে ।
 আকাশ-বাপিনী ভোজনাবে, সখি,
 মরমে মরমে পলিল গান,
 পৃথিবী-ডুগান' ভোজনাবে, সখি,
 ডুবায়ে দিল সে মধুর আঁখি ।
 একটি একটি কব কপা তার
 পলিত লাগিল প্রাণে বহু,
 বোঝিত লাগিল উঠিতে পড়িত,
 চকর চকর পাগল-মত্ত ।
 একটি একটি একটি কবিতা
 গাঁপিত লাগিল কপা,
 গান পাওয়া তার ফুরাল' বখন
 ফুরাল' অ'ম'ব' গাঁপা ।
 ফুরল! সখিলো, বল দেখি মোরে
 কি গান গাতিবেছিল মধু-স্বরে
 বিখ্য করি বিমোহিত ?
 আমারি রচিত—আমাবি বচিত—
 আম বি রচিত গীত ।
 ফুরলো, সখিলো, বল দেখি মোরে
 কে গান গাতিবেছিল মধু-স্বরে,
 উনমাদ করি মন,

আমারি নলিনী—আমারি নলিনী—

আমারি সঙ্গ-ধন ।

সখি, মোর সেত মনের কথা,

সখি, মোর সেত গানের কথা,

দ্বিরাছে মাজিয়া তাব অর দিয়া,

প্রতি কথা তাব উঠে উজলিয়া

মেঘে ববি-কর যথা ।,

কিনিব, কি গান গাহিতে ছিল সে

অমৃত-মধুব ববে ?

শোন, মা দিয়ে তবের

গান ।

কে তুমি গো খুলিখাচ স্বর্গের দ্বার ?

তালিতেছ এত সুখ, তে'জ পেল—বল বুক—

যেন এত সুখ দদে ধরে না মো আর !

তোমাব সৌন্দর্য্য-ভাবে হুঁসন জনম হা—রে

অভিভূত হ'য়ে যেন প'ড়েছে আমার !

এস তবে জনয়েতে, দেখেছি আসন পেতে,

সুচাও এ জনয়ের সকল অ ধাব !

তোমার চরণে দিহু প্রেম-উপহার,

মা যদি চাওগো দিতে প্রতিদান তার,

ঝাউবা দিলে তা' বাংলা, পাক' দিবি করি আল্লা

জনয়ে থাকুক' ভেগে সৌন্দর্য্য তোমার ।

একাদশ সর্গ ।



অনিল ।

অনিল ।—কিছুইত হোল না !

সেই সব—সেই সব—সেই হাহাকার সব

সেই অশ্রু-বারিধারা, ক্লদয়-বেদনা !

কিছুতে মনের মাঝে শান্তি নাহি পাই,

কিছুই না পাইলাম বাহা কিছু চাই !

ভাল ত গো বাসিলাম—ভালবাসা পাইলাম,

এখনোত ভালবাসি—তবুও কি নাই !

তবুও কেনরে যদি শিশুর মতন

দিবানিশি নিরঞ্জে করিছে রোদন !

মনোমত হয়নি বা যা' কিছু পেয়েছে,

সকলেরি মঝে বৃষ্টি অভাব রোয়েছে !

আশ মিটাইয়া বৃষ্টি ভালবাসি নাই,

ভালবাসা পাইনি বা বতথানি চাই !

যেন গো বাহার তরে মন'বাগ্ন আছে,

অশ্রীরী ছায়া তার দাঁড়াইয়া কাছে

ছই বাহ বাড়াইয়া করি প্রাণপণ

ভাড়াভাড়ি ছুটে গিরে করি আলিঙ্গন—

ছায়া শুধু—ছায়া শুধু—ক্লদয় না পূরে—

তা' চেয়ে রহেনা কেন শত ক্রোশ দূরে ?
 আমার এ উর্জ্বাস পিপাসিত মন
 নাহি অমৃতবে তার হৃদয়-স্পন্দন ;
 মন চায় হাতে তার রাখি মোর হাত
 বুকে তার মাথা রাখি করি অশ্রুপাত ;
 সেই ত ধবিষ্য হাত বুকে মাথা রাখি,
 দৃঢ় আলিঙ্গন তারে করি থাকি থাকি ;
 কিন্তু এ কি হোল দায়, এ কিসের মায়া ?
 কিছু না ছুঁইতে পাই, ছায়া সব ছায়া !
 তাই ভাবি, মন মোর যা কিছু পেয়েছে
 সকলেরি মাঝে বুঝি অভাব রয়েছে !
 তুষিত হৃদয় চায় ভালবাসা যত
 ললিতা ফিরায়ে বুঝি দেয়নাক' তত !
 আমি চাই এক ক্ষুরে ছুঁই যদি বাজে,
 আবরণ নাহি রয় ছুঁজনার মাঝে !
 সমুদ্র চাহিয়া থাকে আকাশের পানে,
 আকাশ সমুদ্রে চায় অবাক্ নয়ানে,
 তেমনি দৌহার ছুদি হেরিবে দৌহারি,
 পড়িবে উভের ছায়া উভয়ের গায় !
 কিন্তু কেন, ললিতার এত কেন লাজ ?
 এত কেন ব্যবধান ছুঁজনার মাঝে ?
 মিলিবার তবে যাই হইয়া অধীর,
 মাঝেতে কেনরে হেন লোহের প্রাচীর ?
 আমি যাই তাড়াতাড়ি করিতে আদর,

তারে হেরে উল্লাসেতে নাচিগো অন্তর,
 মিলিবারে অর্ধপথে সে আসেনা ছুটে,
 তার মুখে একটিও কথা নাহি ফুটে !
 জানিগো ললিতা মোরে ভাল বাসে মনে,
 যাতে আমি ভাল থাকি করে প্রাণপণে ;
 কিন্তু তাহে কিছুতেই তৃপ্ত নহে প্রাণ,
 ছজন্য ন্যায় কেন এত ব্যবধান ?
 যেমন নিজের কাছে লাজ নাহি থাকে
 তেমনিই মনে কেন করেনা আমাকে ?
 কিছুই গো হোল না !
 সেই সব, সেই সব—সেই হাহাকার রব
 সেই অশ্রুবারিধারা হৃদয় বেদনা !

ললিতার প্রবেশ ।

ললিতা ।—কেন গো বিষয় হেরি নাথের বদন ?
 না জেনে কি দোষ কিছু কোরেছি এমন ?
 একবার কাছে গিরে ধরি ছুটি হাত
 শুধাব কি—“হোয়েছে কি ? অবোধ ললিতা সেকি
 না বুঝে হৃদয়ে তব দিয়েছে আঘাত ?”
 সেদিন ত, শুধালেন নাথ যবে আসি—
 “একবার বলতরে—ভাল কি বাসিস্ মোরে ?”
 মুক্তকণ্ঠে বলেছিহু “নাথ, ভালবাসি !”
 একেবারে সব লজ্জা দিহু বিসর্জন,
 বুকে তাঁর মুখ রেখে কোরেছি রোদন—

কাদিয়ে কৈহেছি কথা, আনায়েছি সব বাখা
 যত কথা রুদ্ধ ছিল মরম তলেতে,
 এত দিন বলি বলি পারিনি বলিতে !
 সেদিন ত কোন লজ্জা ছিলনাকো আর ,
 কিন্তু গো আবার কেন উদিল আবার !
 হেথায় দাঁড়ায়ে আমি রহি একধারে
 এখনি দেখিতে নাথ পাবেন আমারে !
 ডাকিলেই কাছে গিয়ে, সব লজ্জা বিসর্জিয়ে
 একেবারে পায়ে দোরে কৈদে গিয়ে কব'
 “বল নাথ কি কোবেঁচ ? কি হোয়েছে তব ?”

অনিল।—এমন বিষয় হোয়ে বোসে আছি হেথা
 তবুও সে দূরে আছে—তবু সে এলনা কাছে,
 তবুও সে শুধালে না একটিও কথা !
 পাষণ বজ্রেতে গড়া এ লজ্জা তাহার,
 প্রেম বরিষার নদী ভাঙ্গতে নাহিল বর্ষি
 দয়াতেও ভাঙ্গিবেনা হের অশ্রুধার ?
 লজ্জার একাধিপত্য যে নিষ্ঠুর মনে,
 প্রেম দয়া যে হৃদয়ে বাস করে ভয়ে ভয়ে
 চরণে শৃঙ্খল বাঁধা লজ্জার শাসনে—
 অনিল কি করিবিবে লয়ে দেন মন ?
 তুই চাস্ মুখ তোর হেরিলে বিষাদ ঘোর
 অশ্রুজলে অশ্রুজল করিবে বর্ষণ !
 কতনা আদরে তোর মুঢ়াবে নয়ন !
 তুই কি চাস্‌রে হেন পাষণ মূর্তি

দূরে দাঁড়াইয়া রবে—একটি কথা না কবে,
 সান্তনার তরে যবে তুই ব্যগ্র অতি ?
 হায়রে অদ্ভুত মোর—কিছুই হোলনা—
 সেই সব, সেই সব—সেই হাহাকার রব
 সেই অশ্রুবারিধারা হৃদয় বেদনা !

অনিলের বেগে প্রস্থান ।

ললিতা ।—(স্বগত)

নয়নে আঁধার হেরি, ঘুরিছে সংসার,
 মাগো মা—কোথায় মাগো—পারিনে মা আর !

(বুকতলে বসিয়া পড়িয়া)

গেলে তবে গেলে চলি নিষ্ঠুর—নিষ্ঠুর—
 ললিতা যে এক ধারে দাঁড়ায়ে রোয়েছে হারে—
 একটু আদর তরে হোয়ে তুমাতুর !
 কখন ডাকিবে বোলে আছে মুখ চেরে,
 একটু ইঙ্গিতে পায় পড়িত গো ধেরে—
 দেখেও, দেখেও তারে গেলে গো চলিয়া,
 একবার ডাকিলে না ললিতা বলিয়া ?
 দোষ কি কোরেছি কিছু সখাগো আমার ?
 তার লাগি কেন না করিলে তিরস্কার ?
 একবার চাহিলে না—ফিরেও গো দেখিলে না,
 এমন কি অপবাধ পারি করিবারে ?
 তবে কেন, কেন নাথ, বলনি আমারে ?
 যদি সখা পায় ধোরে শত-শতবার কোরে
 শুধাই গো, বলিবে কি, কি দোষ কোরেছি ?

অভাগিনী যদি নাথ, যদি মোরে যাই,
 মরণ শয্যায় শুয়ে শেষ ভিক্ষা চাই,
 চরণ হুখানি ধুয়ে শেষ অশ্রুজলে,
 হুখিনী ললিতা তব কেঁধে কেঁদে বলে,
 তবুও কি ফিরিবে না ? তবুও কি চাহিবে না ?
 তবুও কি বলিবে না কি দোষ কোরেছি !
 তবুও কি সখা তুমি যাইবে চলিয়া ?
 একবার ডাকিবে না ললিতা বলিয়া ?

দ্বাদশ সর্গ।



নলিনী। বিজয়, বিনোদ, প্রমোদ, অশোক, অরেশ,

নীরহ, ও অনিল।

অরেশ।—যাইতে বলিছ বালা, কোথা যাব আর ?

দিগ্বিদিক হারাইয়া, ও রূপ-অনলে গিয়া

এ পতঙ্গ পাখা ছুটি পুড়িয়েছে তার !

রূপসী, ক্ষমতা আব নাই উড়িবার !

নলিনী।—রূপ কিছু মোর না যদি থাকিত

বড় হইতাম সুখী,

দেখিতাম যত পতঙ্গ তোমরা

আসিতে কি লোভ দেখি !

রূপ—রূপ—রূপ—পোড়া রূপ ছাড়া

আর কিছু মোর নাই ?

তোমাদের মত পতঙ্গের দল

চারিদিকে ঘিরে করে কোলাহল,

দিবস রজনী করে জ্বালাতন,

জাঁপারে পড়ে গো না যানে ব্যরণ ;

পোড়া রূপ থেকে এই যদি হোল

হেন রূপ নাহি চাই !

হেন কেহ নাই হার—

শুধু ভালবাসে নলিনী বালায়ে
আর কিছু নাহি চায় ।

(অশোকের প্রতি)

এই যে অশোক ! ওই দেখ সখা—
দিবে কি আমারে দিবে কি তুলে
বক্ষ হোতে মৌর ফুল উড়ে গিয়ে
পোড়েছে তোমার চরণ-মূলে !
যদি সখা ওটি রাখিতে চাও
তোমারি কাছেতে রাখিয়া দাও ;—
ছদ্মগেই ওটি যাইবে শুকায়
শুকায় গেলেই দিওগো ফেলে,
যতখণ ওটি নাহি পড়ে বোরে
ততখণে যদি মনে রাখ মোবে,
ততখণে যদি না থাক' তুলে,
তা'হোলেও সখা বড় ভাগ্য মানি
চিরকাল মনে'সে কথা রবে ;—
যদি সখা নাহি লইতে চাও
এখনি ভূতলে ফেলিয়া দাও,
চরণে দলিয়া ফেল গো তবে !
কত শত হেন অভাগা কুসুম
আপনি ঝোড়েছে চরণে আসি,
কত শত লোক চেয়েও দেখেনি,
চরণে দলিয়া গিয়াছে হাসি,
তবে আর কেন, ফেলগো দলিয়া

কিসের সরম আমার কাছে ?
 যে কুসুম, সখা, শাখা হোতে কোরে
 চরণের নীচে পড়ে সাধ কোরে,
 কে না জানে বল তাহার কপালে
 চরণে দলিয়া মরণ আছে !

(নীরদের প্রতি)

এই যে নীরদ, এনেছ গাঁথিয়া
 গোলাপ ফুলের হার !
 ভুলে গেছ কেন বাছিয়া ফেলিতে
 কাঁটা গুলি, সখা, তার ?
 তবে গো পরায়ে দাও—
 না হয় কাঁটায় ছিঁড়িবে হৃদয়,
 না হয় এ বুক হবে রক্তময়,
 এনেছ গাঁথিয়া গোলাপ যখন
 তবে গো পরায়ে দাও !
 কতই না কাঁটা বিধিয়াছে হেথা
 রাখিতে গোলাপ বৃকের কাছে,
 জলুক হৃদয়—বহুক শোণিত,
 তা' বোলে গোলাপ ফেলিতে আছে ?

(প্রমোদের প্রতি)

চাইনে তোমার ফুল উপহার,
 যাও—হেথা হোতে যাও !
 ছুটি ফুল দিয়ে, ফুল বিনিময়ে
 হাসি কিনিবারে চাও !

নলিনি, নলিনি, কেনরে হলিনি
 পাষণ-কঠিন মন ?
 ছটো কথা শুনে—ছটো ফুল পেয়ে
 ভাজে কেন তোর পণ ?
 পলকে পলকে ভাঙ্গিস্ গড়িস্,—
 ভেঙ্গে যার মূহু স্বাসে,
 যার পরে তুই করিসুলো মান
 সেই মনে মনে হাসে !
 দেখি আজ তুই কেমন পারিস্
 থাকিবারে অভিমানে ?
 কহিস্নে কথা—হাসিস্নে হাসি—
 চাহিস্নে তার পানে !
 বিনোদ ।—একটি কথা কহিল না মোরে,
 পাশ দিয়া গেল চলি !
 গর্জ-ভার-গুরু প্রতি পদক্ষেপে
 মরমে মরমে দলি ।
 কেন গো—কেন গো কি আশি কোরেছি—
 কিছুত না পড়ে মনে,
 কহেছে ত কথা প্রমোদের সাথে
 অশোক—নীরদ সনে !
 গেল যে হৃদয়—কত দিন আর
 রবে সে এমন করি ।
 কখনো উঠিয়া আকাশের পরে
 কখনো পাতালে পড়ি !

অনিল ।—(দূর হইতে দেখিয়া)

না জানি কিসের ভ্রোতি নয়নে আছে গো বালা !

যেদিকে চাহিয়া দেখ সেদিক করিছ আলা ।

অন্ধকাব-ভেদী এক হাসিময় তারা সম—

প্রাণের ভিত্তব পানে চাহিয়া বোয়েছ মম !

ফিরিয়ে লইলু মগ তবুও কেনগো দেখি

চাহিছে হৃদয় পানে দুটি হাসিমাখা আঁখি !

আঁখি মুদি, তবু কেন হেরিগো প্রাণের কাছে

দুটি আঁখি চেয়ে আছে এক দৃষ্টে চেয়ে আছে !

হেথা না পাইবি ঠাই—দূর হ' তুইরে তারা—

চন্দ্রমা জোছনা করি এ হৃদি রেখেছে তরি,

তুই তারা সে আলোকে হইবি আপনা-হারা !

দূর হ'রে—দূর হ'রে—দূর হ'রে ক্ষুদ্র তারা !

কিস্ত কি মধুর মুখ ভাব ভরে ঢল ঢল !

কোমল কুসুম সম সমীরণে টল মল !

দেখিনি এহেন মুখ স্মরধুব ভাব ময়,

কেন ? ললিতার মুখ এ হোতে কি ভাল নয় ?

আহা সে মধুব বড় ললিতার মুখ ধানি,

আঁখি কত কথা কর, মুখেতে নাইক বাণী ;—

বাহির হইতে চায় তার সেই মুহু হাসি,

অধরের চারিধারে কতবার উঁকি মারে,

লজ্জায় মরিয়া যায় কেবল তুই পা আসি !

তার মুখ পূর্ণ-রাকা সরমেব মেঘে ঢাকা,

মধুর মখানি তার আশি বড় ভালবাসি !

ললিতার চেয়ে কি গো মুখ খানি ভাল এর ?
 উভেরি মধুব মুখ—হুই ভাব ছুজনের—
 ললিতা সে লাজময়ী নুখেতে নাইক কথা
 মাটি পানে চেবে আছে যেন লজ্জাবতী লতা ।
 নলিনী, নলিনী সম কেমন রোয়েছে ফুটি,
 বরষার নদী জল কবিতেছে টল মল
 হেলি ছলি লহরীতে পড়িতেছে লুটি লুটি ।—
 উভেরি মধুব মুখ ললিতার, নলিনীর,
 অধীর মোন্দর্য্য-কাবো, কারো বা প্রশান্ত স্থির !
 কিন্তু নলিনীর মুখ ভাবের খেলার গেহ
 সেখা ভাব-শিশু গুলি কবিতেছে কোলাকুলি,
 কেহবা অধবে হাসে, নয়নে নাচিছে কেহ,
 এই যে অধরে ছিল এই সে নয়নে গৈছে,
 ছদগু খেলায়ে কেহ ঘুমাইয়া পড়িয়াছে !
 কভুবা ছ'তিন জনে নাচিতেছে এক সনে,
 পলক পড়িতে চোখে আবত তাহারা নাই ;
 নলিনীর মুখখানি ভাবের খেলার ঠাঁই ।
 নলিনীর মুখ পানে যতই চাহিয়া থাকি
 নূতন নূতন শোভা দেখিতে পায়ঘে আঁধি ;
 কিন্তু ললিতার মুখ কখনো এমন নয় ।
 এত সে কয়না কথা, এত ভাব নাই সেখা,
 নহেগো এমনতর অধীর মাধুর্য্য ময় !
 নাইবা এমন হোল তাহাতে কি আছে হানি ?
 না হয় দেখিতে ভাল নলিনীর মুখখানি !

তবু ললিতারে মোর ভাল আমি বাসি ত রে !
 তবু ত সৌন্দর্য্য তার এ হৃদি রোয়েছে ভোরে !
 রূপেতে কি যায় আসে ? রূপ কেবা ভাল বাসে ?
 ললিতা নলিনী কাছে না হয় রূপেতে হারে—
 ভালবাসি—ভালবাসি—তবু আমি ললিতারে !
 নলিনী ।—(বিনোদের কাছে পুনর্বার ফিরিয়া আসিয়া)
 কেন হেন আহা মলিন আনন,
 অর্থি' নত মাটি পানে !
 তোমারে বিনোদ পাইনি দেখিতে
 দাঁড়াইয়া এই খানে !
 শিথিল হইয়া পড়েছে বুলিয়া
 ফুলের বলয় মোব,
 দাওনাগো সখা দাওনা তুলিয়া
 বাধগো আঁটিয়া ডোর !

(নলিনীর গান)

এস মন, এস, তোমাতে আমাতে
 মিটাই' বিবাদ যত !
 আপনার হোয়ে কেন মোরা দৌঁছে
 রহিগো পবের মত ?
 আমি যাই এক দিকে, মন মোর !
 তুমি যাও আর দিকে,
 যার কাছ হোতে ফিরাই নয়ন
 তুমি চাও তার দিকে !

তার চেয়ে ঐস দুজনে মিলিয়ে
 হাত ধোরে বাই এক পথ দিয়ে,
 আদারে ছাড়িয়ে অস্ত্র কৈন খানে
 যেওনা কখনো আর !
 পারিনা কি মোরা দুজনে থাকিতে,
 দৌড়ে হেসে খেলে কাল কাটাইতে ?
 তবে কেন তুই না শুনে বারণ
 বাস্বে পরের দ্বার ?
 ছুমি আমি মোরা থাকিতে দুজন,
 বল দেখি, হৃদি, কিবা প্রয়োজন
 অস্ত্র সহচরে আর ?
 এত কেন সাধ বল দেখি, মন,
 পর ঘরে যেতে, বখন তখন,
 সেথা কিরে তুই আদর পা'স ?
 বলত কতনা সহিস্ বাতনা ?
 দিবানিশি কত সহিস্ লাঞ্ছনা ?
 তবু কিরে তোর মিটেনি আশ ?
 আর, ফিরে আর—মন, ফিরে আর—
 দৌড়ে এক সাথে করিব বাস !
 অনাদর আর হবেনা সহিতে,
 দিবস রজনী পাষণ বহিতে,
 বরমে দহিতে, মুখে না কহিতে,
 কেলিতে ছুঁকের দ্বাস !
 অনিলিনে কথা ? আসিলিনে হেথা ?

কির্লিনে একবার ?
 সাধিলো, ছুর্ত্ত জরুরের সাথে
 পেরে উত্তীর্ণে আর।
 “নয়রে অথের খেলা ভালবাসা!”

কত বুঝালেম তায়,—
 হেস্কিরা চিকণ সোণার শিকল
 খেলাইতে মায় জদর পাগল—
 খেলাতে খেলাতে না জেনে না জনে
 জড়ায় নিজের পায় !
 বাহিরিতে চায় বাহিরিতে নাহর,
 করে শেষে হায় হায় !
 শিকল ছিঁড়িয়ে এসেছে ক’বার
 আবার কেন রে যায় ?
 চরণে শিকল বাধিয়া কাঁদিতে
 না জানি কি অর্থ পায় !
 তিলেক রহেনা আমার কাছেতে
 যতই কাঁদিয়া মরি,
 এমন ছুর্ত্ত জদর লইয়া
 স্বজনি, বল কি করি ?

অনিল ।—ওঠ হেথা হোতে—চল্ চল্ বাই,
 কি কারণে হেথা আর্জিৎ আর !
 মুদিয়া আনিছে মনের নয়ন,

মনের চরিত্রে পড়িছে ভার !
 ললিতা আমার ! না থাকুক ক্লেশ
 নাইবা গাহিতে পারিলি গান,
 ভাল বাসি তোরে, ভাল বাসি য়ে
 যত দিন দেহে রহিবে প্রাণ !
 (নলিনী ব্যতীত আর সকলের গ্রহান)

মলিনী ।—পারিনে ত আর, বসি এই ধানে,
 ওই যে এদিকে আসিছে কবি !
 কথা আজ মোবে কহিতে হইবে,
 র'বনা বলিয়া অচল ছবি ।
 কি কথা বলব ? তাবিতেছি মনে,
 কিছুই ত ভেবে মাহিক পাই ;
 বলিব কি ত্বারে—“তোমরা কবিগো,
 তোমাদের ভাল বাসিতে নাই !
 বুঝিতে পাবনা আপনার মন,
 দিবা নিশি দুখ করগো শোক,
 ভাল বাস। তরে আকুল হৃদয়
 ভাল বাসিবার পাওনা লোক !
 মনে তোমাদের সৌন্দর্য্য জাগিছে
 ধরায় তেমন পাওনা খুঁজে,
 তবুও ত ভাল বাসিতেই হবে
 নহিলে কিছুতে মন না বুঝে !
 অবশেষে কারে পাও দেখিবারে
 নেশায় আপনা ভুলি,

সাজাইয়া ধের কলপনা তাজ
 নিজের গহনা থুলি ।
 আদি কলপনা কুহকিনী বালা
 নয়নে কি দেয় মায়া,
 কলপনা তারে ঢেকে রাখে নিজে
 দিয়ে নিজ জ্যোতি ছায়া ।
 কলনা-কুহকে মায়া মুখ ঢেকে
 কি দেখিতে দেখে কিবা,
 অপক্লপ সেই প্রতিমা তাহার
 পূজ মনে নিশি দিবা ।
 যত যায় দিন, যত যায় দিন,
 যত পাও তারে পাশে
 দেবীর জ্যোতি সে হারায় তাহার
 মামুষ হইয়া আসে ।
 ভাল বাসা যত দূরে চলি যায়
 হাহাকার কর মনে,
 কলপনা কঁাদে বাধিত হইয়া
 আপনার প্রত্যর্গে ।
 আমি গো অবলা—কবির প্রণয়
 অত নাহি করি আশা,
 আমি চাই নিজ মনের মামুষ
 শাদাশিধে ভালবাসা ।”
 এমনি করিয়ে বাতাসের পঁরে
 মিছে অভিমান বাধি

অকারণে ত্বর করিব লাহনা
 অভিবাসে কাঁদি কাঁদি ।
 কিছুতে সান্তনা না আমি মানিব,
 হুয়েতে বাইব চোলে
 কাছেতে আসিতে করিব বারণ
 করণ চোখের জলে !

ত্রয়োদশ সর্গ ।



অনিল ললিতা ।

ললিতা ।—ভেদেছে ভেদেছে যত লজ্জা ললিতার ।

হৃৎকণ্ঠে শুধাইছে, সখা, বার বার,—

কি করিব বল দেখি তোমার লাগিয়া ?

কি করিলে জুড়াইতে পারিব ও হিয়া ?

এই পেতে দিহু বুক রাখ সখা রাখ' মুখ

ঘুমাও তুমি গো, আমি রহিব জাগিয়া ।

থুলে বল, বল সখা, কি হুঃখ তোমার !

অশ্রুজলে মিশাইব অশ্রুজল ধার ।

এক দিন বোলেছিলে মোর ভালবাসা

পেলেই পূরিবে তব প্রণয় পিপাসা ;

বোলেছিলে সব তব করিছে নির্ভর

পৃথিবীর মুখ হুঃখ আমারি উপর ।

কই সখা ? প্রাণ মন করেছিত সমর্পণ,

দিরেছি ত বাহা কিছু ছিল আপনার,

তবু কেন শুকাল না অশ্রুমারি ধার ?

অনিল ।—ললিতারে, ললিতারে, আমার কিসের হুঃখ

হৃদয়ে জাগিছে যবে ওই তোর মধু মুখ ।

জীবন নিশীথ মোর ও রবি কিরণে তোর

একেবারে মিশিয়েছি আপনারে পাশরিয়া ;

মাঝে মাঝে হৃদাকাশে বহিত বা মেঘ আসে,
 ভিতরে ভবুও হাসে সে রবি-কিরণ প্রিয়া !
 ওই শ্রিত আঁখি ছুটি ছব্বরে রহিয়া ফুটি
 রেখেছে ফুল ফুটায় প্রাণের বিজ্ঞন বনে !
 তব প্রেম সুধাধারা ঝরিতা নিষ্কর পারা
 তুলেছে হরিত করি এই মরুভূমি মনে !
 তব হাসি স্রোতস্রা সম এ মুগ্ধ নয়নে সম
 সারা অগতের মুখে ফুটায় রেখেছে হাসি ।
 তুমি সদা আছ কাছে তাই দিবালোক আছে,
 নহিলে জগতে মোব কী দিক্ত আঁধার রাশি ;—
 আয় সখি—বুকে আয়—উলসি উঠেছে প্রাণ—
 ত্ববা কোরে বালো বালো—বাঁশি আন—বীণা আন—
 আজি এ মধুব সাঁঝে—রাখি এ বুকের মাঝে
 মধুর মুখানি তোর—ধীরে ধীরে কব গান ?
 ললিতা ।—না সখা, মনেব ব্যথা কোব' না গোপন ;
 যবে অশ্রুজল হয় উচ্ছসি উঠিতে চায়,
 কথিবা বেখোনা তাহা আমারি কারণ ।
 চিনি সখা, চিনি তব ও দারুণ হাসি,
 ওর চেয়ে কত ভাল অশ্রুজল রাশি ।
 মাথা খাও—অভাগীরে কোরনা বঞ্চনা,
 ছদ্মবেশে আবরিয়া রেখোনা বস্ত্রণা ;
 মমতার অশ্রুজলে নিভাইব সে অনলে
 ভাল যদি ঝস'তবে রাখ' এ প্রার্থনা ।

চতুর্দশ সর্গ।



মুরলা ও কবি।

কবি।—কত দিন দেখিয়াছি তোরে লো মুরলে,
একেলা কাঁদিতেছি বসিয়া বিরলে।
করতলে রাখি মুখ—কি জানি কিসের দুখ—
বড় বড় আঁখি ছুটি মগ্ন অশ্রুজলে!
বড়, সখি, ব্যথা লাগে হেরি তোর মুখ;
এমন করণ আহা! ফেটে যায় বুক।
ভাল কি বাসিস্ কারে? কতদিন বন্
পোষণ করিবি হৃদে হৃদয়-অনল?
যত তোর কথা আছে বলিস্ আমার কাছে,
এত স্নেহ কোথা পাবি—এত অশ্রুজল?

মুরলা।—কারে বা ভাল বাসিব কবিগো আমার?
ভালবাসা সাজে কিগো এই মুরলার?
সখা, এত আমি দীন, এতই গো গুণ হীন,
ভালবাসিতে যে কবি, মরিগো লজ্জায়!
যদি ভুলি আপনারে, যদি ভালবাসি কারে,
সে জন ফিরেও কভু দেখে কি আমার?
যদি বা সে দয়া কোরে আদর করে গো ঘোরে,
সঙ্কোচেতে দিবানিশি দহিনা কি তবু?

তাই কবি'বলি তাই—ভাল যে বাসিতে নাই,
 ভালবাসা মুরলারে সাজে কিগো কতু ?
 দূর হোক—মুরলার কথা দূর হোক—
 মুরলার হৃথ আলা মুরলার রোক—
 বল কবি গেছিলে কি নলিনীর কাছে ?
 নলিনীর কথা কিছু বলিবার আছে ?

কবি ।—সখিলো, বড়ই মনে পাটয়াড়ি ব্যথা !
 কাল আমি সন্ধ্যাকালে গিয়েছিছু সেখা ;
 পঞ্চ পাশ্বে' সেই বনে নীরবে আপন মনে
 দেখিতে ছিলাম একা বসি কতক্ষণ
 সন্ধ্যার কপোল হোতে সুধীরে কেমন
 মিলায়ে আসিতেছিল সরমের রাগ ;
 একটি উঠিলে তারা, বিপাশা হরবে হারা
 ছায়া বুকে লোরে কভ করিছে সোহাগ !
 কতক্ষণ পথ চেরে রোয়েছি বসিয়া—
 এমন লম্বয়ে হেরি—সখীদের সঙ্গে করি
 আসিছে নলিনী বালা হাসিয়া হাসিয়া ;
 নাচিয়া উঠিল মন হরবে উল্লাসে,
 রহিছু অধীর হোরে মিলনের আশে ।
 কিন্তু নলিনীর কেন চরণ উঠেনা যেন,
 হুই পা চলিয়া যেন পারে না চলিতে,
 কেহ যেন তার তরে বোসে নাই আশা কোরে,
 সে যেন কাহারো সাথে আসেনি মিলিতে !
 কোন কাজ নাই তাই এমেছে খেলিতে !

যেতে যেতে পথ মাঝে যদি হেরে কুল
 করতালি দিয়ে উঠে, তাড়াতাড়ি যায় ছুটে,
 আনে তুলে, পৰে চুলে, হেসেই আকুল !
 কতু হেরি প্রজাপতি কোতূহলে ব্যগ্র অতি
 ধীরে ধীরে পা টিপিয়া যায় তার কাছে ।
 কতু কহে, "চল্ সখি, সেই চাপ গাছে
 আজিকে সকাল বেলা কুঁড়ি দেখেছিহু মেলা,
 এতক্ষণে বুঝি তারা উঠিয়াছে ফুটে,
 চল্ সখি একবার দেখে আসি ছুটে !"
 কত না বিলম্ব পথে করিল এমন,
 বড়ই অধীর হোয়ে উঠিল গো মন ।
 কতক্ষণ পরে শেষে গান গেয়ে হেসে হেসে
 যেথা আমি বোসেছিহু আসিল সেথায় ;
 চলিয়া গেল সে যেন দেখেনি আমার !
 একেলা বসিয়া আমি রহিহু আঁধারে,
 সমস্ত রজনী, সখি, সেই পথ ধারে ।
 কেন সখি, এত হাসি, এত কেন গান ?
 কিসের উল্লাসে এত পূর্ণ ছিল প্রাণ ?
 যন এক দলিবার আচেগো ক্ষমতা,
 বন্ধন তখন খুসী দিতে পারে বাখা,
 তাই গর্বের কোন দিকে কিরেও না চায় ?
 তাই এত হাসে হাসি এত গান গায় ?
 কুপাম যে হাসি হাসে ঝলসি নয়ন,
 বিছাৎ যে হাসি হাসে অশনি-দশন !

অথবা হয়ত, সখি, আমারিই ভুল ;
 হয়ত সে যেনে মনে করুনায় অকারণে
 প্রণয়ে সন্দেহ করে হোষেছে আকুল ।
 অতিনানে জানাইতে চার মোর কাছে—
 রাখেনা আমার আশা, নাই কিছু ভাল বাসা,
 ভাল না বেয়েও মোরে বড় মুখে আছে !
 যখন গাহিতেছিল মবমে দগ্ধিতে ছিল,
 হাসি সে মুখের হাসি আব কিছু নয়,
 গোপনে কাঁদিতেছিল অশান্ত হৃদয় !
 আজ আমি তার কাছে যাই একবার ;
 শুধাই,—অমন কোরে কেন সে নির্লব বা মোরে
 দিয়াছে বেদনা, দলি হৃদয় আমার ? (কবির প্রস্থান)

মুরলা ।—আসিয়াছে সন্ধ্যা হোরে নিস্তরু গভীর,
 তার নাহি দেখা যায় কুখাশাভিতরে,
 একটি একটি কোবে পড়িছে শিশির
 মুরলার মাথার শুকানো ফুল পরে !
 জীর্ণ-পাখা শীত-বায়ে উঠে শিহরিয়া,
 গাছের শুকানো পাতা পড়িছে ঝরিয়া ;
 ওঠলো মূবলা, ওঠ, দিন হোল শেষ,
 পরলো মূবলা, পর সন্ধ্যাসিনী বেশ !
 মুরলা ? মূবলা কোথা ? গেছে সে মরিয়া ;
 সেই যে হুখিনী ছিল বিষম মলিন,
 সেই যে ভাল বাসিত হৃদয় ভরিয়া,
 সেই যে কাঁদিত বনে আসি প্রতিদিন,

সে বালা মরিয়া গেছে, কোথায় সে আর ?
 ছিন্ন বস্ত্র, ম্লান মুখ, লোরে দুঃখ জার,
 তাহার সে বুকের লুকানো কথা ক্লায়ে
 মোরেছে সে বালা আজ সন্ধ্যার উদয়ে !
 তবে এ কাহারে হেরি নিশীথে আশানে ?
 ও একটি উদাসিনী সন্যাসিনী ধার—
 কায়েও বাসেনা ভাল, কায়েও না জানে
 আপনার মনে শুধু অসিয়া বেড়ায়
 একটি ঘটনা ওর ঘটেনি জীবনে,
 একটি পড়েনি রেখা ওর শূন্য মনে,
 পথ ছাড়' পাম্ব, কিবা শুধাইছ আর ?
 জীবন কাহিনী কিছু নাই বলিবার !
 মুরলা, সত্যাই তবে হলি স্ত্রীসিনী ?
 সত্যাই ত্যজিলি তোর বত কিছু আশা ?
 ভবেরে বিলম্ব কেন, বসিয়া আছিস্ হেন ?
 এখনো কি—এখনো কি সব ফুরায় নি ?
 এখুনো কি মূনে মনে চাস্ ভালবাসা ?
 বড় মনে সাধ ছিল রহিব হেথায়,
 কষ্ট পাই দুঃখ পাই রব' তাঁরি সাধ,
 আজন্ম কালের তাঁর সহচরী হার
 আশ্রয় বেড়াইব ধরি তাঁরি হাত !
 কিছুতে নারিগু অশ্রু করিতে নমন,
 কিছুতে এল না হাসি বিষণ্ণ বদনে,
 সদাই এড়াতে হোত কবির নরন,

ঈদিতে আসিতে হ'ত এ আঁধার বনে !

আজিকে স্নেহের দিন কবির আমার,

হৃদয়ে তিলেক নাই বিষাদ আঁধার,

নূতন প্রণয়ে মগ্ন তাঁহার হৃদয়

বিশ্ব চরাচর হেরে হাস্য-সুধাময় ;—

এখন, মুরলা আমি, কেন বহি আর ?

যেখানেই যান্ কবি হর্ষে হাসি হাসি,

সেখাই দেখিতে পান্ এ মুখ আমার—

বিবাদের প্রতিমূর্ত্তি অঙ্ককার রাশি !

ওঠলো মুরলা তবে, দিন হোল শেষ,

পবলো মুরলা তবে সন্ধ্যাসিনী বেশ !

বেড়াইবি তীর্থে তীর্থে, তাজিবি সংসার,

ভুলে যাবি যত কিছু আছে আপনার !

কত শত দিন, কত বর্ষ যাবে চলি—

তখন কপালে তোর পড়েছে জিবলী,

নবন হইয়া তোর গেছে জ্যোতি হীন,

কত কত বর্ষ গেছে, গেছে কত দিন ;

এই গ্রামে ফিরিয়া আসিবি কুবাব,

যাইবি রাগিতে ভিক্ষা কবির দয়ার,

দেখিবি আছেন স্নেহে নগিনীরে লোয়ে

তাই জনে একমন এক প্রাণ হোয়ে !

কতনা শুনাইছেন কবিতা তাহারে !

কতনা সাজাইছেন কুসুমের হারে !

মোরে হেরে কবি মোর অবাক্ নয়নে

মোর মুখ পানে চেয়ে রহিবেন কত,
 মনে পড়ি পড়ি করি পড়িবেনা মনে
 নিশীথের ভুলে-বাওয়া স্বপনের মত !
 কতক্ষণ মুখ পানে চেয়ে থেকে থেকে
 সবিস্ময়ে নলিনীরে কহিবেন ডেকে—
 “যেন হেন মুখ আমি দেখেছিহু প্রিয়া ।
 কিছুতেই মনে তবু পড়িছেনা আর !”
 অমনি নলিনী-বালা উঠিবে হাসিয়া
 কহিবে “কল্পনা, কবি, কল্পনা তোমার !”
 গুনিয়া হাসিবে কবি, ফিরাবে নয়ন,
 নলিনীর পাখীটারে করিবে আদব ;
 আমিও সেখান হোতে করিব গমন
 ভ্রমিয়া বেড়াতে পুনঃ দূর দেশান্তর ।
 ওঠলো মূবলা তবে দিন হোল শেষ,
 পরলো মূবলা তবে সন্তাসিনী বেশ !

থাক্ থাক্, আজ থাক্, আজ থাক্ আর ।
 কবিরে দেখিতে হবে আরেকটি বার ।
 কাল হব সন্তাসিনী বরিব বিরাগে,
 দেখিব আরেকবার যাইবার আগে ।

পঞ্চদশ সর্গ ।



কবি.ও মুরলা ।

মুরলা ।—কবিগো আমার, যদি আমি মোরে যাই

তা হোলে কি বড় কষ্ট হয়গো তোমার ?

কবি ।—ওকি কথা মুরলা লো বলিতে বে নাই !

তুই ছেলেবেলাকার সঙ্গিনী আমার !

কাঁদিস্ না, কাঁদিস্ না, মোছ অশ্রুধাব ;

আহা, সখি, বড় সুখী হই আমি মনে

যদি দেখি প্রেমে তুই পোড়েছিস্ কার,

সুখেতে আছিস্ তোরা মিলি দুইজনে !

নিরাশ্রয় মনে আসে কত কি ভাবনা,

কিছুতে অধীর যদি মানেনা সাধনা ;

সজনি, অমন সব ভাবনা আঁধারি

ভাবিসনে কখনো লো ভাবিসনে আর !

মুরলা ।—কবিগো, রজনীগন্ধা ফুটেছিল গাছে,

তুমি ভালবাস' বোলে আপনি এনেছি তুলে,

নেবে কি এ ফুল গুলি, রাখিবে কি কাছে ?

কবি ।—সখিলো, নলিনী কাল হুটি চাপা তুলে

পরায়ে দেছিল মোর হুই কর্ণ মূলে ;

পরশিতে দল গুলি পড়িছে ঝরিয়া

এখনো সুবাস তার যায় নি মরিয়া ।
 মুরলা ।—দেখি সখা, একবার দেখি হাত থানি,
 এ হাত কাহারে কবি করিবে অর্পণ ?
 কত ভাল তোমাতে সে বাসিবে না জানি ।
 না জানি, তোমাতে কত করিবে বসন ।
 কিসে তুমি রবে সুখী সকলি সে জানিবে কি ?
 দেখিবে কি এতি ক্ষুদ্র অভাব তোমার ?
 তোমার ও মুখ দেখি, অমনি সে বুঝিবে কি
 কখন পোড়েছে হৃদে একটু আঁধার !
 অমনি কি কাছে গিয়ে কতনা সান্তনা দিবে
 দূর করি দিবে সব বিষাদ তোমার ?
 তাই যেন হয় কবি আর কিবা চাই
 তা হোলেই সুখী হব ঘরি না যেথাই ।

কবি ।—মুরলা, সখিলো,

কেন আজ মন মোর উঠিছে কাঁদিয়া ?
 বিষাদ ভূজঙ্গ সম কেন রে হৃদয় মম
 দলিতেছে, চারিদিকে বাঁধিয়া বাঁধিয়া ?
 ছেলেবেলা হোতে যেন কিছুই হোলনা,
 বত দিন বেঁচে রব' কিছুই হবে না,
 এমনি কোরেই যেন কাটিবেক দিন,
 কাঁদিয়া বেড়াতে হবে 'সুখ শান্তি হীন ।
 কেহ যেন নাই মোর, রবেনাকো কেহ,
 ধরায় নাইক যেন বিশ্রামের গেহ ।
 কিছু হারাইনি তবু খুঁজিয়া বেড়াই,

কিছুই চাই না তবু কি যেন কি চাই !
 কোন আশা না করিয়া নৈরাশ্যেতে দহি,
 কোন কষ্ট না পাইয়া তবু কষ্ট সহি !
 কেন রে এমন কেন হোল আঁজ মন ?
 দিয়েছিত, পেয়েছিত ভালবাসা ধন !
 তুই কাছে আয় দেখি, আয় একবার,
 মুখ তোর রাখ দেখি বুকেতে আমার !
 দেখি তাহে এ হৃদয় শান্তি পায় যদি !
 কে জানে উচ্ছ্বসি কেন উঠিতেছে হৃদি !
 দেখি তোর মুখ খানি, সখি তোর মুখখানি,
 বুকে তোর মুখ চাপি, কেন, সখি, কেন
 সহসা উচ্ছ্বসি কৈ দ উঠিলিরে হেন ?
 যেন বহুক্ষণ হোতে যুক্তিয়া যুক্তিয়া
 আর পারিল না হৃদ গেল গো ভাঙ্গিয়া !
 কি হোয়েছে বল মোরে, বল সখি বল,
 লুকাসনে, লুকাসনে ছথ অশ্রুজল !
 পৃথিবীতে কেঁই যদি নাহি থাকে তোর
 এই হেথা এই আছে এই বক্ষ মোর !
 এ আশ্রয় চিবকাল রহিবে তোমার
 এ আশ্রয় কখনই হারাযিনে আর !
 কাঁদিবি, যখন চাস, হেথা মুখ ঢাকি,
 তোর সাথে বরষিবে অশ্রু মোর আঁখি !
 মূল ।—তুমি স্ত্রী, হও কবি এই আমি চাই,
 তুমি স্ত্রী হোলে মোর কোন দুঃখ নাই !

কবি ।—আমি স্মৃতি নই সখি, স্মৃতি কেবা আর ?
 বল্ দেখি মুরলালো কি ছুঃখ আমার !
 অমন নলিনী মোর হৃদয়ের ধন
 সে আমার—সে আমার আছেগো যখন,
 পেয়েছি যখন আমি তার ভালবাসা,
 তখন আমার আব কিসের বা আশা ?
 পেয়েছি যখন আমি তোর মত সখী—
 হুখে মোর হুখ পায় স্মৃতি মোর স্মৃতি
 তবে বল্ দেখি সখি কি ছুঃখ আমার ?
 তবে যে উঠেছে মনে বিষাদ আধার
 শরতের মেঘ সম হৃদয়ে মিলাবে,
 কোথা হোতে আসিবাছে কোথায় বা যাবে ।
 এখনি নলিনী কাছে যাই একবার,
 এখনি বুচিবে এই বিষাদের ভার ।
 মুরলা সখিলো তুই থাকিস্ হেথাই,
 ফিরে এসে পুনঃ যেন দেখিবাবে পাই । (কবির প্রস্থান)।

মুরলা ।—ফিরে এসে মুরলারে পাবেমা দেখিতে,
 কবি মোর, আন্তরকটু যদিগো থাকিতে ।
 নলিনীত চিব জন্ম বহিবে তোমার,
 আমি যে ও মুখ কভু হেরিব না আব ।
 ও মুখ কি আর কভু পাবনা দেখিতে
 যত দিন হবে মোরে বাঁচিয়া থাকিতে ?
 পল যাবে, দণ্ড যাবে, দিন যাবে, মাস যাবে,
 বর্ষ বর্ষ করি যাবে জীবন আমার,

ও মুখ দেখিতে তবু পাবনাকো আর ?
 মুরলা, পারিবি তুই ? পারিবি থাকিতে ?
 দারুণ পাষণে মন বাঁধিয়া বাধিতে ?
 না, না, না, মুরলা তুই যাইবি কোথায় ?
 অসীম সংসারে তোর কে আছে রে হায় ?
 হবে যা অদৃষ্টে আছে, থাকিস্ কবির কাছে,
 কবি তোর সুখ শান্তি হৃদয়ের ধন,
 থাকিস্ জড়ায়ে ধবি কবির চরণ,
 কবির চরণে শেষে ত্যজিস্ জীবন ।
 কিন্তু স্বার্থপর তুই কি করিয়া র'বি ?
 বিষয় ও মুখ তোর নিরখিয়া কবি
 এখনো কঁাদেন যদি, এখনো তাঁহাব হৃদি
 পূর্বানো বিষাদ যদি করেরগে স্রবণ ?
 সেই ছেলেবেলাকাল বিষাদ যজ্ঞনা ভার
 আমি যদি তাঁর মনে জাগাইয়া বাখি—
 তবেই হতভাগিনী কি বলিয়া থাকি ।
 তবে আমি যাই, তবে যাই, তবে যাই,
 কেহ মোব ছিলনাকো, কেহ মোর নাই ।
 মুরলা বলিয়া কেহ আছে কি ভুবনে ?
 মুরলা বলিয়া যারে ভাবিতেছি মনে
 সে একটি নিশীথের স্বপ্ন মোহময়,
 দেখিব স্বপ্ন ভাঙি মুরলা সে নয় !
 নাই তার সুখ দুখ, নাই ভালবাসা,
 নাই কবি—নাই কেহ—নাই কোন আশা ।

কেহই সে নয়, আর কেহ তার নাই,
 তবে কি ভাবনা আর যেথা ইচ্ছা যাই !
 কিন্তু কবি মোর, আহা ভালবাসাময়,
 আমায়ে না দেখে যদি তাঁর কষ্ট হয় ?
 থাম্ থাম্ মুরলারে—কেন মিছে বারে বাবে
 মনেরে প্রবোধ দিস্ ও কথা বলিয়া,
 শুনিলে জগৎ যেরে উঠিবে হাসিয়া !
 চল্ তুই চল্ তুই—যেথা ইচ্ছা চল্ তুই.
 কেহ নাই তোর লাগি কাঁদিবার ভরে !
 তবে চলিলাম কবি দূর দেশান্তরে ;
 অন্তর্যামী দেবতা গো, শুন একবার,
 যদি আমি ভালবাসি কবিরে আমার
 কবি যেন সুখী হয়, নলিনী সে সুখে বস,
 সথারে আমার আমি ভাগ্যবাসি যত
 নলিনী বালাও যেন ভালবাসে তত ।
 নলিনী বালায় যত আছে দুখ জালা
 সব যেন মোর হয়, সুখে থাক্ বালা !
 তবে চলিলাম কবি, আমি চলিলাম,
 মুরলা করিছে এই বিদায় প্রণাম !

ষোড়শ সর্গ ।



ললিতা ।

কে জানে নাথের কেন হোল গো এমন ?
জানিনা কি ভাবিবারে যান বিপাশার ধাবে,
ললিতাব চেয়ে ভাল বাসেন বিজন ।
কভুবা আছেন যবে বিরলে বসিয়া,
আমি যদি যাই কাছে হাসিয়া হাসিয়া,
বিরক্তিতে ভুরু কেন আকুক্ষিয়া উঠে যেন,
বিরক্তি জাগিয়া উঠে অধর খানিতে,
আপনি যেন গো তাহা নারেন জানিতে ।
সহসা চমকি উঠি কি যেন হোয়েছে ক্রটি
আমারে কাছেতে এনে ডাকিয়া বসান্,
কি কথা ভাবিতেছেন বুঝাইতে চান্,
না পাবেন বুঝাইতে—সরমে আকুল চিতে
কি কথা বলিতে হবে ভাবিয়া না পান্ ।
কেন তাজি ললিতারে এলেন বিপাশা পাবে
শতেক সহস্র তাব কাবণ দেখান্,
তা' লাগি কোরেছি যেন কত অভিমান ।
আপনি বলেন আসি, ভালবাসি, ভালবাসি,
সন্দেহ কোরেছি যেন প্রণয়ে তাঁহার,

তা' লাগি ক'রেছি যেন কত তিরস্কার !
 সহসা কাননে এলে, আমারে দেখিতে পেল
 লুকাইয়া ক্রীত পদে পালান চকিতে,
 মনে ভাবি আমি তাঁরে পাইনি দেখিতে ।
 কি করি ! কি হবে মোর ! বড় হয় ভয় ।
 লজ্জা কোরে ললিতারে হারালি প্রণয় !
 লজ্জা কই, ললিতার লজ্জা কোথা আজ ?
 ভেঙ্গেছেও ললিতা সে ভেঙ্গেছেত লাজ ।
 (ফ্রিক হইয়া) ধিক্ রে ! এই কি লজ্জা ভাদ্রিবার কাল ?
 ভেঙ্গেছে সরম যবে ভেঙ্গেছে কপাল !
 আর কিছু দিন আগে ঘোচে নাই ভ্রম ?
 আর কিছু দিন আগে ভাঙেনি শরম ?
 কাদিতে বসিলি আজ শিশুটির মত !
 কিছু দিন আগে কেন ভাবিলিনে এত ?
 মিছা কি মনেরে তুই দিসুরে প্রবোধ ?
 দেখিনি তো হতে আব অধম অবোধ !
 তুই যদি কষ্ট পাণ্ডু ঘোষ দিব কার ?
 তোর মত অবোধের কষ্ট পুরস্কার !
 যত কষ্ট আছে তুই সব কব্ ভোগ,
 অশ্রুজলে তোর দিন অবসান হোক !
 নিজের চরণ দিয়া নিজ হৃদি বিদলিয়া
 হৃদয়ের রক্তবিন্দু গোন্ দিন বাত !
 হারায়ৈ সর্বস্ব ধন কর্ অশ্রুপাত !
 আগে কেন বুঝিলিনে, আগে কেন ভাবিলিনে,

কিছু দিন আগে লজ্জা নারিলি ভাবিতে !
 মিছা হৃদয়েরে আজ চাস্ প্রবেশিতে !
 যেমন করিলি কাজ, ফল ভোগ কর আজ,
 পর হোক্ যেই জন ছিল আপনার,
 তুই যদি কষ্ট পাস্ ঘোষ দিব কার ?

সপ্তদশ সর্গ ।



মুরলা ।

(প্রান্তরে)

(ক্ৰুদ্ধ)

যার কেহ নাই তার সব আছে,
 সমস্ত জগৎ মুক্ত তার কাছে ;
 তারি তরে উঠে রবি শশি তারা
 তারি তরে ফুটে কুমুম গাছে ।
 একটি বাহার নাইক আলয়
 সমস্ত জগৎ তাহারি ঘর,
 একটি বাহার নাই সখা সখি
 কেহই তাহার নহেক পর !
 আর কি সে চায় ? রয়েছে বখন
 আপনি সে আপনার,
 কিসের ভাবনা তার ?
 কিন্তু যে জনের প্রাণেব মনের
 একজন শুধু আছে,
 রবিশশি তার সেই এক জন,
 সেই তার প্রাণ, সেই তার মন,
 সেই সে জগৎ তাহার কাছে,
 জগৎ সে জন-মর,

আর কেহ কেহ নয় ;
 পৃথিবীর লোক সেই এক জন ;
 যদি সে হারায় তাঁকে
 আর তার তরে রবি নাহি উঠে,
 আর তার তরে সূর্য নাহি ফুটে,
 কিছু তাঁর নাহি থাকে !
 বহিছে তটিনী বহিছে তটিনী
 তটিনী বহিছে না,
 গাহিছে বিহগ গাহিছে বিহগ
 বিহগ গাহিছে না ।
 সমস্ত জগৎ গেছে ধ্বংস হোয়ে
 নিভেছে তপন শশি,
 লাবণ্য জগতের আশান মাঝারে
 সে শুধু একেলা বসি !
 কি একটি বালু-কণার উপরে
 তাহার সমস্ত জগৎ ছিল !
 নিখাস লাগিতে খসিল বালুকা,
 নিমেষে জগৎ মিশামে গেল !
 হা বে হা অবোধ, জীবন লইয়া
 হেন ছেলে খে- কবিত্তে আছে,
 কণস্থায়ী ওই তিলা কব গয়ে
 সমস্ত জগৎ গড়ি ও আছে,
 মুহূর্ত্ত কালের ক্ষীণ ও ও মাঝে
 তোর চিরকাল রাখিতে আছে !

রাথরে ছড়ায় হৃদয়টি তোর
 সমস্ত জগৎময় !
 জগৎ সাগরে বিশ্ব যত আছে
 কেহই কাহারো নয় !
 সে বিশ্বের পরে রাবিস্নে তুই
 কোন আশা, মন মোর !
 সহসা দেখিবি বিশ্বটির সাথে
 ভেঙ্গেছে সর্ব্বত্র তোর ।
 ওরে মন, তোর অগাধ বাসনা
 সমস্ত জগৎ করুক গ্রাস ।
 সমস্ত জগৎ ঘেরিয়া রাথরে
 হৃদয়ে, তোর হৃথের আশ ।
 সন্ন্যাসিনী তুই, কাদিস্নেহে কেন ?
 কেন রে ফেলিস্ হৃথের আস ?
 গেছে ভেঙ্গে তোর একটি জগৎ
 আরেক জগতে করিবি বাস ।
 এস জগৎ তোর তরে হয়নি রে
 অদৃষ্টের ভুলে গেছিলি সেথা,
 সেথায় আশ্রয় খুঁজিয়া খুঁজিয়া
 কতই না তুই পাইলি বাধা ।
 তোর নিজ দেশে এসেছিস্ এবে
 কেহ নাই তোরে কহিতে কথা,
 আদর কাহারো পাস্নে কখনো,
 আদর কাহারো চাস্নে সেথা ।

এখনো ত এই নূতন জীবনে
 হুথ হুথ কিছু ষটেনি তোর--
 দিবসের পরে আসিছে দিবস
 রজনীর পরে রজনী তোর !
 দিবস রজনী নীরব চরণে
 যেমন যেতেছে তেমনি থাক্—
 কাদিস্নে তুই, হাসিস্নে তুই
 যেমন আছিস্ তেমনি থাক্ !
 সে জগতে ছিল কাহারো বা হুথ
 কারো বা সুখের রাশি—
 এ জগতে বত নিবাসী জনের
 নাহিক রোমন হাসি !—
 সকলেই চায় সকলের মুখে
 শুধায় না কেহ কথা—
 নাইক আলয়, চোলেছে সকলে
 মন যার যার যেথা ।

অষ্টাদশ সর্গ ।



ললিতা ।

আদর করিয়া কেন না পাই আদর ?
লজ্জা নাই কিছু নাই—না ডাকিতে কাছে ধাই
সকোচে চরণ যেন করে থর থর,
ধীরে ধীরে এক পাশে বসি পদতলে,
বড় মনে সাধ যায়—মুখ থানি তুলে চায়
বারেক হাসিয়া কাছে বসিবারে বলে ।
বড় সাধ কাছে গিরে, মুখ থানি তুলে নিয়ে
চাপিয়া ধরিগো এই বুকের মাঝার,
মুখ পানে চেয়ে চেয়ে কাঁদি একবার ।
সে কেন বারেক চেয়ে কথাও না কয়,
পাশে পঠিত যেন, স্থির হোয়ে রয় !
যেনরে ললিতা তাব কেহ নয়—কেহ নয়
দাসীর দাসীও নয়—পথের পথিকো নয় ।
যেন একেবারে কেহ—কেহ নাই কাছে,
ভাবনা লইয়া তাব একেলা সে আছে ।
কি যেন দেখিছে ছবি আকাশের পটে,
মুহূর্তের তরে যেন—মনে মনে তাবে হেন
“ললিতা এসেছে বুঝি, বোসেছে নিকটে.
সে এমন মাঝে মাঝে এসে থাকে বটে।”

মাঝে মাঝে আসে বটে, পারেন'না যে নাথ,
 সখাণে নিভাত্ত তাই কথটি ভাঙতে নাই ?
 বারেক করিতে নাই বেহেনেজ'পাত ?
 নিভাত্তই পদতলে পোড়ে থাকে বটে !
 সখা তাই কিগো তারে তুলিয়া উঠাবে না রে,
 বারেক রাখিবে নাকি বুকের নিকটে !
 লতা আজ লুটাইয়া আছে শ্রম্মলে,
 মাঝে মাঝে স্বপ্ন দেখে—আপনারে ভুলে—
 প্রাণপণে ভালবেসে জড়াবে জড়াবে শেষে
 একদিন উঠিবে সে বুকে মাথা তুলে,
 শাখাটি বাধিতে দিবে আলিঙ্গনে তার ;
 হৃদিনীর সে আশা কি বড় অহংকার ?
 কি কোরেছি অপরাধ বুঝিতে না পারি,
 দিন রাত্রি সখা আমি রোয়েছি ভোমারি ;
 কিসে তুমি ভাল হবে, কিসে তুমি সুখী হবে,
 দিন রাত সে ভাবনা জাগিছে অন্তরে ;
 সুহৃদ ভাবিনা আমি আপনার তরে ।
 তারি বিনিময়ে কিগো এত অমাদর !
 শতখানা ফেটে যায় বুকের ভিতর ।
 সখা আমি অজ্ঞান কভু করি নাই,
 মনে করিতেও তাহা লাঞ্জে মরে বাই ।
 ধীরে ধীরে এসে কাছে মনে মনে হাস' পাছে
 “হৃদিনী ললিতা সেও অজ্ঞান করিয়াছে !”
 তাই অজ্ঞান কভু মনেও না ভাব,

অশ্রু জল হেরে পাছে হাসি তব পায় !
 বুকে বড় ব্যথা বাজে, তাই ভাবি মাঝে মাঝে
 ভিক্ষকের মত গিয়া পড়ি তব পায় ;—
 কেঁদে গিয়ে ভিক্ষা করি করিয়া বিনয়—
 “সর্বস্ব দিয়েছি ওগো—পরান হৃদয়—
 হৃদয় দিয়েছি বোলে হৃদয় চাহিনা ভুলে,
 একটু ভালবাসিও—আর কিছু নয় ।”
 পাছেগো চাহিলে ভিক্ষা ধবিলে চরণে
 বিরক্ত বা হও তাই ভয় করি মনে ।
 তবেগো কি হবে মোর ? জানাব’ কি কোবে ?
 এমন ক’দিন আর রব’ প্রাণ ধোরে ?
 হা দেবি ! হা ভগবতি ! জীবন হুঁতর অতি ;
 কিছুতে কি পাবনাক’ ভালবাসা তাঁর ?
 তবে নে মা—কোলে নে মা’—কোথাও আশ্রয় দে মা
 একটু স্নেহের ঠাই দেখা, মা আমার !

চপলার প্রবেশ ।

চপলা ।—ললিতাও হলি নাকি মুরলার মত !
 তেমনি বিষাদময় আঁখি দুটি নত ।
 তেমনি মলিন মুখে আছি কিসের হুখে,
 তোদের এঁকি এ হ’ল ভাবিলো কেবল,
 চপলারে তোরা বুঝি করিবি পাগল ।
 ছেলেবেলা বেশ ছিলি ছিলনা ত জালা,
 সদা মুহূর্তসময়ী লাজময়ী বালা ।

একদিন—মনে পড়ে ?—সরসীর তীরে,
 বসেছিল নিরিবিলি, কেবল দেখিতেছিল
 নিম্নের মুখের ছায়া প'ড়েছিল নীরে ।
 বুঝি মেতে গিয়েছিল রূপে আপনার ।
 (তোমার মত গব্বিনী দেখিনি ত আর ।)
 সহসা শিখন হ'তে ডাকিলাম তোবে,
 কি দারুণ সরমেতে গিয়েছিল মোরে ?
 আজ তোর হ'ল কিলো ললিতা আমার ?
 সে সব লাজের ভাব নাই যেনো আর ।
 শুধু বিষাদের হাসি, মুরলার মত ।
 বল্ তোরা হলি একি ? পৃথিবীর মাঝে দেখি
 কেবল চপলা সুখী, দুঃখী আর যত ।
 মোরে কিছু বলি'বিনে ?—আছা ম'বে বাই ।—
 অনিল সে কত ক'রে, আদর করে যে তোম্বে,
 লুকায়ে লুকায়ে আমি যেন দেখি নাই ।
 ভাল, ভাল, বলিস্নে, আমার কি তায় ?
 চল্ তুই, ললিতা লো, মুরলা খেঁচাব ।
 বাছা তোর মনে আছে কহিস্ তাহারি কাছে,
 তাহ'লে ঘুচিয়া যাবে হৃদয়ের ভার ।
 ওরা ক'রে চল্ তবে, ললিতা আমার !

কবির প্রবেশ ।

চপলা ।—(কবির প্রতি)—

চল কবি মুরলাব কাছে,

যড় সে মনের দুঃখে আছে ।

তুমি, কবি, তারে দেখো, নদা কাছে কাছে রেখো,
তুমি তারে ভাল ক'রে করিও বতন,
তুমি ছাড়া কে তার আর আছে বা স্বজন !

কবি।—সুরলার মুখ দেখে প্রাণে বড় বাজে,
কিসের যে দুঃখ তার শুধারেছি কতবার
কিছুতে আমার কাছে প্রকাশে না বাজে !
কত দিন হ'তে মোরা বাধা এক ডোরে,
যাহা কিছু থাকে কথা, যাহা কিছু পাই ব্যথা,
হুজনে শুধি তাহা বলি হুজনেই ।
কিছু দিন হ'তে একি হ'ল সুরলার !
আমারে মনেব কথা বলে না সে আর ;
মাঝে মাঝে ভাবি তাই, বড় মনে ব্যথা পাই,
রুঝি মোর পরে নাই প্রণয় তাহার ।
এত কথা বলি তারে এত ভালবাসি,
সে কেন আমারে কিছু কহেনা প্রকাশি ?

উনবিংশ সর্গ ।



অনিল ।

উছ কি না কবিলাম হৃদয়ের সাথ ।
ষোড় উন্মত্তের মত সবলে যুঝিছ কত,
অশান্তির বিপ্লবনে গেছে দিন বাত ।
নিশীথে গিয়েছি ছুটে দারুণ অধীৰ,
নবনেতে নিদ্রা নাই—চোখে না দেখিতে পাই
ছায়া কোরে ভ্রমিয়াছি বিপাশার তীব ।
কোঁবেছে দ্যুত ঝড় বজ্রদণ্ড কডমড,
চাবিদিকে অন্ধকার সম্মুখে পশ্চাতে ;
মাথার উপরে চাই একটিও তারা নাই,
স্বপ্নি যেন ঠাই নাই পেতেছে দাঁড়াতে ।
সাধ গেছে, ঝটিকার কদ্রুদেব গণ
বিশাল চরণ দিয়া দলি যান্ন এই হিয়া—
নিষ্পেষিত কবি কেলে কীটের মতন ।
চূর্ণ হোয়ে একেবারে মিশে ধূলিরাশে,
উড়ে পড়ে চারিদিকে বাতাসে বাতাসে ।
অশান্তির এক উপদেবতার মত
নিজের হৃদয় সাথে যুঝিয়াছি কত ।
করি অশ্রুবারি পাত গেছে চলি দিনরাত

অবশেষে আপনি ছেলের পরাভূত !
 ইচ্ছা করে ছিঁড়ি ছিঁড়ি হৃদয় আমার
 শূন্য গৃধ্রীন্দ্রের, যোগাই আহার !
 এহেন অসার, দীন, হৃদি অতি বলহীন,
 যোগা শুধু শিশুর খেলনা গড়িবার !
 এ হৃদি কি বলবান পুরুষের মন—
 সামান্য বহিলে বায়, সঘনে কাঁপিবে কাব
 মাটিতে নোয়াবে মাথা লতার মতন ।
 কেন ধরা, কেন ওরে ! জন্ম দিয়েছিল মোরে ?
 এমন অসার লঘু হৃদয় এ প্রাণ ?
 এখনি গো দ্বিধা হও, লও মোরে কোলে লও ।
 এ হীন জীবন-শিখা কবগো নির্বাণ !
 আর একবার দেখি, বহি এ হৃদয়
 পারি আমি বজ্রবলে করিবারে জয় !
 কিন্তু হায় কে আমরা ? ভাগ্যের খেলনা,
 প্রচণ্ড অদৃষ্ট স্রোতে ক্ষুদ্র তৃণ কণা !
 অন্তরে হৃদয় হৃদি গড়িছে উঠিছে,
 বাহিরে 'চৌদিক' হোতে ঝটিকা ছুটিছে ;
 যা কিছু ধরিতে চাই কিছুই থুঁজে না পাঠ,
 স্রোতে মুখে ছুটিয়াছি বিছাড়ের মত
 দিখি দিক হারাইয়া হোরে জ্ঞান হত ।
 চোখে না দেখিতে পাই, কানে না শুনিতে পাই,
 তীব্রবেগে বহে বায়ু বধিরি শ্রবণ,
 চারিদিকে টলমল—তরঙ্গের কোলাহল,

আকাশে ছুটিছে তারা উকার মতন ;
 ঘুরিতে ঘুরিতে শেষে পড়িগো আবর্তে এসে,
 চৌদিকে ফেনায়ে উঠে উদ্ভিন্ন গুরুত ;
 মস্তক ঘুরিয়া উঠে, সঘনে শোণিত ছুটে,
 ঘুরিতে ঘুরিতে যাই—কোথায় ভেবে না পাই—
 তলায়ে তলায়ে যাই পাতালের পথ ;
 আঁধারে দেখিতে নারি এত্য় কোন্ ঠাই—
 উর্দ্ধে হাত তুলি কিছু ধরিতে না পাই—
 ঘুরি ঘুরি রাত্রি দিন হোয়ে, পড়ি জ্ঞান হীন,
 নিম্নে কে চরণ ধরি করে আকর্ষণ !
 কোথায় দাঁড়াব গিয়ে কে জানে তখন ।
 তবে আর কি করিব ! যাই—যাই ভেসে—
 পাষণ বজ্রের মত অদৃষ্টের মুষ্টি শত
 হৃদয়েরে আকর্ষিছে বরি তার কেশে !
 কি করিতে পারি বল আমি ক্ষুদ্র নয়
 অদৃষ্টের সাথে কভু সাজে কি সমর !
 দিন রাত্রি তুষানলে মরি তুবে জ্বল জ্বলে,
 হান্নক সমস্ত ধরা ভীত ঘৃণা-হানি,
 সে মোরে করুক ঘৃণা যারে ভাল বাসি !
 আপনার কাছে সদা হোয়ে থাকি দোষী,
 হৃদয়ে ঘনাতে থাক কলঙ্কের মনী ।
 যার ভালবাসা তরে আকুল হৃদয়—
 যার লাগি 'সহি' আলা ভীত অতিশয়—
 তারে ভালবাসি বোলে, তারি লাগি কাঁদি বোলে,

তারি লাগি সহি বোলে এতেক বাতনা—
 সেই মোরে ঘুণা কোরে ভাল বাসিবেনা !
 তাই হোক—তাঁই হোক—ভাণা, তাই হোক,
 ভাগ্য কাছ হোন্তে সব দূরে রোক !
 বাই বাই ভেসে যাই—যা হবার হবে তাই—
 কে আছে আমার তরে করিবারে শোক ?

ললিতার প্রবেশ ।

এই যে, এই যে হেথা, ললিতা আমার,
 আয়, আয়, মুখখানি দেখি একবার !
 আসিবি কি ফিরে যাবি, তাই যেন ভাবি ভাবি
 অতি ধীর মৃদুগতি সঙ্কোচে তোমাব,—
 আয় বৃকে ছুটে আয় ভাবিস্নে আয় !
 কেনলো ললিতা রাগি, বিষন্ন ও মুখখানি ?
 কেনলো অধরে নাই হাসির আভাস ?
 নখন এ মুখে কেন চাহিতে চাহেনা যেন,
 কি কথা রোয়েছে মনে, বলিতে না চাস !
 অপরাধ কোবেছি কি প্রেমসী আমার ?
 বল্লো কি শাস্তি মোরে দিতে চাস তাব !
 'দা' দিব তাহাই সব,' মাথায় পাতিয়া লব,'
 তাহে যদি প্রায়শ্চিত্ত হয়লো তাহার !
 সজনি, জানিস্ হা রে ভাল তু বাসিস্ যারে
 মন তার অতি নীচ, অতি অন্ধকার !
 অপরাধ করিবে সে, আশ্চর্য্য কি তার ?

সখিলো, মার্জনা তুই করিস্নে তারে,
 চিরকাল ঘৃণা কব্ হৃদয় মাঝাবে ;
 সখি, তুই কেন ভাল বাসিলি অন্মায় ?
 তাই ভেবে দিবানিশি মবি ষাতনায় ;
 কেন সখি, হুজনেব দেখা হোল আমাদের,
 দারুণ মিলন' হেন কেন হোল হায় ?
 জানি যে বে এ হৃদয়, দারুণ'কলঙ্কময় !
 কি বোলে দিব এ জুদি চরণে তোমার !
 চরণে ফেললো দলি হেন উপহার ।
 সতত সরমে বঁধি লুকাতে চাহি এ জুদি,
 এ হৃদে বাসিলে ভাল মবে যাই লাজে,
 হেন নীচ হৃদয়েবে ভাল বাসা সাজে !
 ভাল আমি বাসি তোবে—চিরকাল বাসিবরে,
 তবু চাহিনাকো আমি তোর ভালবাসা,
 লোয়ে তোব নিজ মন স্তখে থাক্ অমুগ্ধ,
 হেন নীচ হৃদয়েগ বাথিসনে আশা !
 বল্লো কিসেব বাথা পেয়েছিস্ মনে ?
 থাক্, থাক্, কাজ নেই—থাক্ তা গোপনে—
 হোয়েছেত যা হবাব বোলে তা কি হবে আব !
 হয ত আমিই কিছু কবিশাছি দোষ !
 কাজ কি শেকথা তুলে, সে সব যা' না লো ভুলে,
 একবাব কাছে, আয এই থেনে বাস্ !
 আধেক অধর-ভবা দেখি সেই হাসি,
 চাললো তুষিত নেত্রে সুধা রাশি রাশি,

সখি মুখ তুলে চা'ণো একটি কথা ক' না লো !
 ললিতা রে, মোন হয়ে থাকিন্বে আর,
 একবার দয়া কোরে কর্ তিরস্কার !
 সন্ধ্যা হোয়ে আনিয়াছে গেল দিনমান,
 একটি রাখিবি কথা ? গাহিবি কি গান ?

ললিতার গান ।

স্বখেছি বুঝেছি সখা, ভেঙ্গেছে প্রণয়,
 ও মিছা আঁদব তবে না করিলে নয় ?
 ও শুধু বাড়ায় ব্যথা, সে সব পুবাণো কথা
 মনে কোরে দেয় শুধু, ভাঙ্গে এ হৃদয় ।
 প্রতি হাসি প্রতি কথা প্রতি ব্যবহার
 আমি যত বুঝি তব কে বুঝিবে আর ।
 প্রেম যদি ভুলে থাক,' সত্য ক'রে বলনাক্ত,
 করিব না মুহূর্ত্তব তবে তিবন্ধাব ।
 আমি ত বোলেই ছিনু ক্ষুদ্র আমি নারী,
 তৌমার ও 'প্রণয়ের নহি অপিকাবী ।
 আর কারে ভালবেসে স্থখী যদি হও শেষে
 তাই ভাল বেসো নাথ, না করি বারণ ।
 মনে কোরে মোএ কথা মিছে পেয়োনা কো ব্যথা,
 পুবাণো প্রেমের কথা কোঁর' না স্মরণ ।

অনিল (স্বগত)—কি ! শেষে এই হোল, এই হোল হার !

কি করেছি যার লাগি ও গান সে গায় ?

তবে সে সন্দেহ করে প্রণয়ে আমার ।
 বিশ্বাস নাইক' তবে মোর পরে আর ।
 বিশ্বাস নাইক তবে ? তাই হবে, তাই হবে—
 এত কোবে এই তার হোল পুঙ্খার ।
 সন্দেহ করিবে কেন ? কি আমি কোরেছি হেন !
 সন্দেহ করিতে তার কোন্ অধিকার ?
 আমি কি রে দিন রাত রহিনি তাহারি সাধ ?
 সন্তত করিনি তাবে আদব যতন ?
 বার বার তাবে কিরে শুধাইনি ফিরে ফিরে
 শূহুর্তের তরে হেবি বিষন্ন আনন ?
 একটি কথার তবে কতনা শুধাই তারে—
 একটি হেরিতে হাসি বজনী পোহাই ।
 তাই কি রে এই হোল ? শেষে কি রে এই হোল ?
 ভাইতে সংশয় এত ? অবিশ্বাস তাই ?
 কলনায় অকাবণে সে যদি কি করে মমে,
 আমি কেন তার লাগি সব' তিরস্কার ?
 তবে কি সে মনে করে ভাল বাসিনাকা তারে !
 সকলি কপট তবে প্রণয় আমার ?
 না হয় ভাল না বাসি, দোষ তাহে কার ?
 কখনো সে কাছে এসে কবেছে আদর ?
 কখনো সে মুছিয়েছে অশ্রুবারি মোর ?
 আমি তারে যত্ন যত করেছি সন্তত
 বিনিময় আমি ঠাব পেয়েছি কি তত ?
 করেছিত আমার যা' ছিল করিবার ;

সহিতে হয়নি কভু অনাদর তার !
তবু সে কি করে আশা ! হৃদয়ের ভালবাসা ?
আদরেই ভালবাসা বাহিরে প্রকাশ,
তবু সে করিবে কেন মোরে অবিশ্বাস ?

(প্রস্থান ।)

ললিতা ।—আর কেন অমুগ্ধ রহি তার পাশে
নিতান্তই যদি মোরে ভাল নাহি বাসে ?
বিরক্তিতে ওষ্ঠ তার কাঁপিতেছে বার বার
ভবুও ললিতা তার পাশে পোড়ে আছে ।
সবু তার তেয়াগিয়া আছেন বিরলে গিয়া
সেথাও ললিতা ছুটে গেছে তাঁর কাছে ।
এই মুখে হাসি ছিল তারে দেখি মিলাইল,
তবু সে বোয়েছে বসি পদতলে তাঁর ।
যেখানেই তিনি যান সেথাই দেখিতে পান
এই এক পুরাতন মুখ ললিতার !
প্রহ্লাদ আগারে বসি—সেথা এই মুখ !
বিরলে ভাবনা মগ্ন—সেথা এই মুখ ।
বিজনে বিষাদ ভরে নয়নে সলিল ববে,
সেথাও সমুখে আছে এই—এই মুখ !
কি আছে এ মুখে তোর ললিতা অভাগী ?
ওই মুখ—ওই মুখ—দিবানিশি ওই মুখ
যেথা যান সেথা লোরে যাস্নরে কি লাগি ?
ছিহু ওই পদতলে প'ড়ে দিন রাত—

কয়েছি পথ-রোধ, দিয়েছে তাহার শোধ
 ভালই কোরেছ সখা কবেছ আঘাত !
 মনে কোরেছিহু, সখা, প্রণয় আমার
 ফুলময় পথ হবে, তোমাৰে বুকেতে লবে,
 চরণে কঠিন মাটি বাজিবে না আর !
 কিন্তু যদি ও পদেব কাঁটা হোয়ে থাকি
 এখনিই তুলে ফেল, এখনিই দোলে ফেল,
 এমন পথেব বাধা কি হবে গো রাখি ?
 আশ্র হোতে দিবানিশি এব'নাকো কাছে ?
 নিতান্তই ফাটে বুক, অশ্রুবারি আছে—
 বিজনে কাঁদিতে পারি—একেলা ভাবিতে পারি—
 আর কি কবিগো আশা ? হবে যা' হবার,
 না ডাকিলে কাছে কভু বাবেনাকো আর ।
 এক দিন, দুই দিন, চোলে যাবে কত দিন,
 তবু যদি ললিতাবে না পান দেখিতে—
 যে ললিতা দিন রাত রহিত গো সাথে সাথ,
 সতত রাখিত তাঁরে আঁখিতে আঁখিতে,
 বহু দিন যদি তাবে না দেখেন আঁখি
 শুবু কি তাহারে মনে পড়েনাকো তাঁর ?
 ভাবেন কি একবার—“তাবে যে দেখিনা আর ?
 ললিতা কোথায় গেল ? কোথায় সে আছে ?”
 হয়ত গো একবার ডাকিবেন কাছে ;
 দেখিবেন ললিতার মুখে হাসি নাই আর,
 কেঁদে কেঁদে আঁখি গেছে জ্যোতিহীন হোয়ে ;

একবার তবু কঁরে আদব করেন মোরে
 অতি শীর্ণ মুখ মোর বৃকে তুলে লোয়ে ?
 তখন কাঁদিয়া কব পা ছুথানি ধোবে
 “বড কষ্ট পেয়েছিগো, আর সখা সহেনাকো।
 মাঝে মাঝে একবার দেখা দিও মোরে।”

বিংশ সর্গ ।



নলিনী ।

গান ।

সখিলো, শোন্ লো তোকা শোন,
আমি যে পেয়েছি এক মন ।
সুখ দুঃখ হাসি অশ্রুধার,
সমস্ত আমার কাছে তার ;
পেয়েছি পেয়েছি আমি সখি
একটি সমগ্র মন প্রাণ ;
লাজ ভয় কিছু নাই তার
নাই তাব মান, অতিমান ।
রয়েছে তা' আমারি মুঠিতে,
সাধ গেলে পারি তা' টুটিতে,
যা' ইচ্ছা করিতে পারি তাই,
সাধ গেলে হাসাই কঁাদাই,
সাধ গেলে ফেলে তা'রে দিই,
সাধ গেলে তুলে তা'রে রাখি,
ইচ্ছা হয় তা'ড়াইতে পারি,
ইচ্ছা হয় কাছে তা'রে ডাকি !

জানে না সে রোষ করিবারে,
 কিরে যেতে নাহি পারে আর,
 শুধু জানে হাসিতে কঁাদিতে,
 আর কিছু সাধ্য নাই তার !
 সখিলো এমন মন এক
 পেয়েছি—পেয়েছি তোরা দেখ !
 আমি কতু চাইছি এ মন
 ইহাতে মার কি প্রয়োজন ?
 পথক সে, পথে যেতে যেতে
 দেখা হ'ল চোখেতে চোখেতে,
 মনখানা হাতে ক'রে নিয়ে
 আপনি সে রেখে গেল পার,
 চোলে গেল দূব দূবাস্তরে
 মন পোড়ে রহিল ধূলায় !
 ছদগু চাহিয়া দেখলাম,
 ভাবিলু “মোব কি প্রয়োজন ।”
 অঁধি ছুটি লইলু তুলিয়া,
 দূরে যেতে ফিরাই বদন !
 অমনি সে সুপূর্বের মত
 চরণ ধরিল ভড়াইয়া,
 সাথে সাথে এল সারা পথ
 কণু ঝুঝু কঁাদি । কঁাদিয়া ।
 সখি আমি, শুধু তৈ তোদের
 সত্য কোরে নে রে বল দেখি,

পায়ে স্বর্ণ ভূষণের চেয়ে
 হৃদয়ের সুপূর শোভে কি ?
 কি করিব বল্ দেখি, তাহা
 আপনি সে গেল যদি রেখে !
 অমিত চাই নি তারে ডেকে !
 আমারেই দিলে কেন আসি
 রূপসীত ছিল রশ্মি রাশি !
 সুহাসি কমলা ছিল না কি ?
 শুনেছি মধুর তার অঁথি !
 বিনোদিনী ছিল ত সেথায়
 রূপ তার ধরে না ধরায় !
 তবে কেন মন খানি তার
 আমারে সে দিল উপহার ?
 দেব কি ইঁহারে দূরে ফেলে,
 অথবা রাখিব কাছে কোবে,
 তাই ভাবিতেছি মনে মনে
 কি করিব, বল্ তাহা মোরে !

একবিংশ সর্গ ।



অনিল ।

কেমন ? এখন তোর ঘুচেছে ত ভ্রম ?
ভেঙ্গে দিলি হাল তুই, তুলে দিলি পাল তুই,
কবিলি প্রবৃত্তি-স্রোতে অশ্রু-বিসর্জন,
ভেবেছিলি যাবি ভেসে কোন ফুলমর দেশে
চাঁদের চুম্বনে যেথা ঘুমায়ে গোলাপ
সুখের স্বপনে কহে সুবভি প্রলাপ !
কিস্তরে ভাঙ্গিলি তবি কঠিন শৈলের পরি,
কিছুতেই পারিলিনে সামালিতে আর ।
এখন কি ক'ববিবে ভাব একবার !
ভগ্নকাষ্ঠ বৃকে ধবি, উন্মত্ত সাগর পরি
উলটিয়া পালুটিয়া যাবি ভেসে ভেসে ;
নাই দ্বীপ, নাই তীর, উন্মত্ত জলধির
ফেন-জটা উর্শি যত নাচে অট্ট হেসে ।
কেমন ? এখন তোব ঘুচেছে ত ভ্রম ?
এই ত নলিনী তোব ? প্রাণের দেবতা তোর ?
ছিঁছিরে কোথায় গিয়ে ঢাকিবি সরস ?
নীচ হোতে নীচ অতি—হীন হোতে হীন—
পথের ধুলার চেয়ে অসার মলিন,

এই এক ধূলি-মুষ্টি কিনিয়া রাখিতে
 সমস্ত জগৎ তোমার চেরেছিলি দিতে !
 রাজ পথে মনের দোকান খুলিয়াছে—
 রঙ্গ মাখাইয়া কত খুঁটা মন শত শত
 সাজাইয়া রেখেছে সে ছন্নরের কাছে,
 যে কোন পথিক আসে ডাকি তারে লয় পাশে,
 ছদ্মের ব্যবসায় করে সে রমণী—
 আমরাও প্রতারণা কোরেছে এমনি !
 যে মন কিনিয়াছিলু কিছুই সে নয়,
 রঙ্গ-করা ছটা হাসি ছটা কথা-ময় !
 প্রতি পিপাসিত আঁখি যে হাসি লুটিছে,
 প্রতি শব্দের কাছে যে কথা ফুটিছে,
 যে হাসির নাই বাস, নাই অন্তঃপূর,
 চরণে যে বেঁধে রাখে মূৰ্ব্ব হুপূর,
 যে হাসি দিবস রাত্তি ভিষ্কার অঞ্জলি পাতি
 প্রতি পথিকেব কাছে নাচিয়া বেড়ায়,
 অনিলরে ! তারি তবে কৈদেছিল হায় !
 যে কথা, পথের ধায়ে পড়িব মতন,
 জড়াইয়া ধবে প্রতি পাছেব চরণ,
 সেই একটি কথা তরে হৃদয় আমার,
 দিবানিশি ছিনি পোড় ছন্নারে তাহার !
 হৃদয়ের হত্যা করা দাব ব্যবসায়
 সেই মহা পাপিষ্ঠার ভণনা কোথায় ?
 শরীর ত কিছু নয়, সে ন শুধু ধূলা—

ধূলির মুষ্টির সাথে হয় তার তুলা,
 সমস্ত জগৎ তুল্য হৃদয়ের পাশে
 সাধ কোরে হেন হৃদি যেজন বিনাশে—
 তোর মাথা পরশিল তাহারি চরণ !
 তারেই দেবতা বোলে করিলি বরণ !
 তারি পদতলে তুই সঁপিলি হৃদয়—
 তোর হৃদি—যার কাছে কিছুই সে নয় !
 শতক সহস্র হেন নলিনী আনুক কেন
 মনের পথের তোর ধূলিও না হয় !
 বিধাতা, এ সৃষ্টি তব সব বিড়ম্বনা,
 সত্য বোলে মাহা কিছু পরশিতে গেছি পিছু
 ছুঁয়েছি যেমনি আর কিছুই রহেনা !
 হৃদে হৃদে ভালবাসা কোরেছ সঞ্চার
 অথচ দাওনি লোক ভাল বাসিবার !
 সমস্ত সংসার এই খুঁজিয়া দেখিলে
 দুটি হৃদি এক রূপ কেন নাহি মিলে ?
 ওই যে ললিতা হেথা আসিছে আবার !
 কোরেছে সমস্ত মুখ বিষন্ন আঁধার !
 কেন ? তার হোয়েছে কি ভেবেত না পাই
 যা' লাগি বিষন্ন হোয়ে রোয়েছে সদাই !
 চায় কি সে দিন রাত্রি নুকু তারে রাখি,
 অবাক মুখেতে তার তাকাইয়া থাকি ?
 দিবানিশি বলি তারে শত শত বার
 "ভাল বাসি—ভাল বাসি প্রেয়সী আমার !"

তবেই কি মুখ তার হইবে উজ্জল ?
 তবেই মুহূর্ত্তে তার নয়নের জল ?
 এত ভাল কত জন ঝাঁপে এ ধর্য্যুর ?
 নিঃশব্দে সংসার তবু চোলে কি না বাজ ?
 ধরে ধরে অশ্রুবারি ঝরিত নহিলে,
 জগৎ ভাসিয়া যেত নয়ন সলিলে !
 দিনরাত অশ্রুবারি আর ত সহিতে নারি ;
 হ্রস্ব হোক—হেথা ছোঁতে লইব বিদায়,
 অন্তঃকরণ অত্যাচার সহ্য নাহি যায় !

(অনিলের প্রস্থান ।)

ললিতার প্রবেশ ।

ললিতা ।—এমনি ক'রেই তোর কাটিবে কি দিন ?

ললিতারে—আর ত সহেনা !

এ জীবন আর ত রহেনা !

বিধাতা, বিধাতা, তোর ধরিত্রে চরণ—

বল মোরে কবে মোর হইবে মরণ ?

নাইক স্নেহের আশা—চাইনাকো ভালবাসা—

সুখ সম্পদের আশা ছরাশা আমার,—

কপালে নাইক বাহা চাইনা তা আর !

এক ভিক্ষা মাগি ওরে—তাও কি দিবিনে মোরে ?

সে নহে স্নেহের ভিক্ষা—মরণ—মরণ !—

মরণ—মরণ দেও—আর কিছু চাহিনে

আর কোন আশা নাই—মরণ মরণ !—
 এখনি মুদিলে আঁখি যদিরে আর না থাকি,
 অমনি বায়ুর স্রোতে মিশাইয়া যাই—
 এখনি এখনি আশা হয় যদি তাই ।

অনিলের প্রবেশ ।

ললিতা ।—কোথা যাও, কোথা যাও, সখা তুমি কোথা যাও—
 একবার চেয়ে দেখ এই দিক পানে,
 কহি গো চরণ ধোরে—ফেলিয়া দেওনা মোরে
 আর ত যাতনা সখা সহেনা এ প্রাণে ।
 ভালবাসা চাইনা ত সখা গো তোমার,
 একটুকু দয়া শুধু কোরো একবার !
 একটুকু কোরো সখা মুখের যতন—
 মুহূর্তের তরে সখা দিও দরশন,
 নিতান্ত সহিতে নারি যবে পা দুখানি ধরি
 আঘাত করিয়া সখা ফেলিও না দূরে—
 এই টুকু দয়া শুধু কোরো তুমি মোরে !
 কোথা যাও বল বল, কোথা যাও চোলে !
 যেতেছি কি হেথা হ'তে আমি আছি বোলে ?
 গভীর রজনী এবে—যুগ্মতে মগন সবে
 বল সখা কোথা যাও চাও ক্রি করিতে ?
 অনিল ।—মরিতে ! মরিতে বালা ! যেতেছি মরিতে !
 ললিতা, বিধবা তুই আজ হোতে হলি,
 ফেল অনিলের আশা মন হোতে দলি !

আর তুই সাথে সাথে আসিস্ নে মোর,
 হেথা রহি যাহা ইচ্ছা করিস্ তোর !
 আবার—আবার !
 থাক্ ওই খেনে তুই এগোস্নে আর !
 শত শত বার ক'রে বলিতে কি হবে তোরে ?
 দাঁড়া হোথা, এক পদ আসিস্নে আর !
 আসিস্ নে, বলি তোরে বলি বার বার !
 শাস্তিতে মরিব যে রে তাও তুই দিবিনে রে !
 মরিতে যেতেছি, তবু রাহুর মতন
 পদে পদে সাথে সাথে করিবি গমন ?
 দাঁড়া হোথা, সাথে সাথে আসিস্নে আর,
 এই তোর পরে শেষ আদেশ আমার !

(অনিলের প্রস্থান ও ললিতার মূচ্ছিত হইয়া)

পতন ।)



দ্বাবিংশ সর্গ ।



(মলিনীর প্রতি বিনোদের গান ।)

তুই রে বসন্ত সমীরণ,
তোর নহে সুখের জীবন ।
কিবা দিবা কিবা রাত্রি, পরিমল মদে মাতি
কাননে করিস্ বিচরণ,
লহীরে আগায়ে দিস্, লতারে রাগায়ে দিস্
চুপি চুপি করিয়া চুখন !
তোর নহে সুখের জীবন ।
বেধা দিয়া তুই বাস্, পদতলে চারি পাশ
ফুলেরা খুলিয়া দেয় প্রাণ,
বুকের উপর দিয়া বাস্ তুই মাড়াইয়া
কিছু না করিস্ অবধান ।
অনিতে সুখের কথা আকুল হইয়া লভা
কত তোরে সাধাসাধি করে,
ছটা কথা অনিলি বা, ছটা কথা বলিলি বা,
চোলে বাস্ দূর দূরান্তরে !
পাখীরা খুলিয়া প্রাণ করে তোরে শুণ গান,
চারি দিকে উঠে প্রতিধ্বনি ;
বহুলের বালিকারা হইয়া আপনা-হারা
করি পড়ে সুখেতে অমনি !

তবুরে বসন্ত সমীরণ,
 তোর নহে স্নেহের জীবন!
 আছে যশ, আছে মান, আছে শত মন প্রাণ,
 শুধু এ সংসারে তোর নাই
 এক তিল দাঁড়বার ঠাই!
 তাইরে জোছনা রাতে অথবা বসন্ত প্রাতে
 গান্ধী যবে উল্লাসেব গান,
 সে রাগিনী মনোমাঝে বিষাদের সুরে বাজে,
 হাহাকার করে তাহে প্রাণ!
 শোন্ বলি বসন্তের বয়স,
 হৃদয়ের লতাকুঞ্জে আয়,
 শ্যামল বাহুব ডোরে বাঁধিয়া রাখিব তোরে
 ছোট মেই কুঞ্জটির ছায়!
 তুই সেথা র'স যদি, তবে সেথা নিরবধি
 মধুর বসন্ত জেগে রবে,
 প্রতি দিন শত শত নব নব ফুল যত
 ফুটিবেক, তোবি সব হবে।
 তোরি নাম ডাকি ডাকি একটি গাঁহিবে পাখী,
 বাহিরে যাবে না তার স্বর!
 সে কুঞ্জেতে অতি মৃদু মানিক ফুটাবে শুধু
 বাহিরের মধ্যাহ্নের কর।
 নিভৃত নিকুঞ্জ ছায় হেলিয়া ফুলের গায়,
 শুনিয়া পাখীর মৃদু গান,
 লতার হৃদয়ে হারা স্নেহে অচেতন পায়া

বুঝারে কাটায়ে দিবি প্রাণ ;
 তাই বলি বসন্তের বার
 স্বপ্নের লতাকুঞ্জে আর !
 অতৃপ্ত মনের আশি লুটিয়া অধের রাশ,
 কেনরে করিস্ হায় হায় !

ত্রয়োবিংশ সর্গ ।



কবি ।

মুবলা কোথায় ?

সে বালা কোথায় গেল ? কোথায় ? কোথায় ?

সন্ধ্যা হ'য়ে এল ওঠে, কিন্তুবে মুবলা কই ?

খুঁজে খুঁজে ভ্রমি তারে হেথায় হোথায় ?

সে মোর সন্ধ্যাব দীপ, কোথা গেল বল্ ।

একটি আঁধার ঘবে একাকী সে জ্বলিত রে

সন্ধ্যার দীপেষ মত বিষম উজ্জল ।

সন্ধ্যা হোলে ধীরে ধীরে আসিতাম ঘরে ফিরে

শাস্ত পদক্ষেপে অতি মৃদু গান গেয়ে,

সুদূর প্রান্তর হ'তে দেখিতাম চেয়ে—

মোর সে বিজন ঘরে শূণ্য ন্যাতায়ন পরে

একটি সন্ধ্যার দীপ আলো কোরে আছে,

আমারি—আমারি তরে পথ চেয়ে আছে—

আমারেই মেহ ভরে ডাকিতেছে কাছে ।

হা মুবলা, কোথা গেলি, মুবলা আমার ?

ওই দেখ্ ক্রমশই বাড়িছে আঁধার !

সমস্ত দিনের পরে কবি হোর এল ঘরে—

প্রশান্ত মুখানি কেন দেখিনা তোমার ?

ওইত দ্বারের কাছে দীপটি জ্বালানো আছে,
 আসন আমার ওই রেখেছি পুতে—
 আমি ভালবাসি খোলে বতনে আনিয়া তুলে
 রজনীগন্ধার মালা দিয়েছি গুণে !
 কিস্তরে দেখিনা কেন হোর মুখ খানি ?
 শত শত বাব ক'রে ভ্রমিতেছি ঘরে ঘরে—
 কোথাও বদিতে নারি—শাস্তি নাহি মানি !
 হু হু করি উঠিতেছে সন্ধ্যার বাতাস,
 প্রতি ঘরে ভ্রমিতেছে করি হাহতাশ !
 কাঁপে দীপ শিখা তাহে, নিভিয়া যাইতে চাহে,
 প্রাচীরে চমকি উঠে দ্বারের আঁধার !
 সে মুখ দেখিনে কেন ? সে স্বর শুনিতে কেন,
 প্রাণের ভিতবে কেন কবে হাহাকার ?
 জানি না হৃদয় থানা ফাটিয়া কেনরে
 আঁখি হ'তে শতদাবে অশ্রুবারি বারে ?
 কে যেন প্রাণের কাছে কি-জানি-কি বলিতেছে,
 কি জানি কি ভাবিতেছি ভাবিয়া না পাই !
 কোথা যাই—কোথা যাই—বল্ কোথা যাই !
 মুরলারে—মুরলা, কোথায় ?
 কোথায় গেলিবে বাল্য ? কোথায় ? কোথায় ?

চপলা ।—কবীর ।

চপলা ।—কবিরো, কোথাও কোথাও আমার ?

দ্বারের মনের দ্বারের দ্বারের দ্বারের দ্বারের

বুঝি চ'লে গেল তাই ফিরিবে না আর !
 বুঝি সে মুরলী মোর, সমস্ত হৃদয়
 তোমারে সঁপিরাছিল, আর কাছে নয়,
 বুঝিবা সে ভাল ক'রে গেলে না আদর,
 কাঁদিয়া চলিয়া গেল দূর দেশান্তর ।
 চল কবি, মুবলারে খুঁজিবারে যাই,
 আরেকটি বার যদি তার দেখা পাই,
 ভাল ক'রে তারে তুমি কবিও বচন,
 কবি গো কহিও তারে স্নেহে বচন ।
 করুণ মুগানি তার বৃকে তুলে নিও,
 অশ্রুজল ধাবা তার মুছাইয়া দিও !

চতুর্বিংশ সর্গ।



নলিনী ।

সে জন চলিয়া গেল কেন ?
কি আমি ক'বেছি বল্ হেন ।
সে মোরে দেছিল ভাল বাসা
আমি তারে দিয়েছিহু আশা ।
হেসেছি তাহার পানে চেরে,
ভূষেছি তাহারে গান গেয়ে !
এক সাথে ব'সেছি হেথার
তবে বল' আর কি সে চায় ?
চায় কি সঁপিব তারে প্রাণ,
করিব জগত মোর দান ?
মোর অশ্রুজল মোর হাসি,
আমার সমস্ত রূপ রাশি ?
কে তার হৃদয় চেয়েছিল ?
আপনি সে এনে দিয়েছিল ।
পাছে তার মন ব্যাধা 'পার,
অ'লে মরে প্রেম-উপেক্ষার,
দয়' ক'রে হেসেছিহু তাই,
তাই তার মুখ পানে চাই ।

ঘরা ক'রে গান গেয়েছিল,
ঘরা ক'রে কথা ক'রেছিল ।

একি তবে মন বিনিময় ?
হৃদয়ের বিসর্জন নয় ?

সখি, তোরা বল্ দেখি, সত্য চ'লে গেল সে কি ?
কিরায়ে কি লইল হৃদয় ?

এবার যদি সে আসে যাইব তাহার পাশে,
ভাল ক'রে কথা কব' হেসে
গান গাব তার কাছে এসে ?
এত দূরে গেছে তার মন,
গলাতে কি নারিব এখন ?

পঞ্চবিংশ সর্গ ।



মুবলা ।

ওই ধীবে সন্ধ্যা হয় হয় ।
গ্রামের কানন হ'ল অন্ধকার ময় ।
যতই ঘনায়ে আসে সন্ধ্যাব আঁধার—
কাদিয়া ওঠে গো কেন জদয় আমাব ?
দুঃখ যেন অতিশয় ধীবে ধীরে আসে
পা টিপিয়া পা টিপিয়া বসে মোর পাশে !
মরমেতে আঁধি বাথে, এক দৃষ্টে চেরে থাকে,
কি মন পড়িতে থাকে বৃকের উপবে ।
কেন গো এমন হয় প্রাণেব ভিতবে ?
সন্ধ্যাদীপ ঘবে ঘরে উঠিল জলিয়া—
বাহিবে যেদিকে চাই—কিছু না দেখিতে পাই—
আঁধাব বিশাল-কায়া আছে ঘুমাইয়া ।
ভিতবে কুঁড়ের বৃকে নিভতে মনের স্নেহে
ছোট ছোট আলো গুলি বয়েছে জাগিয়া !
আমাব আলয় নাই—ভাই নাই, বন্ধু নাই,
কেহ নাই এক তিল কথিবাবে স্নেহ,—
দিবস ফুবারে এলে মোর তরে কেহ
জ্বালায়ে রাখেনা কভু প্রদীপটি ঘরে—

পথ পানে চেয়ে কেহ নাই মোর তরে !
 দিবসেব শ্রমে ক্লান্ত—সন্ধ্যা হবে হয়
 কোথায় যে যাব—নাই স্নেহের আলয় !
 বিরাম বিশ্রাম নাই—আদর যতন নাই—
 পথ প্রান্তে ধূলি পরে করিগো শয়ন,
 চেয়ে দেখিবার লোক নাই এক জন !
 অন্ধকার শাখা মেলি শুধু বৃক্ষ যত
 কি কোরে যে চেয়ে থাকে অবাকের মত !
 তারকার স্নেহ-শূন্য লক্ষ লক্ষ আঁপি
 এক দৃষ্টে চেয়ে থাকে দূরাকাশে থাকি !
 স্নেহের অভাব মনে জেগে উঠে কেন ?
 আশ্রয়ের তবে মন ছছ করে যেন !
 এত লক্ষ লক্ষ আছে স্থতের কুটীর
 একটিও নহে ওর এই অভাগীর !
 সারাদিন নিরাশ্রয় ঘুরিয়া বেড়াই
 সন্ধ্যায় যে কোথা যাব তারো নাই ঠাই !
 কত শত দিন হল ছেড়েছি আলয়—
 আজো কেন ফিরে যেতে তবু সাধ হয় ?
 ঘুরে ঘুরে পথ-শ্রান্ত নাই দিগ্দিগ—
 আকাশ মাথার পরে চেয়ে অনিমিত্ত !
 লক্ষ্য নাই—আশা নাই—কিছু নাই চিতে
 এমন ক’দিন আর পারিব থাকিতে ?

আহা সে চপলা মোর, থাকিত সে কাছে।

হয়ত তাহার মনে ব্যথা লাগিয়াছে !
 আমি কোথা হতে এক আসিয়া আঁধার
 মলিন করিয়া দিহু হৃদয় তাহার ।
 সদাই সে থাকে আহা প্রমোদের ভরে
 মুহূর্ত সে মোর তরে কাদিবে কেনরে ?
 এতক্ষণে কবি মোর এসেছে ভবনে
 কে র'য়েছে তাঁব তবে বসি বাতায়নে ?
 পদশব্দ শুনি তাঁর ডরায় অমনি
 দিতেছে হৃদয় খুলি কৈগো সে রমণী !
 প্রতিদিন মালা গাঁথে দিতাম যেমন
 আজো কি তেমনি কেহ করে গো রচন ?
 হয়ত আলয় তাঁব র'বেছে আঁধার
 ভয়ত কেহই নাই বাতায়নে তাব ।
 হয়ত গো কবি মোব শ্রিষমান মন
 কেহ নাই যাব সাথে কথাটিও কন !
 হয়ত গো সুবলাব তবে মাঝে মাঝে
 করুণ হৃদয়ে তাঁর ব্যথা বড় বাজে ।
 হা নিষ্ঠুর সুবলারে—কেন ছেড়ে এলি তাঁরে
 নিতান্ত একেলা ফেলি কবিরে আমার,
 হয়ত বে তোর তবে প্রাণ কাদে তাঁব ।
 বড় স্বার্থপর তুই, নয় হৃৎখে তোর
 কাদিয়া কাটিয়া ছোত এ জীবন ভোব,
 তাই কি ফেলিয়া আসে কবিবে একেলা !
 ফিরে চল মুরলারে, চল এই বেলা !

হাঁ অভাগী, সন্ন্যাসিনী, আবার, আবার ?
 কোথা কবি ? কোন্ কবি ? কেগো সে তোমার ?
 মাঝে মাঝে দেখিস্নে এক স্বপ্ন মুছে !
 স্বপনের অশ্রুজল দ্বারা ফেল্ মুছে !
 জীবনের স্বপ্ন তোর ভাস্কিবে দ্বারায়—
 জীবনের দিন তোর ফুঁবায় ফুঁবায় !
 ওই দেখ্ মৃত্যু তোর সমুখে বসিয়া
 কঙ্কালের ক্রোড় তাব আছে প্রসারিয়া !
 সঙ্কল্প হোয়েছে তোর মরণের সাথে,—
 দেরে তোর হাত তাব অস্থির হাতে !
 এ সংসারে কেহ যদি তোরে ভালবাসে
 সে কেবল ওই মৃত্যু—ওইরে আকাশে !
 গুরুভার বক্তৃতা হিম-হস্তে তার
 আলিঙ্গন কোণেছ সে হৃদয় তোমার !
 হে মরণ ! প্রিয়তম—স্বামীগো—জীবন মন্দ,
 কবে আমাদের সেই সন্মিলন হবে ?
 জীবনের মৃত্যু শয্যা তেবাগিব কবে ?

ষড়বিংশ সর্গ।



নলিনী ।

আজ তার সাথে দেখা হ'ল,
মুখ ফিরাইয়া চ'লে গেল !
হা অদৃষ্ট, কাল মোরে হেবিয়া যে জন,
নলিনী নলিনী বলি হ'ত অচেতন,
নিমেষ ভুলিত অঁখি, পূরিত না আশ,
আমার সৌন্দর্য্য বাপি করিত যে গ্রাস,
মোর রাজ্য চবণের ধূলি হইবাব
হৃদয়ের একমাত্র সাধ ছিল যাব,
ধুলিতে যে পদচিহ্ন কবিত চূষন,
মুখ ফিরাইয়া আজ গেল সেই জন !
অঁখিব পিখাসা তাব, হৃদয়ের আশা তাব
নলিনীরে দেখে সেও ফিরালে নয়ন ।
পাশ দিয়া চ'লে গেল স্পর্ধিত-গমন !
বিশ্বাসঘাতক যদি কাল পুন আসে
নলিনী নলিনী বলি ফিরে পাশে পাশে,
ভালবাসা ভালবাসা করে দিন রাত,
তাহার পানে কি আর ফিরে চাই একবার !
করিনা কি বজ্র সম কটাক্ষ নিপাত !

হাসির ছুরিকা দিবে বিধি তার মন
 লাকণ ঘৃণার বিবে করি অচেতন !
 ভিত্তারী বালক সেই, দিবস রজত্বী যেই
 একটি হাসির তরে ছিল মুখ চেয়ে
 একটি ইঙ্গিত পেলে আসিত যে ধৈর্যে,
 আজ মোরে—নলিনীরে—হেরি সেই জন
 চ'লে গেল একে বাবে ফিবায়ে নয়ন !
 যেন আজ আমিহে নলিনী নই আর,
 কাল যাহা ছিল আজ কিছু নাই তার !
 এ হৃদে আঘাত দিবে মনে করে সে কি !
 সে যদি ফিরে না চায়, সে যদি চলিয়া যার,
 তাহা হ'লে নলিনী এ কৈদে মরিবে কি !
 এই যে উড়াই ধূলা চরণের ঝাঝ
 বায়ুভরে এওত পশ্চাতে চ'লে যাব,
 তাই নলিনীর আঁখি অশ্রু বরষিবে নাকি !
 হা কপাল, এও সে কি ছিল মনে ক'রে,
 কথা না কহিয়া সেও ব্যথা দিবে মোরে !
 এ যে হাসিবাব কথা, সেও মোবে দিবে ব্যথা,
 কাল যাবে নিতান্ত ক'রেছি অবহেলা,
 ক্লপা ক'বে দেখিতাম যার প্রেম খেলা,
 সেও আজ ভ্রাবিয়াছে ব্যথিবে এ মন
 শুধু কথা না কহিয়া, ফিবায়ে নয়ন !

সপ্তবিংশ সর্গ ।



কবি ।

মুরলারে—মুঝলা, কোথায় ?
দেশে দেশে ভ্রমিতেছি কোথায়—কোথায় ?
সম্মুখে বিশাল মাঠ ধুধু করিতেছে,
সে মাঠেতে অন্ধকার—বিস্তারিয়া বাহু তাব—
ভূমিতে রাখিয়া মুখ কেঁদে মবিতেছে !
কোথা তুই—কোথা মুরলারে—
কোথা তুই গেলি বল—শুধাইব কারে ?
উদিল সন্ধ্যার তাবা ওইরে গগনে !
ওই তারা কত দিন দেখেছি ছুজনে !
তা'কি তোর মুঝলারে মনে আব পড়েনারে ?
সে সকল কথা তুই ভুলিলি কেমনে ?
কত দিন—কত কথা—কত সে ঘটনা—
মনের ভিতরে কি রে আকুলি ওঠেনা ?
তবে তুই কি পাষাণে বেঁধেছিলি হিয়া ?
কেমনে কবিরে তোর গেলি তেয়াগিয়া ?
বিজুন আকাশে মোর ছিলিয়ে সতত
স্থির-জ্যোতি ওই সন্ধ্যা তারাটির মত ;—
যদিরে মুহূর্ত্ত তরে আপনারে ভুলে

মেঘ খণ্ড রেখে থাকি এহুদয়ে তুলে
 তাই কিরে অভিমানে অন্ত যেতে হয় ?
 এ জনমে আর কিরে হবিনে উদ্ধার ?
 আজ আমি লক্ষ্যহীন দিক্ হারাইয়া !
 অসীম সংসারে কোথা বেড়াই ভাসিয়া !
 দেবিতে যে পাবনাক' তোর একেবারে—
 সে কথা পারিনে কভু মনে করিবারে !
 শব্দ কোন শুনিলেই আপনারে ছলি—
 মুদিয়া নয়ন দুটি মনে মনে বলি—
 “যদি এই শব্দ তারি পদশব্দ হয় !
 যদি খুলিলেই অঁখি—অমনি তাহাবে দেখি !
 স্তম্ভে সে মুখ আসি হয় বে উদয় !”
 কোথায় মুবলা ! দেখা দেরে একবার,
 খুঁজিয়া বেড়াতে হবে কত দূর আর ?
 মুরলারে—মুবলা কোথায় !
 একেলা ফেলিয়া মোবে গেলিরে কোথায় !

অষ্টবিংশ সর্গ।



নলিনী ।

ভাল' ক'রে সাজারে দে মোরে ।
বুঝি রূপ পড়িতেছে ঝোরে !
করিতে করিতে খেলা, জীবনের সন্ধ্যাবেলা
বুঝি আসে তিল তিল কোরে !
বড় ভয় হয় প্রতিক্ষণ
নলিনী হ'তেছে পুরাতন,
একে একে সবে তারে তেয়াগি যেতেছে হা রে,
কেন সখি, হ'তেছে এমন !
ভুলে যে আমার কাছে আসে
তখনি ত যাই তাঁর পাশে,
দ্বিগুণ আদরে ডাকি, হাসি, গাই, কাছে থাকি,
তবুও কেন লো থাকেনা সে !
ছিল ত আমার রূপ রাশ
একেবারে পেলেন কি বিনাশ ?
সংসারে কেবলি তবে , রূপের কাঙাল সবে ?
কচি মুখানির সবু দাস ?
ভালবাসা ব'লে কিছু নাই ?
স্বার্থপর পুরুষ সবাই ?

চির আত্ম-বিসর্জন করে যে ভকত মন
হেন মন কোথা সধি পাই ?
মুখেরি রাজত্ব যদি ভবে ১
এ সুখ সাজায়ে দেলো তবে !

উনত্রিংশ সর্গ ।



ললিতা ।

সংসারের পথে পথে মণিচিকা অব্ধেষিয়া
জমিয়া হয়েছি ক্লান্ত 'নদাকণ কোলাহলে—
তাই বলি একব'ব অ'মাঝে ঘুমাতে দাও—
শীতল করি এ সন্দি বিধামেব স্নিগ্ধ জলে !
শ্রান্ত এ জীবনে মো'ব আশুক নিশীথ কাল,
বিস্মৃতি-আধাবে ডু'ব ভুলি সব দুখ জালা ;
নিঃস্বপ্ন নিদ্রাব কোলে ঘুমাতে গিয়াছে সাধ,
মিশাতে মহা সমুদ্র তীব্রনের স্রোত মালা !
শরীর অবশ আঁত—নয়ন মুদিয়া আসে,
মৃত্যুর দ্বারের কাছে বসিয়া সন্ধ্যার বেলা,
চোদিতক সংসার পানে মাঝে মাঝে চেয়ে দেখি—
আধ স্বপ্নে আধ' জেগে দেখি গো মায়া'র খেলা !
কত শত লোক আছে—কেহ কঁাদে—কেহ হাসে—
কেহ ঘৃণা করে, কেহ প্রাণপণে ভালবাসে,
একটি কথার তরে কেহবা কঁাদিয়া মরে—
একটি চাহনি তরে চেয়ে আছে কত মাস—
একটি হাসির ঘায়ে কেহবা কঁাদিয়া উঠে,
একটি ছেরিয়া অশ্রু কারো মুখে ফুটে হাস !

কেহ বসে, কেহ ওঠে—কেহ থাকে, কেহ যায়—
 জীবনের খেলা দেখি মরণের দ্বারে শুয়ে—
 হাসি নাই, অশ্রু নাই—সুখ নাই, দুঃখ নাই
 হাসি অশ্রু সুখ দুঃখ দেখিতেছি চেয়ে চেয়ে ।
 শুধু শ্রান্তি—শুধু শ্রান্তি—আর কিছু—কিছু নহে,
 নহে তৃষা—নহে শোক—নহে ঘৃণা, ভালবাসা,
 দারুণ শ্রান্তির পরে আসে, যে দারুণ ঘুম
 সেই ঘুম ঘুমাইব—আর কোন নাই আশা !

ত্রিংশ সর্গ।



নলিনী ।

বড় সাধ গেছে মনে ভাল বাসিবারে,
সখি তোরা বল্ দেখি, ভালবাসি কারে ?
বসন্তে নিকুঞ্জ বনে, বেষ্টিত সহস্র মনে
নলিনী প্রাণের খেলা শুধু খেলিয়াছে,
খেলা ছাড়া সত্যকার জীবন কি আছে ?
সে জীবন দেখিবারে বড় সাধ গেছে !
মনেতে মিশায় মন সচেতনে অচেতন,
জগত হইয়া আসে মৃদু ছায়ায়,
ছুটি মন চেরে থাকে দৌছে দৌহা ঢেকে রাখে,
সজনি লো, সে বড় স্নেহের মনে হয় !
সে স্নেহ কি পাই যদি ভালবাসি কারে ?
বড় সাধ যায় সখি ভাল বাসিবারে !
এত যে হৃদয় আছে, ভ্রমে নলিনীর কাছে,
নলিনীর নহে কিগো একটিও তার ?
যদি কারো দ্বারে যাই, কাঁদিয়া আশ্রয় চাই,
কেহই কি খুলিবে না হৃদয়ের দ্বার ।
হৃদয়ের দুয়ারের বাহিরে বসিয়া
খেলেছি মনের খেলা সকলে মিলিয়া,

সিংহাসন নিরমিত' আমারে বসায়ের দিত'
 পদতলে ফুল তুলে দিত সবে আনি,
 গরবে উন্নত-হিয়া, আর্পনারে ক্লিরিয়া,
 ভাবিতাম আমি বুঝি হৃদয়ের রাণী ?
 চারিদিকে আমার হৃদয়-রাজধানী !
 দিবস সায়াহ্ন হ'ল, বসন্ত ফুরায়,
 খেলাবার দিন যবে অবসান-প্রায়,
 মাথায় পড়িল বাজ, সহসা দেখিছু আজ,
 আমি কেহ নই, শুধু খেলার রাণী,
 বালুকার পরে গড়া খেলা-রাজধানী !
 নিতান্ত ভিখারী আজি, দীনহীন বেশে সাজি
 ছায়ায় ছায়ায় ভ্রমি আশ্রয়ের তরে,
 সবাই ফিরায় মুখ উপেক্ষার ভরে ।
 খেলা যবে ফুরাইল কে কোথায় চ'লে গেল,
 তাই বড় সাধ যায় ভাল বাসিবারে ।
 সখি তোরাঃ বল্ দেখি, ভাল বাসি কারে ?

একত্রিংশ সর্গ ।



অনিল ও কবি ।

অনিল ।—একবার এস তুমি—চলগো হোথা
দেখে যাও কি হৃদয় দোলেছ ছু'পার ।
যখন কোরক সবে—থোলে নাই আঁখি,
তখন হৃদয়ে তার বসিয়া একাকী—
দিনবাত—দিনরাত বিষদন্ত বিধি,
—আহা সেই স্নকুমার কিশলয় হৃদি—
বিন্দু বিন্দু রক্ত তার করেছ শোষণ ;
কথাটি সে বলে নাই—মুখটি সে তুলে নাই
হৃদয়-বার্তারে হৃদে দিয়েছে আসন !
আজ সে যৌবনে যবে খুলিল নয়ন—
দেখিল হৃদয়ে তার নাই রক্ত-লেশ
যৌবনের পরিমল হয়েছে নিঃশেষ—
কথাটি সে বলিল না—মুখটি সে তুলিল না
জ্বল মাথাটি আহা পড়িল গো হুয়ে
মাটিতে মিশাবে কবে, চেয়ে আছে ভুঁয়ে !
এস তবে বিষকীট, দেখ'সে আসিয়া
—হলাহলময় হাসি মরিঙ হাসিয়া—

একটু একটু করি কি কোরে যেতেছে মরি
 একটি একটি দল পড়িছে খসিয়া !
 বিষাক্ত নিশ্বাসে তব বিষাক্ত চুষ্মনে
 কি রোগ পশিল তার অকোমল মনে ?
 তার চেয়ে কেন তীব্র অশনি আসিয়া
 দারুণ চুষ্মনে তারে ফেলেনি নাশিয়া,
 দণ্ডে দণ্ডে পলে পলে অরি অরি হলাহলে
 মর্মে মর্মে শিরে শিরে হতনা দহিতে,
 মনের ব্যথার পরে দংশন সহিতে !
 মুহূর্তের আলঙ্গনে মরিত—ফুরাত—
 মুহূর্ত জলিয়া শেষে সকল জুড়াত !”
 যে কৌশলে ধীরে ধীরে ক্ষম্যের শিরে শিরে
 দারুণ মৃত্যুর রস করেছ সঞ্চার—
 সে কৌশল সফল যে হয়েছে তোমার ।—
 তাই একবার এস—দেখ’সে তুরায়
 কেমন করিয়া স্তার জীবন ফুরায় !
 নিদারুণ বিষ তব ফলে কি করিয়া,,
 অরিয়া মরিতে হলে মরে কি করিয়া !
 সে বালা, আসন্ন তার দেখিয়া মরণ,
 কাঁদিয়া তোমারি কাছে করেছে প্রেরণ !
 এখনো চাওগো যদি—শেষ রক্তে তার
 দিবে গো সে প্রাকালিয়া চরণ তোমার !
 নিতান্ত দুর্বল বৃকে করিবে ধারণ
 ওই তব নিরলস কঠিন চরণ !

রক্তব্রত পদতলে বুক কাটি গিয়া,
 নিতান্ত মরিবে বালা কথা না কহিয়া !
 তবে এস, তার কাছে এস একবার
 আরম্ভ করিলে বাহা শেষ দেখ তার !

দ্বাত্রিংশ সর্গ ।



নলিনী ।

আজ আমি নিতান্ত একাকী,

কেহ নাই, কেহ নাই হয় !

শৃঙ্গ বাতায়নে বসি পথ পানে চেয়ে থাকি,

সকলেই গৃহ মুখে চ'লে যায়—চ'লে যায় !

নলিনীর কেহ নাই হয় !

পূবাণো প্রণয়ী সাথে চোখে চোখে দেখা হ'লে,

সরমে আকুল হ'য়ে তাড়াতাড়ি যায় চোলে !

প্রণয়ের স্মৃতি শুধু অনুতাপ রূপে জাগে,

ভুলিবারে চাহে যেন ভাল যে বাসিত জাগে ।

বিবাহ কবেছে তারা, স্মৃথেতে রয়েছে কিবা,

ভাই বন্ধু মিলি সব কাটাইছে নিশি দিবা ।

সকলেই স্মৃথে আছে যে দিকে ফিরিয়া চাই,

আমি শুধু করিতেছি কেহ নাই—কেহ নাই ।

তাদের প্রেমসী যদি মোরে দেখিবারে পায়,

হাসিয়া লুকান' হাসি মোর মুখ পানে চায়,

অবাক হইয়া তারা ভাবে কত মনে মনে,

“এই কি নলিনী সেই—মুখে যার হাসি নেই,

বিষাদ-আঁধার জাগে জ্যোতিহীন ছনয়নে !

এই কি নাথের মন হ'রেছিল একবারে !
 কিছুতে সে কথা যেন বিশ্বাস করিতে নারে !
 হয়ত সে অভিমানে তুলিয়া পুরাণো কথা,
 নাথের হৃদয়ে তার দিতে চায় মনোবাথা ।
 অমনি সে সসঙ্কোচে যেন অপরাধী মত,
 মরমে মরিয়া গিয়া বুঝাইতে চায় কত !
 সেদিন খেলিতেছিল নীরদের ছেলে দুটি,
 কচি মুখে 'আধ' 'আধ' কথা পড়িতেছে কুটি,
 অযতনে কপালেতে পড়ে আছে চুল গুলি,
 চুপি চুপি কাছে গিয়ে কোলেতে লইল তুলি ।
 বৃকেতে ধরিল চাপি, হৃদয় ফাটিয়া গিয়া
 পড়িতে লাগিল অশ্রু দর দর বিগলিয়া,
 ডাগর নয়ন তুলি মুখ পান চেয়ে চেয়ে,
 কিছুখণ পরে তারা চলিয়া গেল গো ধৈর্যে !
 আজ মোর কেহ নাই হার,
 সকলেরি গৃহ আছে; গৃহ মুখে চ'লে যায়—
 নলিনীর কিছু নাই হার !

ত্রয়স্বিংশ সর্গ ।



পর্ণ শয়্যার শয়ান মুরলা ; চপলা ।

চপলা ।—কি করিয়া এত তুই হলিরে নিষ্ঠুর,
ললিতা সে, এত ভাল বাসিতিস্ যাবে,
কি কবিয়া ফেলি তারে যাবি দূর—দূর—
এতদিনকার প্রেম ছিঁড়ি একেবাবে !
কবি তোরে এত ভাল বাসে যে মুবলে,
তা'রেও কি তুই, সখি, ফেলে যাবি চ'লে ?

কবি ও' অনিলের প্রবেশ ।

কবি ।—কি করিলি বল্ দেখি ? কি কবেছি তোব ?
মুরলারে—মুবলারে—মুরলা আমার, হা—বে
কি ক'রেছি এত তুই হলি, যে কঠোব ?
প্রাণ মোর, মন মোব, হৃদয়ের ধন মোর,
সমস্ত হৃদয় মোর, জগৎ আমার—
একবার বল্ বালা—বল্ একবার
ছাড়িয়ে যাবিনে মোরে ফেলি এ সংসার-ঘোরে,
নিতান্ত এ হৃদয়েবে রাখি অসহায় ।
আয়, সখি, বুকে থাক্, এই হেথা মাথা রাখ্,
হৃদয়ের রক্ত ফেটে বাহিরিতে চায় ।

মুরলা, এ বুক তুই তাজিস্নে আর,
 চিরদিন থাক্ সখি হৃদয়ে আমার ?
 মুরলা ।—লও কবি—এই লও—এই মাথা তুলে লও—
 অবসন্ন এ মাথা যে পারিনে তুলিতে,
 একবার রাখ সখা, রাখ ও কোলেতে !
 নিতাস্তই স্বার্থপর হৃদয় আমার—
 অতি নীচ হীন হৃদি এই মুরলার—
 নির্দয়—নির্দয় বড়—পাষণ হতেও দড়
 ধূলি হতে লঘুতর হৃদয় আমার !
 নহিলে কি করে আমি—কবি—কবি মোর—
 (হৃদয়ে ঘনায়ে ছিল কি মোহেব ঘোর !)
 স্নেহময় শোমাবেও তাজি অনায়াসে
 কি কবে আঁঠু চলি এ দুব প্রবাসে ?
 ও করুণ নয়নের অশ্রুবারি ধার
 একবারো মনে নাহি পড়িল আমার ?
 অমন স্নেহের পানে ফিবে না চাহিয়ে
 পারিহু আঘাত দিতে ও কোমল হিয়ে ?
 মার্জনা করিও এই অপরাধ তাব—
 কবি মোর—শেষ ভিক্ষা এই মুরলার !
 এমন দুর্বল হৃদি—এত নীচ, হীন—
 এমন পাষণে গড়া—এতই সে দীন,
 এষে চিরকাল ধ'রে ছিল তব কাছে—
 এ অপরাধের, কবি, মার্জনা কি আছে ?
 সখা, অপরাধ সারা অস্তিত্ব তাহা—

মরণে করিবে আজি প্রায়শ্চিত্ত তার !

কেন আজ মুখখানি শীর্ণ ও মলিন—

বড় যেন শ্রান্ত দেহ—অতি বলহীন—

রাখ কবি মাথা রাখ’—এই বৃকে মাথা রাখ’

একটু বিশ্রাম কর স্নদয়ে আমাব !—

ছিছি সখা কৈদোনাকো—মুবলার কথা রাখো

● মুখে দেখিতে নাবি অশ্রুবারি ধার !

কবি ।—এতদিন এত কাছে ছিল এক ঠাঁই

মিলনের অবসর মোবা পাঠি নাই ।

কে জানিত ভাঙ্গা, সখি, ঘটিবে এমন

মরণের উপকালে হঠাৎ মিলন !

মুরলা ।—কি যে সুখ পেতেছি তা’ বলিব কি কোরে—

বল সখা, এখনি কি যাব’ আমি মোরে ?

এই মরণের দিন না যদি ফুরায়—

মরিতে মবিতে যদি বেঁচে থাকা যায়—

দিন যায়—দিন যায়—মাস চোলে যায়—

তবু মরণের দিন না যদি ফুরায় ।—

সখা ওগো—দাও মোবে—দাও মোরে জল

সুখেতে হোয়েছি শ্রান্ত—অতি দুর্বল ।—

কবি ।—বিবাহ হইবে, সখি, আজ আমাদের—

দারুণ বিরহ, ওই আসিবার আগে, সই,

অনন্ত মিলন হোক এই দুজনের !

আকাশেতে শত তারা চাহিয়া নিমেষ হারা,—

উহা বা অনন্ত সাক্ষী রবে বিবাহের !—

আজি এই ছুটি প্রাণ হইল অভেদ,
 মরণে সে জীবনের হবেনা বিচ্ছেদ ।
 হোক্ তবে, হোক্, সখি, বিবাহ স্নেহের—
 চিতায় বাসর শয্যা হোক্ আমাদের !—
 মুরলা ।—তবে তুলে আন ত্বরা রাশি রাশি ফুল !
 চিতাশয্যা হোক্ আজি কুর্সুমে আকুল !
 রজনী গহ্বার মালা গাঁথগো ত্বরায়,—
 সে মালা বদল করি দিও এ গলায়,—
 সেই মালা পোরে আমি তোমার সমুখে স্বামি—
 করিব শয়ন স্নেহে স্নেহের চিতায়,
 সেই মালা পোরে যেন দগ্ধ হয় কায় !

(অনিলের ফুল আনিতে প্রস্থান ।)

কবি গো, বড়ই সাধ ছিল মনে মনে
 এক দিন কেঁদে নেব ধরি ও চবণে,—
 দেখি, কবি, পা ছুঁখামি দেখি একবার,
 বড় সাধ গেছে মনে স্নেহে কাঁদিবার !
 কই, ফুল এল' না তো আসিবে কখন ?
 এখনি ফুরায়ে পাছে যায় এ জীবন !
 আরো কাছে এস কবি, আরো কাছে মোর,
 রাখ হাত দুই খানি হাতের উপর !
 কবিগো, স্বপ্নেও আমি ভাবি নাই কভু
 শেষদিনে এত স্নেহ হবে মোর প্রেতু !
 এখনো এলনা ফুল ! সখাগো আমার

বড় যে হোতেছি শ্রান্ত পারিনে যে আর !

(ফুল লইয়া অনিলের প্রবেশ ।)

(অনিলের প্রতি) ললিতা, কেমন আছে বল ভাই বল !

অনিল ।—ললিতা কেমন আছে ? সে আছেরে ভাল !

মুরলা ।—চিরকাল ভাল যেন থাকে আদরিণী

চিরকাল পতি স্নেহে থাকে সৌহারিনী !

কথা ক' চপলা, সপি, মাথা খা আমাব,

নীরবে নীরবে বসি কাঁদিস্ না আর !

মরণের দিনে ছুঃখ র'য়ে গেল চিতে

হাসি খুসি মুখ তোর পেছনা দেখিতে !

স্নেহে থাক্, সখি তুই চির স্নেহে থাক্,

হাসিয়া খেলিয়া তোর এ জীবন যাক্ !

ওই যে এসেছে মালা, কবিগো ত্রায়

পরায় দাওগো তাহা এ মোর গলায় ।

এই লও হাত মোর রাখ তব হাতে,

ছেলেবেলা হোতে মোরে কত দয়া স্নেহ কোরে

রেখেছ এ হাত ধরি তব সাথে সাথে,

আবার মোদের ববে হুইবে মিলন

এ হাত আমার, কবি, করিও গ্রহণ,

যেথা যাবে সেথা রব ছুই জনে এক হব,

অনন্ত বাঁধনে রবে অনন্ত জীবন !

কবি ।—বিবাহ মোদের আজ হোল এই তবে,

ফুল বেথা না শুকায় সদা ফুটে শোভা পায়

সেথায় আরেক দিন ফুল শয্যা হবে !

মুরলা (কবিকে) এস কবি বুকে এস,

(অনিলকে) এস ভাই কাছে বস,

(চপলাকে) একটি চুম্বন সখি, বুঝি প্রাণ যায়,

এই শেষ দেখা এই হৃথের ধরায়,

আসিছে আঁধার ঘোর, কবি, কোথা তুমি য়োর !

আরো কাছে, আরো কাছে, এসগো হেথায় !

আজ তবে বিদায়, বিদায় ।

স্বামি, প্রভু, কবি, সখা,

আবার হইবে দেখা,

আজ তবে বিদায় বিদায় !

চতুস্ত্রিংশ সর্গ।



শয্যায় শয়ান ললিতা—অনিলের প্রবেশ।

(ললিতার গান ।)

বায়ু! বায়ু! কি গোপিতে আসিয়াছ হেথা ?

কৌতুকে আকুল !

আমি—একটি জুঁই ফুল !

সারা রাত এ মাথায় পোড়েছে শিশির—

গগেছি কেবল !

প্রভাতে বড়ই শ্রান্ত ক্লান্ত হে সমীর !

অতি হীন বল !

ভাঙ্গা বৃন্তে ভর করি রয়েছি জীবন ধরি

জীবনে উদাস !

ওগো—উবার বাতাস !

শ্রান্ত মাথা পড়ে নুয়ে—চাহিয়া রোয়েছে ভূঁয়ে

মর' মর' একটি জুঁই ফুল !

কাছেতে এস' না ধোরে—এখনি গড়িবে ধোরে

সুকুমার একটি জুঁই ফুল !

ও ফুল গোলাপ নয় (ফুলনা ফুলভিনয়),

নহে চাঁপা নহে গো বকুল !

ও নহেগো মুণালিনী—তপনের আদরিণী,

ও শুধু একটি জুঁই ফুল !

ওরে আসিরাছ দিতে কি সংবাদ হার—

হেঁ প্রভাত বায় ?

প্রভাতে নলিনী আজি হাসিছে সরসে ?

হাসুক সরসে !

শিশিরে গোলাপ গুলি কাঁদিছে হরষে ?

কাঁদুক হরষে !

ও এখনি বৃন্ত হোতে কঠিন মাটিতে

পড়িবে অগ্নিহা,

শান্তিতে মরেগো যেন মরিবার কালে

মাওগো সরিয়া !

মুখ থানি ধীরে ধীরে দেখিতেছ তুলে

দাঁড়াইয়া কাছে—

দেখিবারে—দুঃখ জুঁই মুখ নত করি

অভিমান কোরে বুঝি আছে !

নয় নয়—তাঁহা নয়—নে সকল খেলা নয়—

ফুরায় জীবন—

ভবে বাও—চোলে বাও—আর কোন কূলে বাও

প্রভাত পবন !

ওরে কি শুধাতে আছে প্রেমের বারতা ?

মর' মর' যবে ?

একটি কহেনি কথা অনেক লহেছে—

সরমে সরমে কীট অনেক বহেছে—

আজ মরিবার কালে শুধাইছ কেন ?

কথা নাহি ক'বে !

ও যখন মাটি পরে পড়িবে ঝরিয়া

ওরে লোয়ে খেলাস্নে ভূই !

উড়ারে বাস্নে লোয়ে হেথা হোতে হোথা !

কুদ্র এক জুই !

যেথাই থসিয়া পড়ে—সেথা যেন থাকে পোড়ে

চেকে দিস্ শুকানো পাতায় !

কুদ্র জুই ছিল কিনা—কেহই ত জানিত না

মরিলেও জানিবে না তার !

কাননে হাসিত চাঁপা হাসিত গোলাপ

আহি যবে মরিতাম কাঁদি,

আজো হাসিবেক তারা শাখায় শাখায়

হাতে হাতে বাঁধি ।

সে অকলস হাদি মাঝে—সে হৃদয় রাশি মাঝে

কুন্তু এই বিবাদেই হইবে সমাপ্তি ।

৪৫৭

সমাপ্ত ।

PRINTED BY K. K. CHAKRAVARTI AT THE VALMIKI PRESS,
55, AMBUST STREET, CALCUTTA.

Central Library,

Calcutta-97.